



1108



CC  
1.166







49

LC. 1166

ms. 1108



CC. 1166.

inv. 1108

Handwritten text, possibly a signature or date, in a cursive script.



*quod fuit dicitur, in vna assensu, 2. hylar*

# D. Ambrosii

MEDIOLANENSIS EPI-  
SCOPI IN CANTICVM CAN-  
ticorum commentaria, studio Ioannis

Costerij Prioris canonicorum Mar-  
tinsium Louanij, ex omni-

bus eiusdem Ambro-

sij operibus

confecta. 41. Catalogo lib. Sctæ

Genoudæ Adscriptis

1696

CC8° 1166. w. 1108



LOVANII.

Apud Hæredes Seruatij Sasteni.

Anno M. D. LVIII.

Cum gratia & Priuilegio.

*Summi Rectoris Universitatis, et universi  
hanc munera. 267*

# REGIO PRIVILEGI

legio cautum est.

Ne quis præter viduam Seruatii Sasseni, intra proximos annos quatuor. D. Ambrosij Mediolanensis Episcopi in Cantica canticorum commentaria, studio Ioannis Costerij confecta imprimat, aut imprimi procuret, neq; alibi excusa distrahat. Præuaricatori huiusmodi librorum confiscatio, & grauis mulcta pecuniaria in pœnam constituta. Iuxta literas Bruxellis datas xviiij. Iunij. Anno M. D. LVIII.

Sig. P. de Lens.



IOHANNES

Ambrosij Mediolanensis Episcopi

Anno M. D. LVIII.

Com. gratia & Privilegio

*[Faint handwritten notes and signatures at the bottom of the page]*



# REVERENDIS

SIMO IN CHRISTO PATRI,  
PRINCIPIQUE ILLUSTRISSIMO,

D. Roberto à Bergis, Episcopo Leodiensis

Ecclesiæ, Duci Bullon, Comiti Los,

sensi, &c. Salutem & pacem

à Christo Iesu,



Vum per paucis ab hinc  
annis illustrissime Prin-  
ceps, restituendo emacu-  
landoq; Ambrosio, Me-  
diolanensium antistiti operam navare,  
sæpenumero inter legendum animad-  
verti sanctissimum doctissimumq; vi-  
rum eo libro Salomonis, cui Canticum  
canticorum nomen dedit, mirum in  
modum fuisse delectatum: ideoq; ubi-  
cunq; ipsi eius libri explicandi vel in-  
terpretandi qualiscunq; offerretur occa-  
sio: eam per libenter, & obuijs, quod  
aiunt, vlnis, accepisse. Quæ res me  
sanè permouit, vt ego scriptis eius om-  
nibus,

## EPISTOLA

nibus diligenter summoq; labore per-  
lectis, integrum quoddam in eadem  
Cantica commentariorum corpus ex  
diuersis partibus membrisq; confices  
rem: qua felicitate, quoue fructu, alios  
rum esto iudicium, Id quod etiā olim  
a quopiam Ambrosiani ingenij studi-  
olo tentatum esse video, cuius ego stu-  
dium piumq; conatum non laudare  
non possum: verū quomodo omnia  
sint illic hiulca, distorta, manca, con-  
fusa, & veluti scopæ dissolutæ nullam  
in se firmitatem, nullumq; ordinem  
habeant, sintq; tanquam sine anima  
corpus, operæ pretium remq; omni-  
bus diuinarum literarum cultoribus  
neutiquam ingratam me facturum  
existimaui, si pro nostri mediocritate  
ingenij, huic operi rudi & impolito  
politiem aliquam adhiberem: atq; in-  
primis illud summo studio procurare,

vnicum



# DEDICATORIA.

Vnicum vt esset vbiq; orationis filiū,  
 vnica series, vnicus ordo: ne quod fœ-  
 dum est aspectu, & plenum fastidij, vl-  
 la ex parte mēbra à suo capite diuulsa  
 & dilacerata videātur. Id porrò quum  
 ingenti labore magnisq; sudoribus  
 efficere contenderem, omnia mihi fere  
 commutanda fuere: multa adimēda,  
 plura addenda: vt si quis nunc alterū  
 cum altero conferat, nouam huiusce  
 operis faciem, nouam formam, no-  
 uumq; cultum esse videbit, Sed de his  
 satis. Difficile vero dictu, q̄ in hoc  
 campo, vbi excurrēdi spatium erat,  
 Ambrosius ingenij sui habenas laxa-  
 uerit, quantisque sermonis delitijs  
 sponsi spōseq; spirituales castasq; deli-  
 cias decantauerit: certe ita, vt de ipso  
 quoque haud falsò dici possit, quod  
 olim D. Hieronymus de Origine scrip-  
 sit: Cum in cæteris libris omnes viz



cerit, in Cantica canticorum ipse se vis-  
cit. Profundos enim illos & arcanos  
diuinæ Sapientiæ sensus felicissime  
penetrat, quibus enarrandis & explis-  
candis, venustissima & tanquā floru-  
lenta ac venerca oratione vtitur, quæ  
huic epithalamio perpulchrè apteq;  
conueniat. Cæterum quod dixi hæc  
cantica in delicijs fuisse Ambrosio, id  
permultis alijs cū recētoribus, tū an-  
tiquioribus scriptoribus accidisse vis-  
deo: qui magnis ingenij viribus, nec  
minori pompa sermonis, magnum illud  
cælestis connubij mysterium cele-  
brarunt. In quo quidem spiritus Dei  
veluti quodam præludio subindicare  
illud tēpus voluit, quo Christus olim  
adamantā sibi Sponsam coniungeret:  
tempus nimirum quietis & pacis,  
tempus misericordiæ & gratiæ: in quo  
erunt omnia læta, festina, iocunda: in  
qua

# DEDICATORIA

quo diuinorum canticorum inaudita  
 personabit dulcedo : nimirum quum  
 secundum Esaïæ vaticinium , sponsus  
 cum sponsa sedebit in pulchritudine  
 pacis , & requie opulenta . Atq; ideo  
 humanos omnes affectus procul hinc  
 esse oportet : quum nihil eorum hic  
 tractetur : quæ ad scedæ & petulcæ car-  
 nis illecebras spectēt ; neq; enim Spon-  
 sus ecclesiæ Christus, vnicus pudicitia  
 cultor & castitatis exactor amat expi-  
 ctam & elaboratam elegātiā formę,  
 nō amat eas quæ cutem medicaminib;  
 bus perungunt, genas rubore depin-  
 gunt, oculos fuligine collinūt , & laci-  
 niosis pomparum & deliciarū ineptijs  
 faciem occupantes, oculos & suspiria  
 adolescentum post se trahunt : sed  
 cælestia sunt hic cuncta, quæ vides, di-  
 uina quæ audis, & quæ sui sublimitate  
 humanum omne transcendunt . Ea

✠ iij verò



verò diuina sacramēta quum incom-  
 parabilia sint, & in hoc Canticorum  
 libro tectius & obscurius conscriban-  
 tur, non est cuiusuis huius interpre-  
 randi prouinciā vindicare: sed illorū  
 duntaxat, quibus datum est nosse my-  
 steria regni Dei: & qui cum Moyse  
 veteris vitæ reiectis exuijs, tanquam  
 soluto calceamento, ad visionem hanc  
 magnam contuendam admittuntur,  
 Siquidem olim apud Hebræos, seue-  
 rioribus legibus cautum fuit, nisi quis  
 apud eos ætatem sacerdotalis ministe-  
 rij, id est, tricesimum annum impleue-  
 rit, hæc Cantica, quemadmodū etiam  
 nec principia libri Geneseos, nec Eze-  
 chielis prophete initium ac finem, quæ  
 multis obscuritatibus inuoluta sunt,  
 legere permittatur: vt ad perfectā sci-  
 entiam, & mysticos intellectus vt Hie-  
 ronymus ait, plenum humanæ nature  
 tempus

# DEDICATORIA.

tempus accedat. Sunt enim ea perfectioribus conscripta: ijs nimirum, qui non lacte in Christo aluntur, sed solido cibo: & qui pro possibilitate sumendi exercitatos habent sensus, ad discretionem boni & mali. Tria quippe sunt volumina quæ Salomon posteritati conscripta reliquit: Prouerbia, Ecclesiasten, & Cantica canticorum. Et quidem in Prouerbijs teneram rudemque ætatem, & tanquam novos in Christo tyrones breuioribus sententijs format: In Ecclesiaste adultæ iam & robustiori mundanarum rerum vanitatē instabilitatemque proponit: Cæterum in Canticis absolutum virum & calcato seculo perfectum sponsi cōiungit amplexibus. Quare D. Ambrosium, summum & incomparabilem virum huic operi non indignum ineptumque interpretem admotum esse censeo, quem  
præter



## EPISTOLA

præter eximiam eruditionem & insignem eloquentiam ad summum sanctioris vitæ fastigium conscendisse nouimus: & qui quū esset omnibus virtutum numeris probè excultus, vnus tamen virginalis & augustæ purditæ tum amator, tum præco fuit, atq; ideo idoneus prorsus, qui hoc mysticum epithalamium, hæc intemerata studia castitatis, hos diuinos amores, & cælestes ac sanctissimas nuptias puro castoq; pectore enarraret. Illud verò sciendum cum primis, illum hic sequutum fuisse editionem Septuaginta interpretum, quæ à nostra vulgata trāslatione plurimum differt. Proinde hunc nostrum laborem, quem in hoc opere exantlauimus, T. D. visum est dedicare ornatissime Præsul, nō ob id solū, vt nostrorū qualiūcūq; studiorū, quæ pro ingenij tui singulari candore

impro



# DEDICATORIA.

improbare non soles, rationem tibi reddam: sed quod maximè opportunum censeam, has Christi Spôsæq; ecclesiæ suæ nuptias tibi cumprimis offerre, qui non ita pridem optimi Dei voluntate, summoq; omniũ bonorum applausu, & inaudita letitia, nouus foelixq; Antistes, tanquam nouus Spôsus Ecclesiæ cui præfectus es, amplexibus et coniunctus. Quã amare, vt Spôsus, cõfouere, vt Pastor: defendere vt princeps, semper possis, illum votis communibus cõprecamur, qui se Ecclesiæ suæ ὑπερασπισὴν & perpetuũ defensorem futurum esse promisit Christus, T. D. nobis omnibus diu conseruet incolumen ornatissime & illustrissime Præsul. Louanij, è monasterio nostro Martiniano.

*Tuo obsequio addictissimus seruus  
Ioannes Costerius.*

# IN DIVIAM

## BROSII SVPER CANTICA

Commentarium, D. Ioannis Costerij opera  
concinnatum, Iacobi Latomi

Iunioris carmen.


**M**Os hic doctoru, & ratio solet esse viroru,  
Publica ut ingenio semper et arte iuuet.  
Ambrosij vitiatat iners monumenta vetustas,  
Nec satis ad curam solus Erasmus erat:  
Plurima restabant studio emendanda sagaci,  
Restabant varijs plurima trunca locis.  
Non ea damna ferens nuper Costerius ultra  
Sustulit egregia sedulitate malum:  
Quæ loca lectorem vitio remorante tenebant,  
Fecit inoffenso lumine posse legi.  
Nec satis hoc visum, merito benefacta recenti  
Vir cumulanda pius censuit esse sibi.  
Cantica ab Ambrosio prius illustrata fuisse  
Quis norat? præsens id tibi monstrat opus,  
Docta quod eiusdem Costeri cura peregit,  
Dum facit in seriem sparsa coire novam.  
Si legat Ambrosius, studium miretur & artem,  
Authoremq; libri se neget esse sui.



Erratula quæ in hoc opere excu-  
dendo irrepererunt sic corrigito.

Fo. 6. ver. 7. cessauit. fo. 8. ver. 20. condita. fo. 19. ver. 9.  
Præmisit. fo. 36. ver. 22. suspendendis. fo. 40. ver. 1. cu-  
pressi. fo. 50. ver. 4. vua. fo. 68. ver. 14. illecebra. fo. 73. ver.  
13. præmijs. fo. 125. ver. 2. pungant. fo. 128. ver. 6. perfidos.  
fo. 164. ver. 12. non poterit.









# D. Ambrosij Mediola-

NENSIS EPISCOPI IN

Cantica Canticorum Commenta-

ria, Studio Ioannis Costerij

ex eiusdem Ambrosij

operibus con-

fecta.



Seuletur me ab osculis oris sui. 7

Procul hinc esto carnalium

procorum insana libido, fa-

cessat hic petulantium leno-

nū fœda lasciuiā: non enim

hic dedecorosa voluptatis

cantantur abominanda fomenta, aut spur-

corum amorum nefanda opprobria, sed inte-

merata celebrantur mysteria castitatis: nuptie

sunt hic non terreni coniugii, sed matrimo-

nii spiritualis, quibus Christo Ecclesia, Ca-

ro Spiritui nubit, castoque fœdere copulatur.

Circumcidamus ergo cor nostrum: nihil

vile, nihil corporeum quæramus. Vile au-

tem omne terrenū. Nihil ergo terrenū, nihil

carnale, nihil seculare, nihil leue atque muta-

bile in his eloquijs constituamus cœlesti-

bus: Eloquia enim Domini, eloquia casta ut

in his cœlestiū mysteriorum immaculata &

pudica synceritas spiritali interpretatione

resplēdeat. Non adulterina quadā opinione

A

misceas

Ex tractatu  
in psal. 118.

Psal. 118.



2. Reg. 3.

Li. 2. de Vir-  
ginitate.

misceamus terrena diuinis, & illud inuola-  
 bile sacramentum propheticae visionis, aut  
 perennis oraculi, naturae nostrae aestimatio-  
 ne violemus. Siue enim de osculis, siue de  
 tactibus dicatur, totum decet quicquid de-  
 fertur religioni: ut nullum obsequium quod  
 proficiat ad cultum & obseruantiam Christi  
 erubescamus: sicut in illa saltatione David  
 ante Arcam. Non enim illa deliciarum co-  
 mes fuit atque luxuriae saltatio: sed quia  
 vnusquisque corpus suum attollat impigrum,  
 nec humi pigra iacere membra, vel tardis sinat  
 torpere vestigijs. Igitur totus iste delicti-  
 arum locus ludum sonat, plausum excitat,  
 amorem prouocat. Et sane in his coniugijs  
 temporalibus nubenti prius plauditur,  
 quam imperatur: ne ante dura offendant  
 imperia, quam blandicijs amor foris ino-  
 lescat. Bucula plausus cuiusdam sonitum  
 discit amare, ceruicis ne iugum recuset.  
 Denique prius adsuescitur verbo lasciuae,  
 quam verberi disciplinae. Ast ubi colla sub-  
 diderit iugo, & habena constringit, & sti-  
 mulus vrget, & compares trahunt, & iuga  
 illis inuitat. Sic etiam Sponsa nostra debuit  
 prius amore pio ludere, aurea thori caele-  
 stis fulcra mirari, in ipso vestibulo nuptia-  
 rum & postes frondium sertis cernere co-  
 ronae



ronatos, & chori strepentis interius haurire  
delicias: ne se prius dominico iugo timefa-  
cta subduceret, quàm vocata inclinaret.  
Oportet enim vt gradus quosdam profe-  
ctuum & ordinem nouerimus: quid prius,  
quid consequens esse debeat. Nam scire  
quid facias, & ordinem nescire faciendi, non  
est perfectę cognitionis. Offendūt enim ple-  
runque præpostera,

**O** Sculetur me ab osculis oris sui.] Vis hæc  
ad Christum aptare? Nihil gratius.

Vis ad animam tuam? Nihil iocundius.

Constitue ergo virginem desponsatam  
multo tempore, & iusto feruentem  
amore, quæ multa præclara opera dilecti  
probabilium testium adsertione cognoue-  
rit desiderijs suspensis dilatam frequenter,  
iam non ferentem moras, quæ omnia fecis-  
set, vt sponsum videret, aliquando potitam  
suis votis, ad improuisum sponsi aduentum  
gaudio turbatam, non quærere primordia  
salutationis, nō verborum vices, sed statim  
quod desiderasset, exigere. Ita ergo & sancta  
Ecclesia, quæ in primordijs mundi despon-  
sata in paradiso, præfigurata in diluuiio, ad-  
nunciata per Legem, vocata per Prophetas,  
quum dñi redemptionē hominum, Euan-

Ex tractatu  
in psal. 118.  
ser. 1.

Esa. 3. iu-  
xta 70.

Θ τῆ πό-  
λει τῶν πο-  
δῶν αὐτῶν  
οὐ γούνα-  
τοις χιτῶ-  
νας.

Esa. 40.  
Psalm. 64.

1. Tim. 2.

geli decorum, dilecti expectasset aduentum,  
Impatiens moræ in oscula ruit, dicens: Os-  
culetur me ab osculis oris sui. Et vt mora-  
lius dicamus: intellige mihi carnē illam, quæ  
madefacta fuerat in Adam Serpentis vene-  
no, quæ criminum marcebat foetore, quæ  
procedebat in filiabus Sion alta ceruice, &  
nutibus oculorum, & itinere pedum trahēs  
tunicas, & pedibus suis ludens, crinium cin-  
cinnis & compositis vultibus atq; redimi-  
culis, & omni adfectato decore plus dedecēs,  
eandem tamen plurimis edoctam oraculis,  
quod venturus esset, qui Serpētis illecebris  
exclusis, sancti Spiritus infunderet gratiam,  
vt omnis caro videret salutare Dei, omnis  
caro ad Deum veniret, inarsisse desiderio:  
sed metuentem ne vt impatiens, vt lasciuia,  
vt luxuriosa, vt quærula, sicut ante fuerat  
displiceret, quamuis longiore quàm ferre-  
lam poterat, morantis Dominici aduentus  
expectatione quateretur, nō immurmuran-  
tem tamen, nec transgredientem, sed leuan-  
tem in omni loco puras manus sine ira &  
disceptatione, in habitu ornato cum vere-  
cundia & sobrietate ornantem se, non in  
tortis crinibus, aut auro, aut margaritis, aut  
veste preciosa, sed his quæ castitatis & bonæ  
conuersationis decerent gratiam, orare di-  
centem:



centē: Osculetur me ab osculis oris sui. Iam volebat adhærere Christo caro, iam festinabat innubere, vt esset vnus spiritus, & vna fieret caro Christi, quæ ante fuerat meretricis. Et planè non mediocris meriti est, de qua potest dicere Sapientia: Ex quo intraui non cessauit osculari pedes meos: Vt aliud nisi sapientiam loqui nesciat, vt aliud nisi iustitiam diligere nesciat, vt aliud nisi castitatem libare nesciat, vt aliud nisi pudicitiam osculari nesciat. Osculum enim mutui amoris indicium est: osculum pignus est charitatis.

**O** Sculetur me ab osculis oris sui.]

Ex lib. de  
Isaac.

Considera hic vel Ecclesiam iam diu promissa sibi per Prophetas Dominico aduentu per tempora multa suspensam, vel animam quæ eleuans se a corpore, abdicatis luxuria atque delicijs voluptatibusque carnalibus exuta quoque sollicitudine secularium vanitatum, iam dudum infusionem sibi diuinae praesentiae & gratiam verbi salutaris exoptet, commacerari eam quod sero veniat & adfligi: ideoque quasi vulnerata charitatis, quum moras eius ferre non posset, conuersam ad Patrem, rogare vt mittat sibi Deus Verbum, & causam qua sit ita impatiens declarare dicentem: Osculetur me ab oscu-

τετραμένη  
ἀγάπης.  
Ita Septua.



Lu. 7.

Psal. 118,

lis oris sui. Non vnum osculum quærit, sed plura: vt desiderium suum possit explere. Quæ enim diligit, non est vnus osculi paritate contenta, sed plurima exigit, plura vendicat, & ita se dilecto amplius commendare consuevit. Denique illa in Euangelio sic probata est, quia nō cessauit, inquit Dominus, osculari pedes meos: & ideo sunt ei remissa peccata multa, quia dilexit multum. Ergo & hæc anima oscula verbi multa desiderat, vt illuminetur diuinæ cognitionis lumine. Hoc est enim osculum, lumen scilicet cognitionis sacræ. Osculatur nos enim Dei verbum, quando cor nostrum & ipsum principale hominis, spiritus diuinæ cognitionis illuminat, quo anima donata nuptiali pignore charitatis, læta atque ouans dicit: Os meum aperui & attraxi spiritum. Osculum enim est, quo inuicem amantes sibi adhærent, & veluti gratiæ interioris suauitate potiuntur. Osculum est charitatis ac pietatis pignus. Osculatur se & colubæ, sed qd ad humani osculi venustatem, quo insigne amicitiae humanitatisq; præfulget, in quo plenæ charitatis fidelis affectus exprimitur? Vnde & Dominus velut prodigij genus in proditore cōdēnās ait: Iuda osculo filiū hominis tradis? Per osculū hoc ergo adhæret anima

anima Del verbo, per quod sibi spiritus transfunditur osculantis: sicut etiam qui se osculantur, non sunt labiorum praelibatione contenti, sed spiritum suum sibi inuicem videntur infundere. Osculetur me ergo, ait, ab osculis oris sui.

**Q**uia meliora vbera tua super vinum.] hoc Ex tractatu  
in psal. 118.  
est, meliores sensus, meliora Sacramenta tua super vinum: super illud vinum, quod & si suauitatem habet, lætitiā habet, gratiam habet, tamen in illo lætitiā secularis, in te autem iocunditas spiritalis est. Iam tunc ergo Salomon inducebat nuptias vel Christi & Ecclesiæ: vel carnis & animæ. Et tāquā despiciens omnes iocunditates & delectationes suas, cælestibus cupiens inhærere mandatis, ait: Quoniam optima præcepta testamentorum tuorum, super omnem appetentiam carnis, ac seculi voluptatem. Meminerat enim se in Eva ante sic lapsam, dum voluptatem corporis mandatis cælestibus præfert. Ostendens itaque non solam speciē verbi, & vultū quēdā, sed omnia interiora eius se diligere, adiūgit ad gratiā osculorū, quia bona vbera tua super vinū, & odor vnguētorū tuorū super omnia aromata. Illa osculū poposcit, De<sup>9</sup> verbū se ei totus infudit: & nudauit ei ybera sua, hoc est, dogmata

Ex lib. de  
Patriarchis.

A iij sua



sua, & interioris sapientiæ disciplinas & vnguentorum suorum dulci odore fragrauit. Quibus capta dicit vberiore esse iocunditatem diuinæ cognitionis, quàm lætitiā omniscorporeæ voluptatis.

Ex tractatu  
in psal. 118.  
ser. 1.

**V**nguentum exinanitum nomen tuum.] Hoc est, totus immundis impuritatibus diuersorum facinorum foetebat hic mundus, nunc spirat vbique suauitas pudicitiae, vnguentum fidei, flos integritatis. Adspirat etiam in verbo odor gratiae, & remissio peccatorum, quæ in totum diffusa est mundum, omnia tanquam exinanito repleuit vnguento: quia per vniuersos grauis est deteresa illuues vitiorum.

Libro 3. de  
Virginitate.

Vnguentum exinanitum nomen tuum.] Caro Christi non vidit corruptionem, nec odore aliquo mortis emarcuit: sed æterni illius floris & semper virētis odore tondita surrexit. Quomodo enim poterat vel in carne marcescere, cuius nomē vnguētum exinanitum est? Exinaniuit se, vt spiraret tibi. Semper hoc vnguentum erat, sed erat apud Patrem, erat in Patre. Olebat tantum Angelis & Archangelis, tanquam intravas cœli: aperuit os Pater dicens: Ecce posui te in testamentum generis mei, in lucem Gentium, vt sis in salutem ysque ad  
extre

Esa. 45.



extremum terræ. Descendit Filius, repleta  
sunt omnia nouo odore Verbi. Eructauit Psal. 44  
cor Patris verbum bonum, fragrauit Filius,  
Spiritus sanctus exhalauit, atq; per omniū  
se corda diffudit. Diffusa est enim charitas  
Dei in cordibus nostris per Spiritum san-  
ctum. Ipse Dei filius in corpore tanquam in  
vase odorem primò cohibebat suū, operiēs  
tempus quando effunderet, sicut ait: Domine Esa. 50.  
nus dat mihi linguam eruditionis, vt sciam  
quando oporteat me dicere sermonē. Venit  
hora, aperuit os, exiuit vnguentum, quando  
virtus exibat de eo. Hoc vnguentum exina-  
nitum est super Iudæos, & collectum est à  
Gentibus. Exinanitum in Iudæa, & redoluit  
in omnibus terris. Hoc vnguento vncta est  
Maria, & virgo concepit, virgo peperit bo-  
num odorem, Dei filium. Hoc vnguentum  
effusum est super aquas, & aquas sanctifi-  
cavit. Hoc vnguento vncti sunt tres pueri,  
& humorem his flamma rorauit. Hoc vnguento  
Daniel vnctus est, & leonum ora  
molliuit, feritatemq; permulsit. Fluit hoc  
vnguentum quotidie, & nunquam deficit.  
Accipe vas tuū Virgo & accede, vt possis  
hoc vnguento repleri: accipe vnguentum  
æstimatum trecentis denariis, sed gratis da-  
tum, non venditum, vt omnes gratis habe-  
rent

rent. Gratis ungere Virgo : noli contristari sicut Iudas, quia hoc unguentum effunditur, sed consepeli te in Christum. Claude fas-  
nè vas tuum, ne unguentum effluat. Claude integritatis clauē, loquēdi verecundia, abstinentia gloriandi. Hoc quæ habet unguentum, Christum recipit.

Libro de in-  
stitutione  
Virginis.

**V**nguētum exinanitum nomen tuum. ] De-  
scendat unguētum istud in animæ præ-  
cordia, viscerumque secreta, quo non deliciarū  
odores Maria, sed diuinæ gratiæ spiramēta  
redolebat. Hæc pluuia restinxit appetētiā  
Euz, hoc unguentum foetorem hæreditarij  
erroris absterisit, hoc unguentum Maria so-  
ror Lazari in pedes Christi effudit, & tota  
domus pio repleta odore fragrauit. Nec  
vlla se pauperem putet, nulla se arbitretur  
inopem, nulla metuat ne præciosum hoc  
unguentum emere non possit, aut fontem  
putet istum esse venalem. Qui sititis, inquit  
ite ad aquā, & quicūque nō habetis argentum,  
ite & bibite sine argento. Et supra ait,  
Gratis venundati estis, & sine argento redi-  
memini. Ideo pauper factus est Dominus,  
quū diues esset, vt eū omnes emant, & ege-  
nos præcipuè sua paupertate locupletet, Pau-  
rate igitur vasa Domini, vt excipiat hunc  
fontem aquæ yluæ, fontem virginitatis,

Esa. 55.

2. Cor. 8.

in



Integritatis vnguentum, odorem fidei, & suavis misericordiae gratia florulentum.

V Nguentum exinanitum nomen tuum.]

Lib. de Spī-  
ritu sancto.

Huius virtute sermonis nihil potest esse praestantius, Nam sicut inclusum in vase aliquo vnguentum cohibet odorem suum, qui odor quam diu vasis illius angustiis coercetur, & si ad plures non potest peruenire, tamen vim suam seruat: quum verò de vase illo quo claudebatur, vnguentum fuerit effusum, longè latèq; diffusum ducitur: ita & Christi nomen ante eius aduentum in Israelitico populo quasi in vase aliquo Iudaeorum mentibus claudebatur. Notus enim in Iudaea Deus, in Israel magnum nomen eius: Hoc utique nomen, quod vasa Iudaeorum angustiis suis coercitum continebant. Magnū quidē & tūc nomen, cum infirmorum & paucorum haereret angustiis, sed magnitudinē sui nondum per corda Gentium & in fines totius orbis effuderat. Postquā verò per omnē mundum suo illuxit aduentu, per omnem utique creaturam diuinum illud suū nomen extendit, non repletum accessione aliqua, plenitudo enim nescit augmentum, sed replēs vacua, ut esset admirabile nomen eius in vniuersa terra. Huius igitur effusio nominis abūdantē quandam exuberantiā gratiarū, bonorumq;

Psal. 45.

caelestium



cælestium significat largitatem. Ex abundanti enim superfluit, quicquid effunditur.

**P**ropterea adolescentulæ dilexerunt te.]

Quæ sunt istæ adolescentulæ, nisi animæ singulorum, qui deposuerunt istius corporis senectutem, renouatæ per Spiritum sanctum? Et quidem bona prudentia, sed dulcis misericordia: illam enim pauci adsequuntur, hæc ad omnes peruenit. Propter hanc ergo indulgentiam tuam diligunt te animæ Spiritu renouatæ, quam ij qui veteris & rugosi hominis grauantur exuijs amare non possunt.

Ex epistola  
ad Irenæum.

**A**Ttrahe nos post te, Curremus in odorem vnguentorum tuorum.] Osculata iam anima sancta verbum Dei, modum non capit, nec expletur, dicens: Suavis es Domine, & in iocunditate tua doce me iustificationes tuas. Osculata, inquã, Dei verbum concupiscit super omnem decorem, diligit super omnem lætitiã, delectatur super omnia aromata, cupit frequenter videre, sæpe intendere, cupit attrahi vt sequi possit. Vnguentum, inquit, exinanitum nomen tuum. Propterea diligimuste adolescentulæ, propterea certamus, sed comprehendere non possumus. Attrahe igitur nos vt possimus currere, vt odore vnguentorũ tuorum accipiamus.

accipiamus virtutem sequendi. Festinat ad  
 verbum, & rogat vt attrahatur, ne fortè des- Ex lib. de  
 relinquitur: quia currit Dei verbum, & non Isaac Patri-  
 est alligatum. Denique exultat tanquam gigas archa.  
 ad currendam viam. Et quia egressus eius a Psal. 18,  
 summo cœlo, & occursum eius vsq; ad sum-  
 mum eius, videns se imparē tantæ velocitati,  
 dicit: Attrahe nos. Habemus enim cupidi-  
 tatem sequendi, quam vnguentorum tuorum  
 adspirat gratia. Sed quia cursus tuos æquare  
 non possumus, attrahe nos, vt auxilio tuo  
 fultæ vestigiis tuis possimus insistere. Si  
 enim tu attraxeris, curremus & nos, & spi-  
 ritallis velocitatis flabra capsemus. Deponi-  
 tur enim sarcina, quibus manus tua fulcro  
 est, & oleum tuum infunditur, quo curatus  
 est ille qui a latronibus vulneratus est. Ac Luc. 19.  
 ne impudens tibi videatur, quod ait: Attrahe Matth. 22.  
 nos, audi dicentem: Venite ad me omnes qui  
 laboratis & onerati estis, & ego reficiam vos.  
 Vides quàm libenter nos attrahit, ne rema-  
 neamus sequentes. Sed qui vult attrahi, cur- Philip. 3.  
 rat vt comprehendat: & currat, posteriora  
 obliuiscens, & ea quæ sunt priora appetēs.  
 Sic enim poterit Christum comprehendere.  
 Vnde & Apostolus ait: Sic currite vt com- 1. Cor. 9.  
 prehendatis. Vult & ista ad brauium per-  
 uenire, quæ desiderat comprehendere Pru-  
 denter



Ioh. 13.

denter ergo rogat, vt attrahatur, quia non omnes sequi possunt, Denique dicenti Petro, quo vadis? respondit verbum Dei: Non potes me sequi modo, sequeris autem postea. Claves ei commiserat regni cælorum, & in sequendo se imparem iudicauit. Hanc tamen animam non abstulit, quia non præsumebat, sed rogabat. Denique ait:

2. Cor. 12.

Ex tractatu  
in psal. 118.  
ser. 1.

[Introduxit me rex in cubiculum suum.] Beata anima, quæ Verbi ingreditur penetralia. Namque ea insurgens de corpore, ab omnibus fit remotior, atque intra semetipsam diuinum illud si quo modo adsequi possit, scutatur & quærit. Quod quum potuerit comprehendere, ea quæ sunt intelligibilia supergressa, in illo confirmatur atque eo pascitur. Talis erat Paulus, qui sciebat se raptum in paradysum: sed siue extra corpus raptum, siue in corpore, nesciebat.

Collo. 2.

[Introduxit me rex in cubiculum suum.] Simplex est osculum, sed negotiosum cubiculi secretum. Hoc enim loco mystica cognoscere se velle plenius testatur, vt ingrediatur penetralia mysteriorum cælestium, vt aperiantur sibi thesauri sapientiæ & scientiæ absconditi in Christo. Quod vt possit, foras illud quod ait scriptura, Osculetur me ab osculis oris sui, significat superuentis  
entis



entis Spiritus sancti gratiam : sicut ad Mariam angelus dixit: Spiritus sanctus superueniet in te, & virtus altissimi obumbrabit tibi: Quando autem introduxit eam rex in cubiculum suum, passionis tempus, lateris compunctio, sanguinis effusio, sepulturæ vnguentum, resurrectionis mysterium declarat: ut osculum quasi sponsa acceperit, in cubiculum autem Christi sit introducta Ecclesia, non quasi iam tantummodo despōsata, sed etiam quasi nupta: nec solū thalamum sit ingressa, sed etiam clauēs legitimæ copulæ sit consecuta. Proinde si cubiculum quærimus, ipse nos edoceat, qui ait: Tu autem cum oraueris intra cubiculum tuū, & clauso ostio ora patrem tuum in abscondito. Cubiculum Ecclesiæ, corpus est Christi. Introduxit eam rex in omnia interiora mysteria, dedit ei clauēs ut aperiret sibi thesauros scientiæ. Sacramentorum clausas antea fores panderet, cognosceret quiescentis gratiam, defuncti somnum, virtutem resurgentis. In illo cubiculo iustitias Domini Iesu nupta reperit. Quæ sunt illæ iustitiæ? Vtique sacramenta baptismatis, sicut legimus, quia cum venienti ad baptismum diceret Ioannes, Ego a te debeo baptizari, & tu venis ad me, respon-

Luc. 2.

Matth. 6.

Sacramēta  
baptismi  
quæ.  
Matth. 3.

Luc. 7.

respondit Iesus, Sine modo, sic enim decet nos implere omnem iustitiam. In illo cubiculo iustificationes didicit, consilium Dei cognouit, sicut scriptum est: Quia omnis populus audiens & publicani iustificauerunt Deū, baptizati baptismo Ioānis: Pharizæi autem & legisperiti cōsilium Dei spreuerūt in se non baptizati ab eo. Quod ergo illi spreuerunt, nos elegimus & sequimur: quod nihil potest esse sublimius. Hoc est enim diuinum, in quo fit remissio peccatorū. Hæc a Domino quærit discere, quæ homines docere non poterant, nisi Deus ante docuisset. Quæ posteaquam a Christo apostoli didicerunt, Ecclesia dicit: Introduxit me rex in cubiculum suum: hoc est, in illud secretum suum, in quo sunt omnes thesauri scientiæ & cognitionis suæ. Ideoque tibi dicitur: Quā oras intra in cubiculum tuum, quod significat mentis animæque secretum. In hoc cubiculum iustitiarum Sponsa se poposcit induci, quā post odorē vnguenti excurrerit, quod semper fluit & nunquam deficit. Introduxit me ergo, inquit, rex in cubiculum suum. Græcus in promptuarium suum & in cellarium suū habet: vbi bona libamina, vbi boni odores, suauia mella, vbi fructus diuersi, vbi epulæ variæ sunt, vbi plurimis epulis

Matt. 5.

τὸ ταμῆν  
ἐν αὐτῷ



epulis prandium tuum condatur. Denique  
in illud diuini illius introducta secretum,  
statim infert:

**E**Xultemus & lætemur in te : diligamus  
vbera tua super vinum.] Non in diuitijs  
& auri argentiq; thesauris, non in posses-  
sionum fructibus, non in potestatibus, non  
in conuiuijs, sed in solo Deo exultat, dicēs  
ad eum: Diligamus vbera tua super vinum.  
Sic tamen bibebat, vt non absorberetur à  
vino, sed gratia eius lætitiā cordis hauri-  
ret, non corporis ebrietate titubaret. Quæ  
verò sunt vbera Sponsi, nisi Ecclesiæ sua-  
uia, lactea & pingua Sacramenta? Hæc sunt  
illi iocundiora ac gratiora, quàm mūdi om-  
nes exquisitæ deliciæ, quàm epularum va-  
ria ac splēdida fercula, gratiora deniq; quàm  
vinum quod inebriat homines, & apostatāre  
facit sapientes. Itaque post istam exultatio-  
nem ac lætitiā, aperuit oculos suos, &  
vidit viā rectā, reliquit vias tortuosas,  
dicens:

**A**Equitas dilexit te.] hoc est, non flexu-  
osa itinera te sequuntur, sed solus ad  
te potest iustitiæ trames peruenire.  
Qui enim diligit iustitiā, non se auertit à  
Christo. Quomodo enim arbitrum iustire-  
muneratoremq; meritorum innocēs metuat

Lactea Ec-  
clesiæ sacra-  
menta.

Eccle. 19.

B

conscia

conscientia ! Eadem tamen anima cognoscens corporis societate se esse fuscata[m], dicit ad alias animas , vel ad illas cælestes & appositas sacro ministerio potestates.

Ex tractatu  
in psal. 118.  
ser. 2.

Aula diuinę  
plenitudi-  
nis Christi  
pectus.

**F**usca sum, & decora filiæ Hierusalem.]  
Constituē Dominum Iesum recumbentem in conuiuio, reclinantem se Ioannem supra pectus eius, mirantes alios quod seruus supra Dominum reclinaret, quod caro illa peccatrix supra templum verbi recumberet, quod anima illa carnis vinculis innexa, aulam diuinę plenitudinis scrutaretur, hæc ergo mirantibus alijs respondit anima Ioannis, Fusca sum, & decora filiæ Hierusalem. Fusca per culpam, decora per gratiam. Dicit & caro, fusca sum & decora: fusca puluere seculari, quem certando collegit: decora oculo spirituali, quo mundi huius puluerem squaloremq[ue] deterisit. Fusca per vitium, sed decora iam per lauacrū, quo abluit omne delictum. Fusca sum, quia peccaui: decora, quia iam me diligit Christus. Quam relegauerat in Eua, recipit ex Virgine, suscipit ex Maria. Dicit enim Synagoga, cuius mysteria hoc loco plerisque videntur exprimi. Quæ quum reijci se videret, propter totius plebis impietatem,



tem, solabatur se tamen, quia ipsum Christum de populo suo, Petrum, Iacobum, Ioannem, Christo adhaerentes videbat, et quia habebat eloquia sibi credita. Et ideo dicebat: Fusca sum, & decora filiae Hierusalem. Fusca per incredulitatem, decora per legem. Fusca, per lapsum: decora, quia dilexit me Sol, & prior facta sunt congregatio Dei. **N**igra sum, & decora.] Permisit nigram, ut augetet decorum. Non dixit, Nigra sum decora, ut quod nigrum est decorum aestimaretur. Nigra sum superiore peccato, sed decora confessione peccati, & correctionis studio atque amore virtutis. Nigra, per culpam: decora per gratiam: nigra per conditionem, decora per redemptionem. Aut certe nigra exercitii sui puluere. Nigra ergo dum praeliatur, decora, dum victoriae suae insignibus coronatur.

**S**icut tabernacula Cedar, sicut pelles Salomonis.] Tentoria de exuiis mortuorum animalium fiunt. Igitur quae hoc dicebat, mortua erat peccato, vivebat Deo. Et nos ergo moriamur peccato, ut vivamus Deo. Repleti spiritus iocunditate & suauitate letitiae, erimus exuiis spirituales, carentes infirmitate corporea, & integro mentis sinu infusam nobis diuinorum mysteriorum gratiam reseruantes, Tabernacula autem

Gen. 4.

Cedar, pellesve Salomonis corpus hoc dicitur licet ex pluribus locis, tamen etiam inde intellige, quod Adam & Eva ubi imaginem deposuere cælestis, quam ante portabant, imaginem terreni hominis induentes, tunicas dicti sunt vestiti esse pelliceas. Corporales enim eos fecerat de spiritualibus culpa commissa. Nec illud absurdum ad intelligendum, quod ita se Sponsa dicit factam, sicut pelles solis adustas caloribus: eò quod in asperitate licet tribulationum posita, mortificauerit tamen corpus suum, ne illam asperitatem sentire posset. Sicut enim ardorem solis non sentit pellis tabernaculi, eò quod pellis sit animalis mortui: ita hæc mortua peccato ardorem peccati sentire non poterat.

**N**olite aspicere me, quia obfuscata sum, quia non est intuitus me Sol.] Ideo, inquit, fusca sum, quia sol me reliquit iustitiæ, qui ante illuminare consueuerat: amisi colorem vultus mei, obtusa est facta acies oculorum meorum, quibus ante solem videbam. In tenebris ambulo, quæ diè Christi nescio. Nolite tamē despiciere me, quoniam qui reliquit, potest rursum aspicere, iterum misereri. Solet enim congregare dispersos, desertos requirere, colligere destitutos. Omnes tribus Israel conuenite, aspiciete me decora-



coram ante delicta . Nolite me aspicere  
 quoniam obfuscata sum, hoc est, in hoc so-  
 lum aspiciatis, quia obfuscata sum. Non est  
 intuitus me Sol, & ideo obfuscata sum. Sed  
 lucet Sol super iustos & iniustos, Super ius-  
 tos pro gratia, super iniustos pro miseri-  
 cordia: illis mercedem meritorum tribuens,  
 istis peccata dimittens. Et gentibus non lu-  
 cebat ante, nunc lucet: nunc illis oritur, qui  
 oriebatur mihi. Qui illis remisit, remittet &  
 mihi. Nolite arbitrari, quoniam obfuscata  
 sum, quod penitus reliquerit me Sol, & iam  
 non intueatur, nō requirat ægram: dissimu-  
 lauit à me, quia non seruauī mandata eius:  
 reconciliabitur, quum viderit meorum pœ-  
 nitentiā delictorum. Non vidit me Sol, quia  
 non recepi aduenientem: nō aperui fenestras  
 vt vitæ lumen intraret. Quum aperuero,  
 illuminabit oculos meos, qui venit vt totū  
 mundum illuminaret, & videant etiam non  
 vidētes. Vel dicit Ecclesia de Gētibus: Noli-  
 te aspicere me quoniā fusca sum, quia nō re-  
 spexit me Sol: eo quod velut pruinis hye-  
 malibus geluq; constrictam gentilis erroris  
 congregationem Gentium sol iustitiæ diu  
 indignam aestimauerit, quam serena vultus  
 sui luce lustraret. Nonne tibi videbatur hy-  
 berni rigor temporis, quando notus erat in

In psal. 118.  
 ser. 12.

B in Iudæa

Iudæa tantummodo Deus! Nunc autē plenitudo lucis fulget æstiuæ, quādo omnia & in omnibus Christus. Nonne terra Domini, & plenitudo eius, verē orbis terrarum in Ecclesia! Quia non Iudæus tātum aut Græcus, non Barbarus aut Scythia, non seruus aut liber, sed omnes in Christo vnum sumus: Sol omnibus fulget. Ergo fuscatur, quando non videmur à Christo, sed quando videmur, albescimus.

lib. de Isaac.  
Acto. 13.

**F**ilij matris meæ pugnauerunt aduersum me.] Possunt Apostoli esse filij matris eius, qui verē impugnauerunt Synagogam, dicentes: Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad Gentes. Vel, Filij matris meæ pugnauerunt aduersum me: hoc est, impugnauerunt me corporis passionibus, carnis illecebræ me diuexarunt.

Ex tractatu  
in psal. 118.  
ser. 1.  
Esa. 5.

**P**osuerunt me custodem in vineis: vineam meam non custodiui.] Putant aliqui hoc de illis dici, qui Synagogam ad legis præcepta cōstringunt, vt legem custodiat, vineam suā tueatur, quā custodire nō potuit. Denique custodiebat, vt faceret vvas, fecit autē spinas. Quæ sit igitur vinea, veni Dauid testificare nobis, dicens: Vineam de Aegypto transtulisti,

γὼς ἀκωνθας  
Sept.



lissi, elecisti Gentes, & plantasti eam. Possunt  
verò & Prophetæ intelligi, qui monendo  
denunciandoq; vt vineam suam custodiret  
Synagoga, nihil profecerunt. Fecit enim spi-  
nas improbitatis, quæ virtutis vberes fru-  
ctus deferre debuerat: & ideo cõfitetur, quia  
populum suum custodire non potuit.

**V**ineam meam non custodiui.] Nemo aufer-  
rat animæ vestræ suauē ac fructiferam  
vineā, & vilia holera serat. Vineam enim quæ-  
dam fructus virginalis est: cõiugia velut ho-  
lerum plantaria sunt, in quibus frequēs ze-  
lus est, & ideo sicut holera herbarum cito ca-  
dunt atq; marcescunt, nisi finē imponat se-  
nectus, aut ad perfectionē cõtinentia vehat.  
Non ventat ergo in vos Achab, q cõcupiscat  
vineā vestrā delere & extinguere: nec veniat  
in vos Iezabel, vanum illud ac seculare pro-  
fluitum, hoc enim vocabulo significatur va-  
na & vacua redundātia: sed veniat Nabuthe,  
qui venit à patre, sicut indicat nominis ip-  
sius interpretatio, qui vineam sanguine des-  
cendat suo, & pro ea mortem offerat. Hic  
est vitis, qui redundantibus gratiæ suæ  
fructibus repleuit vniuersum orbem terra-  
rum, Hic in vestris pectoribus alta ma-  
neat defixus radice: vt & fructus vester  
exuberet, & liquor gratiæ spiritualis

Lib. ad Vir-  
gines.  
Alludit ad  
vineam Na-  
both. Locus  
est 2. Reg.  
cap. 21.

B iij corpus

corporei vaporis incendia temperentur. Iam  
verò ad Sponsum conuersa.

In psal-118.  
ser. 2.

**A**Dnuncia, inquit, mihi, quem dilexit anima  
mea, vbi pascas, vbi cubes in meridie.]  
Quur quem dilexit anima mea, dicis,  
& non quem diligit? Quur dimisisti quem  
tenebas? Dilexisti patrum fide, amisisti in-  
credulitate: tenebas charitatis vinculis, ami-  
sisti longo fune perfidiæ. Ideo nescis, vbi  
pascas, vbi maneat: nã si scires, non quære-  
res. Dicis enim. Vbi pascis? vbi manes in  
meridie? Meridiem nosti esse Ecclesiam, quæ  
teneat Christum, & tu eũ in noctibus quæ-  
ris? Dic, inquit, mihi Christe, responde vel  
propter id quia antea charus fuisti atque di-  
lectus mihi. Etsi ego tantæ prærogatiuam  
charitatis amisi, tu tamen quasi plus re-  
sponde mihi: Vbi pascis? vbi manes? Reli-  
quisti me, abiisti ad Gentes, recessisti longè  
à me, & illis propior factus es, à quibus  
lōgè eras. Sed factus es propè, quia sanguini  
tuo crediderunt. A me recessisti, quia ego  
crucem non suscepi, vt mundi redemptionē,  
sed vt noxij damnationem. Qui autem reces-  
perunt sicut salutis auctorem, in meridie  
sunt: illis luces, illis refulges, illis calet gratia  
tua sicut meridies. Mihi matutinus eras, quũ  
adhuc crederem: sed non credebam plenè,  
qui



quia non sum inuenta in meridie sicut Ioseph, qui cum fratribus suis cœnabat in meridie. Illis merides factus es, qui pascuntur in diuitijs tuis & in te sperant: ideo sicut dixit Dauid, deduces eorum iustitiam sicut lumen, & iudicium eorum sicut meridiem. Quæris ergo tanquã aliena, quæ proxima eras: tanquam pauper, quæ diues fuisti. Vis sequi, quæ præcedebas: atque vtinam vel sequearis quos præcedere debuisti.

Gen. 43<sup>a</sup>Psal. 36<sup>a</sup>

Lib. ad Virgines.

**V**bi pascis? ubi manes? Vbi manet

Christus, nisi ubi iustitiæ merides fulget? Ideoque sacræ scripturæ docemur testimonio, In sole posuit tabernaculũ suum. Vnde & alibi Propheta dicit: In lumine tuo videbimus lumen. Et sanè merides Ioseph cum fratribus suis in conuiuio constitutus, futurorum temporum mysteria reuelabat. Et Abraham quando Deus apparuit ad ilicẽ Mambrae, merides erat. Sed & ipse Paulus circumfussisse sibi lumen merides asseruit, quando à persecutione ad gratiam est conuersus. Queritur ergo Synagoga quòd derelicta sit, quòd sit destituta, & pauper ex diuite facta. Abundabat enim munere gratiarum: sed egere cœpit, vt diuinæ præsentiae copia sibi est denegata. Et ideo quasi mercenaria haberi postulat, quæ ante sibi præcis

Psal. 18.

Ibidem. 35.

lib. de Isaac;

pretiosioris copulæ gratiam vindicabat.  
Mercenariæ utiq; vox est ista dicentis.

**N**E forte etiam circūamicta super greges sodalium tuorum.] Quæ profelitos ex Gentibus ante suspiciebas, nunc ipsa in nationibus vis pro profelitis suscipi, & tanquam advena congregari. Respondit igitur Verbum animæ desideranti.

Ex tractatu  
In psal. 118.  
ser. 10.

**N**isi cognoscas te decora inter mulieres.] Nosce te ipsum homo, tuæ animæ dicitur. Cognosce te anima quia nō de terra, non de limo es, quia insufflauit te Deus, & fecit in animam viuentem. Opus es magnificum Dei inspiratione generatum. Attende tibi, ut lex dicit, id est, animæ tuæ. Secularia te & mundana non teneant, terrestria non morerentur: ad illum tota intentione festina ex cuius inspiratione consistis. Grande, inquit, homo, & pretiosum, vir misericors: virū fidele opus est inuenire. Disce homo, ubi grādis & pretiosus sis. Vilē te terra demonstrat, sed gloriosum virtus facit. Fides rarū, imago pretiosum. Vbi nāq; quicq; tā pretiosū q̄ imago est Dei? Quæ tibi primo fidē debet infundere, ut in corde tuo refulgeat quædā authoris effigies: ne qui mentem tuam interrogat, non agnoscat authorē. An quicquam tam pretiosum quā humilitas? Ut natu

Prover. 11.

ram



ram corporis animæq; perspicies, altero te subiicias, altero recognoscas! Prona in vitiū carnis illecebra misericordiam suadet, quia quod alteri cōtuleris, tibi soluis: & quicquid profueris tibi proficit.

**N**isi cognoscas te decora inter mulieres.]

Quæ queres, quod relicta sis, nisi te cognoscas, nisi pœniteat te lapsus tui, nisi intentionem deuotionis approbes, nisi fides tua & sinceritas augeatur, querela nihil proderit. Ac sic nisi cognoscas te, quia decora es, nisi pulchritudinē naturæ tuæ serues, et corporis te illecebræ nō demergāt, nec impedimēta detineāt, nihil tibi creaturæ mellioris nobilitas suffragabitur. Cognosce igitur te, & naturę tuę decorē, & exi quasi ex utraque culis pedem, & nudo exerta vestigio, vt carnalia integumenta nō sentias: vestigia mentis tuæ corporalia vincula non implicent, vt pes tuus speciosus appareat.

**N**isi cognoscas te decora inter mulieres.]

Quid est se cognoscere, nisi vt sciat vnusquisque hominem ad imaginem & similitudinem Dei factum, rationis capacem, qui terrā suā excolere tāquā bonus agricola debeat, aratro quodā et falce sapiētię: vt vel dura findātur, vel luxuriātia recidātur, q̄ inferiore sui animi imperio debeat gubernare portionē!

Vnde

Vide hexac.  
lib. 6. ca. 7. &  
8. & pag. 87.  
Li. de Maac.

Tractatu in  
psal. 118.  
ser. 2.

Deutero. 15.  
iuxta 70.

Vnde etiam in lege scriptum est: Attende tibi, ne fiat verbum absconditum in corde tuo: Tibi, inquit, attende. Non utique dicit, pecuniæ tuæ, non possessionibus tuis, non viribus corporis, sed animo tuo ac menti tuæ, vnde omnia consilia, facta cogitationesque emanant. Tibi ergo attende: ibi nimirum, vbi potiorum te esse nosti. Nosce teipsum. Quod Apollini Pythio assignant gentiles viri, quasi ipse author fuerit huius sententiæ, quum de nostro vsurpatum ad sua transferant, & longe anterior Moyses fuerit, qui scripsit librum Deuteronomij, quam philosophi qui ista finxerunt. Attende, ait, tibi soli. Aliud enim nos sumus, alia sunt nostra, alia quæ circa nos sunt. Nos sumus, hoc est, anima & mens: nostra sunt corporis membra & sensus eius: circa nos pecunia est, serui sunt, & vitæ istius apparatus. Tibi ergo attende, & teipsum scito: hoc est, non quales lacertos habeas, non quantam corporis fortitudinem, non quantas possessiones, quantam potentiam, sed qualē animam ac mentem, vnde omnia consilia proficiscuntur, ad quam operum tuorum fructus refertur. Vnde itaque & Salomon diuinum oraculum sequutus hic scripsit: Nisi scias te decora inter mulieres; hoc est: nisi



nisi cognoscas tuam dignitatem, nisi cognoscas te mortalem etiam & rationalem, & cito peccata tua fatearis, cito dicas iniquitates tuas ut iustificeris: nisi cōuertaris & prior delicta tua accuses, venit dies mortis, & iam nullum est conuersionis remediū. Nisi ergo inquit, cognoscas te decora inter mulieres.

**E**Xi tu in calcaneis gregum, & pasce hœdos tuos in tabernaculis pastorum.] Per greges regnum intelligimus: eò quod potestatis regiae sit gregibus præsidere. Præsidet autem vnusquisque sibi quadam potestate regali, si coerceat in se corporis luxus, & seruituti redigat carnem suam. Ideoq; dictum est, Regnum Dei intra vos est. Vnde & pulchre ait ad animam: Exi, id est, exi seruitio, exi è carnis imperio atque dominatu, & exi non in carne, sed in spiritu, exi ad regimen potestatis. Ideoq; addidit: Pasce hœdos tuos, rege quæ in sinistra sunt tua: nam si non regantur, facile labuntur. Coerce petulantiā & lasciuiam tui corporis, & luxuriam irrationabilem, edōma leues motus, pasce eos non in corporeis tabernaculis, sed in tabernaculis pastorum, qui regere gregem norūt. Sunt enim amabilia tabernacula Israel, sicut nemora obumbrantia super flumen, in quibus anima tanquam in procinctu bellico

sita

Luc. 17.

Num. 24.

sita, bonam exercet militiā, incurfus explorat hostiles. Exi ergo nudo pede, & pascce hœdos tuos in tabernaculis pastorum. Qui sine peccato est, agnos pascit, oues pascit: quæ autem peccato obnoxia est, pascit hœdos, qui à sinistris sunt. Non enim potest esse in dextera pastoris boni. Sequatur magis dicentem Petro: Veni retro me Satana. Sequendo Petrus in dextera meruit collocari. Ideoque ei dicitur: Pascce agnuculos meos. Sed quò exeat audi. Ad tabernacula, inquit, pastorum: hoc est, ad Gentes, ad dispersionem. Ideoque dixit. Percutiam pastorem, & dispergentur oues gregis: vt repleatur totus orbis terrarum grege Christi: significans tunc saluam fore Synagogam, quum se huic dispersioni & ipsa sociauerit, quæ repleuit hunc mundum. Tabernacula enim pastorū, regna sunt terræ.

Mar. 8.

Ioan. 21.

Ioan. 21.

Tractatu  
in psal. 118.  
ser. 2.

**E**Quæ meæ in curribus Pharao assimilaui te proxima mea.] In hac sententia dum velocitatem equorum cursui similitudo Ecclesiæ comparari videtur, æstimatur diues eius gratia. Non ergo vnam equam diuitis regis intelligas, sed absolutè pro equitatu, vt sæpe dicimus: qualis ouis illius est pro grege ouium. Pharao enim vt potentissimus

mus



mus rex & prædiles habebat equos potentes. Vnde & Scriptura dicit: Currus Pharaonis, quasi potissimum genus ad bellorum usum & subsidium præliandi. Denique his curribus Pharaon fugientes Hebræos facile comprehendit. Sicut ergo equi vineti concorditer trahunt currum, & patienter suscipiunt iugum, & portant cum gratia, & iugi illius susceptione mansuescunt, sic congregatio Nationum gentilibus indomita moribus, se ante lætabat: ubi verò suscepit iugum dicentis, **Tollite** *Matt. 23.*  
iugum meum super vos, quia leue, & onus meum, quia suaue est, & cœpit Sponsa Christi concordia & mansuetudine populorum esse sublimis, & toto circumferri orbe, tanquam currus equis velocibus super mundum rapta ascendit ad Sponsum. Habet enim equos suos Christus, de quibus dicit Propheta: **Im-** *Exod. 15.*  
**misisti in mare equos tuos, turbantes aquas multas: eò quòd Gentium populos, qui mouentur vt aquæ multæ, & excitantur vt fluctus aquarum, euangelizando commouerunt Apostoli, vt assurgentes à terrenis idolorum ceremonijs, in Christum crederent.** **Et supra ait: Ascendisti** *Abacuc. 2.*  
**in equos**

Ezec. 10

in equos tuos, equitatus tuus sanitas. O bonorum equorum duodeca iugum mirabile, quibus frena pacis, habenæ sunt charitatis, constricti inter se concordiae vinculis & iugo fidei subiecti, quatuor rotis Evangelij mysterium totius orbis finibus inuehentes, bonum aurigam portantes, Dei verbum, cuius flagello fugatae sunt illecebrae seculares, exterminatus mundi istius princeps, iustorum est cursus impletus. O rationabilium equorum grande certamen, o mirandum mysterium. Rota intra rotam currebat, & non impendebatur: nouum testamentum in veteri testamento intra illud currebat, per quod adnunciabatur. In quatuor partes rotæ ibant, & non reuertebantur retrorsum, quia spiritus vitæ erat in his qui currebat. In quatuor partes totius mundi, & sine offensione currebat, quia bonam equorū vitam quadrabat. Currebant igitur equi, quia nō dormiebat qui ascēderat equos. Animarum igitur nostrarum auriga Iesus, qui nos quoque ascendere vult equos nostros, hoc est corpora nostra, & vigilare semper, ne dicatur nobis: Dormitauerunt, qui ascenderunt equos. Transiendum est hoc mare impigrè. Vix transitur à vigilantibus. Si quis autem domitauerit transire non



non poterit, sed demergitur vt Aegyptius, cuius & anima & corpus interiit. Equum & ascensorem proiecit in mare, qui nō sequebantur Legem, sed persequebantur.

**E**Quæ meæ in curribus Pharaonis assemblauit. Virtutis labor quærit victoriam, vt possit equæ illi, quæ Salomonis est comparari: velox ad currendum, habilis ad paratum: quoniam fecunditas animæ desideratur & quæritur. Hæc ergo equa præciosa, & currus Pharaonis veloces, & huic equæ similis æstimatur anima, hoc est, prophetiæ & apostolicæ virtuti: quod in eorum adnumeratur grege, qui fecunditate prædicationis sue, totius orbis terrarum spatia repleuerunt: & quamuis in corpore constituti, nulla tamen cursus spiritualis sensere dispendia. Ideoque laudatur, quod cælesti sibi illuminante præcepto iam speciosa, iam pulchra sit, quæ vultu præferat castitatis decorem, & redimicula ceruicis attollat, in qua sunt patientiæ & humilitatis insignia. Atque idcirco Sponsam suam collaudans, dicebat:

Li. de Isaac  
cap. 3.

**Q**uam speciosæ factæ sunt genæ tuæ, sicut turtur: ceruix tua sicut redimicula.

Vultus liberior est, vbi est castitatis conscientia: & portare Christi iugum est suaue, si ornamenta putes ceruicis tuæ esse non onera.

Tractatu  
in psal. 118.  
ser. 2.

C Attolle

Attolle ergo oculos semper ad Dominum tuum, & quære Deum, ut inuenias. Erige ceruicem, redimicula non vincula geris. Muta quoque animalia redimiculis gaudent, & phalerari sibi magis quam nudari videntur. Genæ sicut turturis præferant insignia verecundiæ, redimicula ceruicis liberatis attollant fiduciam: leue enim est iugum Christi, & ideo ceruix eo non premitur, sed leuatur. Sequitur.

Similitudines auri faciemus tibi cum distinctionibus argenti, quoadusque rex erit in declinatione sua. Ex his qui ex Lege sunt, & prophetis, mediocriter antè crediderant gloriam Domini Iesu, sed hæreditas eius diffusa per populos, quò frequentius examinata, hoc amplius est probata: Crescæ enim persecutiones Ecclesiæ, iustorum nobis titulos, martyrij victorias ædiderunt. Ita sicut aurum bonum, Ecclesia cum vritur, detrimenta non sentit: magis fulgor eius augetur, donec Christus veniat in regnum suum, & reclinet caput suum in Ecclesiæ fide. Qui quum venisset ad oues perditas domus Israel, non habebat ubi caput suum reclinaret, nunc autem redolet fides. Ideoque dicit Ecclesia:

Nardus



**N**ardus mea dedit odorem suum.]

Olim, inquit, non exhalabat Synagoga de se nisi tetrum odorem : incensum & thymiama quod offerebat, abominatio erat apud Deum, victimas & holocaustum fastidiebat anima eius : nunc verò Ecclesiæ fides, Ecclesiæ casta integritas, tanquam nardus suauissimum & amoenissimum odorem expirat.

**C**olligatio guttæ, consobrinus meus, inter media vbera mea requiescet.]

Corpus enim suscipiens Dominus Iesus, charitatis se vinculis illigauit, & tanquam fasciculum se nobis dedit, quem inter vbera nostra contineamus : cuius lætemur aspectu, fruamur amplexu, saturemur gustu, roboremur contactu.

**B**orrio Cypri consobrinus meus mihi, in vineis Engaddi.]

Si locum quærimus, regionis cuiusdam quæ in Iudæa est, locus sic dicitur, in qua opobalsamum gignitur : si interpretationem, tentatio latine significatur. Illis verò in vineis lignum est, quod si quis compungat, vnguentum emittit. Hic fructus est ligni. Si non incidatur lignum, non ita fragrat & redolet.

C ij

Luc. 23.

Ibidem 8.

redolet, quum autem compunctum fuerit  
 artificis manu, tunc lachrymam distillat. Sic  
 & Christus in illo tentationis ligno crucis  
 fixus illachrymabat populū, vt peccata nos-  
 tra dilueret, & de visceribus misericordiae  
 suae fundebat vnguentum, dicens: Pater di-  
 mitte illis, quia nesciunt quid faciunt. Tunc  
 ergo in ligno compunctus lancea, exiuit de  
 eo sanguis & aqua, omni vnguento suauior,  
 accepta Dei hostia, per totum mūdum odo-  
 rem sanctificationis effundens, & quasi bal-  
 samum ex arbore, sic virtus exibat ē corpo-  
 re. Vnde ipse ait: Sentio virtutem de me  
 exisse. Inde opobalsamū expressius dicitur,  
 eo quod compunctione ligni balsamum per  
 cauernā punitionis erūpat. Compunctus  
 ergo Iesus odorē remissionis peccatorū &  
 redēptionis effudit. Nam & cōstrictus erat,  
 quū verbū esset homo factus: & pauper fa-  
 ctus est, quū diues esset, vt nos illius inopia  
 ditaremur. Potens erat, & despiciēdū se prae-  
 buit, ita vt Herodes sperneret eum, & illu-  
 deret ei. Terram mouebat, & haerebat in li-  
 gno: caelum obducebat tenebris, mundum  
 crucifigebat, & crucifixus erat. Inclinabat  
 caput, & exibat verbum: exinanitus erat, &  
 replebat omnia. Descendit Deus, ascendit  
 homo. Verbum caro factum est, vt caro sibi  
 verbi



verbi solū in Dei dextera vindicaret. Vultus inflātū erat, & fluebat vnguentum: scabreus audiebatur, & Deus agnoscebatur. Respondit ergo Sponsus.

**E**Cce bona es proxima mea, ecce es bona: oculi tui columbæ.] Quoniam cognouerat Ecclesia mysteriū, & pro totius mundi redemptione crucifixum Dominū prædicabat, meretur audire: Ecce es bona. Quæ me bonum dicis, & ipsa es bona: quæ vidisti gloriæ meæ decorem, & ipsa speciosa es & decora. Quid est autem Christum dicere, bona es, vel decora es, nisi illud Euāgelicum: Constans esto filia, dimissa sunt tibi peccata Luc. 7. multa! Quod verò Sponsam suam oculos columbæ habere dicit, ideo dictū existimo, quòd huic aui gratissima sit pudicitia, & ad ulteriū nesciat, & coniugij fidem summo & inuiolabili studio colat. Ingens ergo & sublime præconium Sponsæ datur, quum oculos illius columbarum similes esse prædicat: commēdat enim illius excellentē castitatem, integritatem, simplicitatē: vt in illius vultu nihil resideat spurcum, nihil lasciuum, libidinosum, fraudulentum: sed tota eius facies virginali pudore, omniq; morum honestate ac simplicitate refulgeat. Vel ideo oculi eius columbis comparantur, quòd acumine illius

minati & diuini ingenij, oracula prophetarum & diuinas scripturas non iam secundum historicum sensum, sed secundum spiritum intelligat: spiritualibus spiritualia comparare sciens. Sponsa igitur hoc modo commendata, vicissim Sponsum collaudat.

Tractatu  
In psal. 118.  
ser. 4.

**E**Cce es formosus consobrinus meus & pulcher: Acclinatio nostra opaca, trabes domorum nostrarum Cedri, lacunaria nostra Cupressi.] Laudat Sponsi decorem Ecclesia, quem plus vnusquisque laudat tacito affectu, & fidus mysteriorum interpres tacendo plus prædicat. Nam qui arcana diuulgat, imminuit Christi decorem. Ideo nemo mittat margaritas suas porcis, ne conculcari faciat ornamenta pretiosa. Non ergo in tabernaculo loquacis & garruli, quia multiloquio peccatum admittitur, sed in viri serij, qui sit parcus alloquij, nec sermonis intemperans, & verborum sobrietate temulentiam loquacitatis euitans, caput suum Christus reclinat. Et merito opacam significat acclinationem, quia in Ecclesia constitutos virtus obumbrat altissimi. Hac umbra Dauid protegi postulabat, ne eum per diem Sol uret, vel Luna per



per noctem. Hanc umbram spiritualis ministrat gratia, torrida seculi huius & mundi aestiva fugientibus. Opaca igitur acclinatio Christi, Ecclesiae sunt, quibus Dei Patris aeterna illa requies adspirat. In hac ergo requiescamus umbra, peccatorum nostrorum aestibus fatigati. Si quos adussit libido, hos Domini crux refrigeret, in qua se reclinauit, ut nostra delicta susceperet. Si quos culpa lassauit, hos Iesus gremio suscipiat suo & molli foueat amplexu. Vnde audeo dicere, quod caro Christi, acclinatio sit Ecclesiae.

**T**Rabes domorum nostrarum Cedri. Cedri specie, maiorum qui iusti fuerunt, gloria designatur. Iustus enim ut palma florebit, & sicut Cedrus quae in Libano est multiplicabitur. Sicut enim Cedrus non putrescit, ita nec maiorum gloria vlla vetustate corrumpitur. Denique Cedrus suspendendis est tectorum apra culminibus: eo quod huiusmodi materies & procera sit spacijs, nec parietibus onerosa. Lacunaribus quoque comendisque fastigijs habilis est Cupressus. Vnde & Ecclesia in Canticis dicit: Trabes domorum nostrarum Cedrinae, lacu-

C illi naria

naria nostra cupressini: in his esse declarās  
decora sui ornamenta fastigij, qui quasi tra-  
bes verticem Ecclesiæ sua virtute sustineāt,  
& fastigium eius exornent.

**L** Acunaria nostra cupressi.] Genus hoc  
arboris nunquam amittit viriditatem  
suam, hyeme iuxta atq; æstate comam pa-  
scit, nec diuerso colore mutatur: solam hanc  
arborem ventus nunquam suo honore de-  
spoliat, sola nunquam veteri suo exuitur  
amictu, aut nouo flore vestitur. Sic aposto-  
lica quoque gratia nescit defectum, sed  
venustate sui floret. Anima ergo corrumpi  
nescit, quæ florentibus membris vigens,  
semper iustitiæ cæterarumq; virtutum cul-  
mina patienti magnanimitate sustentat. Et  
ideo non defluit, neque deficit, quia nihil  
in ea rimosum est atque remissum, nihil  
mobile, nihil lubricum, nihil quod vitio  
sermonis ex ea possit effundi, *Sequitur*  
Ecclesia, vel fidelis anima: animam ideo dico  
quia nihil tam est homo quam anima.

*Caput secundum.*

Ex apolo-  
gia David.  
Esa. II.

**E** Go flos campi, & lilium conuallium.]  
Quis est iste flos boni odoris, nisi ille  
de quo in Esaiâ scriptum est, Exiet vir-  
ga de radice Iesse, & flos ex radice eius ascen-  
det. Radix vtique familia Iudæorum est,  
virga



virga Maria, flos Mariæ, Christus. Qui quando nostra resplendet in terra, & in agro animæ redolet, vel in Ecclesia sua vernat, nec frigus possumus timere, nec pluuiam.

**E**Goflos campi.] In totam terram fides Ex tractatu  
in psal. 118.  
populi credentis exiuit, & in loco spatio-  
so posuit pedes suos Christus, & ideo pul-  
chrè ait florem se esse campi. Flos erat etiam  
Paulus, qui dicebat: Bonus odor Christi su- 2. Cor. 2.  
mus Deo. Et verè flos, qui poterat noua &  
vetera de sui cordis proferre thesauro.

**E**Goflos campi, & lilium conuallium.] In Lucam,  
tomo. 7.  
Pleriq; comparationē hanc secundum  
naturam floris & vsum putant propositi  
germinis aptiorem, eò quod lilia nullius  
annui vsus cultum requirant, nec sicut erga  
prouentum fructuum cæterorum, ita etiam  
erga generationem istius floris sollicitis in  
orbem redeat labor actus agricolis. Quibus-  
libet enim siccitatibus agri omne illud quod  
alitur in florem, quadam virtute gentili ex  
se se atq; in se succi semper manentis anima-  
tur: ita vt cum foliorum puberum caulem  
videas aruisse, floris tamen natura viuescat  
absconditur enim viriditas, non amittitur.  
Ast vbi vernis fuerit prouocata blanditijs,  
indumentum germinis, comam floris, liliæ  
resumit ornatus, Non in asperitatibus  
montium

*B. p. ta Genovesa paris*

Cant. 4

Lib. de in-  
stitutione  
virginis.

montium incultisq; sylvarum lilia, sed in  
hortorum amoenitate generantur. Sunt  
enim horti quidam diuersarum virtutum  
pomiferi: iuxta quod scriptum est, Hortus  
conclusus, & reliqua: eo quod vbi integri-  
tas, vbi castitas, vbi religio, vbi fida silen-  
tia secretorum, ibi claritas angelorum est,  
ibi confessorum violæ, lilia virginum,  
rosæ martyrum sunt. Bene liliū Christus  
est, quia vbi martyrum sanguis ibi Chris-  
tus, qui est flos sublimis, immaculatus, in-  
noxius: in quo non spinarum offendit as-  
peritas, sed gratia circumfusa clarescat.  
Sunt enim spinæ rosarum, quia sunt tor-  
menta martyrum. Non habet spinas inof-  
fensa diuinitas, quæ tormenta non sensit.  
Bene, inquam, liliū Christus. Quid enim  
candidius lilii? quid odoratius? Et Christo  
quid candidius esse potest? quid suaue olen-  
tius? Cōsiderate, ait, lilia agri, quātus sit can-  
dor in folijs: quēadmodū stipata ipsa folia ab-  
sino ad summū videātur assurgere, vt scyphi  
exprimāt formā: vt auri quēdā species intus  
effulgeat, quæ tamen vallo in circuitu floris  
obsepta nulli pateat iniuriæ. Est verò &  
liliū conuallium, id est, humilium anima-  
rum & mitium. Esto ergo mitis, humilis  
atq; mansueta, vt in te sicut liliū germinet  
Christus



Christus, Christi lilla enim sunt specialiter  
 sacrae Virgines, quarum est splendida & im-  
 maculata virginitas. Vide ergo in quo loco  
 solet Dominus conuersari: imò nō in vno,  
 sed pluribus. Ego, inquit, flos cāpi, quia pa-  
 tentem simplicitatem purae mētis frequen-  
 tat, & lilium conuallium, flos enim humili-  
 tatis est Christus, nō luxuriæ, nō voluptatū  
 atq; lasciuiae, sed flos simplicitatis, flos hu-  
 militatis. Deniq; quā pulchrum est illud  
 & gratiae plenū, vt se florē cāpi seu agri esse  
 dicat! Imo non solum ipse est flos cāpi vel  
 agri, sed est quoq; ipse ager. Ager quē bene-  
 dixit pater ī omni benedictione spiritali, de  
 rore cēli & pinguedine terre, abūdantiā frumē-  
 ti & vini in se habēs. Quē enim species plenī  
 agri! Quis odor! Quae suauitas! Quid tibi  
 describā, purpurascētes violas, cādida lilla, ru-  
 tilātes rosas, depicta rura, nūc aureis, nūc va-  
 rijs, nunc lutetis floribus, in qbus nescias, vtrū  
 species amplius florū, an vis odora delectet!  
 Deniq; fertilis ager semper parturiēs nouos  
 se fundit in partus, & induit se amictum  
 viriditatis, gratiam foecunditatis assumit,  
 diuersisque comptus germinibus proprios  
 suscipit ornatus. Quā haec omnia venustē ac  
 propriē Christo possūt aptari. Idcirco domi-  
 nus dicebat: Et species agri mecū est. Cū ip-  
 so quippe

Lib. de Spi-  
ritu sancto.

Tractatu  
in psal. 118.  
ser. 5.

so quippe est Christus, quē ipse ante secula  
genuit. Dicit ergo: Ego flos cāpi. Flos odorē  
suum & succisus reseruat, & contritus accu-  
mulat, & auulsus amittit. Ita & Domini  
spiritus in illo patibulo crucis nec contri-  
stus emarcuit, nec auulsus emanauit, & illa  
lanceæ punctione succisus, speciosior sacro-  
fusi cruoris colore vernauit: mori ipse nesci-  
us, & mortuis æternæ vitæ munus exhalās.

Pulchrè etiam lilium dicitur Ecclesia. Sicut  
enim lilium fulget, ita etiam splendēt opera  
Sanctorum. Pulcherrimè etiam dictum est  
lilium conuallium, quia in humilibus magis  
elucet gratia. Sed hoc lilium in medio spi-  
narū, hoc est, inter Iudæos & hæreticos est,  
atq; inter sollicitudines huius seculi, quæ  
mentem hominis animumq; compungunt.  
Nihil nunc est, quod sine spinis, sine labori-  
bus ac molestiis decerpere potes. Surrexerat  
antè floribus immixta teneris sine spinis  
rosa, pulcherrimus flos sine vlla fraude ver-  
nabat: postea spina sepsit gratiam floris,  
tanquam humanæ speculum præferēs vitæ,  
quæ suauitatem perfunctionis suæ, finiti-  
mis curarum stimulis sæpe compungat.  
Vallata est enim elegantia vitæ nostræ, &  
quibusdam sollicitudinibus obsepta: vt tri-  
stitia adiuncta sit gratiæ. Vnde quum vnus  
quisq;



quisqꝫ aut suauitate rationis, aut prosperioris cursus successibus gratulatur, meminisse culpæ eum conuenit, per quam nobis in paradisi amœnitæ florētibꝫ, spinæ mentis, animiqꝫ sentes iure cōdemnationis adscripti sunt. Irrutiles igitur o homo licet, aut splendore nobilitatis, aut fastigio potestatis, aut fulgore virtutis, semper tibi spina proxima est. Sēper inferiora tua respice: super spinas germinas, nec proluxa gratia manet: breui vnusquisqꝫ decurso ætatis flore marcescit. Possumus etiam aliter accipere: quia sicut lilium inter spinas eminet, ita super omnes conuentus Ecclesia Dei refulget. Nonne etiam inter asperitates laborum contritionesqꝫ animorum boni flos odoris assurgit? Contrito enim corde Deus placatur. Refert etiam considerare, quod hoc lilium splendore circumfusum sit, intus autem quod habet, rubeum sit, & boni ipsi odoris: eò quod caro Christi velut morali diuinitatis claritudine circumsepta, cælestis habuerit protectionem gratiæ. Meritoqꝫ & ipsum quod est rubrū, benè olet: quia caro Christi sine peccato est, quam perfidi contrectantes manus suas inquinauerunt, sancti venerantes pietatis odore fragrarunt. Accepit hunc odorem Dominus Iesus fragrantis Ecclesiæ suæ, &  
ait:

ait: Ecce proxima mea : & Ecclesia dicit ad Christum:

**T**ANquam malum in lignis sylvæ, ita consobrinus meus in medio filiorum.]

Pulcherrima collatio. Quid enim pulchrius aptiusque dici queat, quàm ut sponsum arbori mali compareret? Habet enim eius arboris fructus odorem gratiam, ut cæterorum pomorum gratiam vincat. Et Christus adfixus ligno sicut malum pendens in arbore, bonum odorem mundanæ fundebat redemptionis, qua peccati gravis deterfit fetorem, & vnguentum potus vitalis effudit. Denique excellit Christus & sapore, & odore, & specie. Gustate, inquit propheta, & videre, quoniam suavis est Dominus. Et tantus est illius odor longè latèque diffusus, ut de eo pater verè dixerit: Ecce odor filij mei, sicut odor agri pleni, cui benedixit Dominus. De specie & decore quid dicendum? Spectosus ait Dauid, præ filiis hominum, diffusa est gratia in labijs tuis: tantaque & tam admiranda est ipsius pulchritudo, ut angeli in ipsum sine intermissione conspiciere concupiscant. Dicit ergo: Tanquam malum in lignis sylvæ, ita consobrinus meus in medio filiorum: eo quod

Psal. 33.

Gen. 27.

Psal. 44.



quod super Prophetas & Apostolos intima corda hominum verborum suauitate mulcebat. Sed non solum odor, verum etiam cibus in malo est. Ergo cibus suauis est Christus. Cibus planè mentes angelorum & hominum pascens: cibus qui esurientes implet bonis, & diuites dimittit inanes. Luc. 3.

**I**N vmbra eius concupiui & sedi. In psal. 118. ser. 5.  
Legem enim acceperat: hanc sequebatur, huic adhærebat. In lege itaque requiescens, in vmbra Christi requiescebat. Bona vmbra, quæ nos ab iniquitatis sole defendit. Cui autem dubium, quod lex Dei vmbra sit Christi? Dicit enim Apostolus legem vmbra fuisse futurorum, & omnem veterem cultum exemplar & vmbra esse cælestium. Exod. 24.  
Quid est enim lex diei festi, Neomeniæ, Sabbatorum, nisi vmbra futurorum? Quis secundum legem Moysi annus, sex illis diebus constans, de quibus ait: Sex annis seruiet Hebræus, & septimo anno liberabitur: vt inueniantur sex anni, quibus aliquis operatur terram, septimo autem anno remittit illam profelytis, & pauperibus, & bestiis terræ? Qui septimus annus, quo conceduntur omnia debita Hebræis? In hac vmbra requiescebat Patrum

Patrum fides, Prophetarum sancta deuotio. Dicit ergo congregatio religiosa, vel sancta anima: In vmbra eius concupiui & sedi. Vmbra est Iubileus annus. Quis enim eius mystica videt, vt facie ad faciem cognoscat, quæ anno quinquagesimo complenda, lege præscripta sunt? Constitue igitur mihi aliquos ex circumcisione credentes, in lege doctos, obseruantia sollicitæ viros, & nunc Euangelij agnitione illuminatos, spiritali gratia saginatos: Dicit in his Ecclesia: In vmbra eius concupiui & sedi:

**E**T fructus eius dulcis gutturi meo.]

Quis fructus eius dulcis, nisi prædicatio Dominicæ passionis, vt ipsæ ait: Ecce hæreditas Domini, filij merces, fructus ventris? Quis enim dulcior fructus potest esse faucibus nostris, quam remissio peccatorum? Denique habet Christus spiritale manna, hoc est, pluuiam spiritualis sapientia, quæ ingeniosis & quærentibus de cælo infunditur, & inrorat mentes piorum, & fauces eorum obdulcat. Qui igitur intellexerit infusionem diuinæ sapientia, delectatur, nec alium cibum requirit: nec in solo pane viuit homo, sed in omni verbo Dei. Qui curiosior est, quærit quid sit istud, quod melle dulcius est: respondet ei minister

Dei,

*Psal. 126.*

*Epistola. 62.  
ad Irenæum.*

*Luc. 4.*



Det. Hic est panis, quē dedit tibi Deus mā-  
ducare. Quis sit iste panis, audi: Sermo, in-  
quit, quem ordinauit Deus. Hæc ergo or-  
dinatio Dei, hæc alimonia alit animam sa-  
pientis, & inluminat atq; obdulcat, resplēdēs  
veritatis corusco, & mulcens tanquam fauo  
quodam, suauitate diuersarum virtutum,  
& sermone sapientiæ. Persenserat huius  
sermonis suauem & salutarem gustum qui  
dicebat: Quām dulcia faucibus meis eloquia  
tua, super mel & fauum ori meo. Psal. 118.

**I**ntroducite me in domum vini. Prouer. 31.  
Postquam gustasset & comedisset dul-  
cem fructum arboris mali, nunc quoq; optat  
introduci in domum vini, & in cellam vi-  
nariam, vt bibat vinum non quod sit fo-  
mentum libidinis aut ebrietatis materia, sed  
quod Lamuel ihs dare præcepit, qui amaro  
sunt animo, vt obliuiscantur egestatis suæ,  
& doloris sui non amplius recordentur.  
Optat se, dico, introduci in domum vini, id  
est, vbi Sapientia miscuit in cratere vinum  
suum, & omnem paruulum & insipientem  
vt ad conutuium suum veniat, inuitat di-  
cens: Venite, edite panes meos, & bibite vi-  
num quod miscui vobis. Vinum quippe est  
gratia Spiritus sancti, quæ vbi infunditur,  
nouam & salutarem lætitiā homini ad-  
fert:

Luc. 5. fert: vinum denique est euangelicus sermo  
 qui in vtres veteres mitti non potest: illi  
 enim iuxta Salomonem edunt cibos imple-  
 ratis, & iniquitatis vino inebriantur: ex vi-  
 neis enim Sodomorum vinum eorum: vua  
 eorum, vua fellis & botrus amarissimus:  
 furor draconum, vinum eorum, & furor eo-  
 rum aspidum insanabilis.

Verum Sponsa nostra spiritualium ap-  
 petens deliciarum, & sitim suam longè me-  
 liori potu restinguere cupiens, Introduci-  
 te me, inquit, in domum vini. Iam  
 enim fastidiebat inspidam aquam Sy-  
 nagogæ, quam derelicto fonte aquæ  
 viuæ ex dissipatis cisternis sibi hauser-  
 rat, & tota inhiabat ad euangelicum vi-  
 num, quod non qui Patris mensæ accum-  
 bunt, hilariter & liberaliter bibunt. Denique  
 adiungit:

**O**rdinate in me charitatem.]

Hexemer. v  
 lib. 3. cap. 12.

Quum omnibus in rebus, tum  
 in Ecclesia ordinem atque æqualitatem  
 seruare decet: vt nemo se diues aut hono-  
 ratus extollat, nemo pauper deiciat, igitur  
 nobilisque desperet. Omnibus sit in  
 Ecclesia par atque vna libertas, omnibus  
 impertiatur iustitia communis & gratia.

Optat denique Ecclesia, vt charitas in  
 se or-



se ordinetur : vt vniscuique ac rebus omnibus eum affectum impertiat , quem desideret . Præposterus est enim frequenter ac stultus hominum amor, vt ea diligant quæ sunt odienda: ea odiat quæ sunt amanda. Quis non præponit sæpenumero ea quæ sunt terrena cælestibus , quæ sunt carnalia spiritualibus ? Orat ergo Sponsa adolescentulas, vt amoris & charitatis ordinem in se constituent: ne per imprudentiam sobrietatis ac moderationis metas excedat, Sequitur.

**C**onfirmate me in vnguentis, stipate me malis, quia vulnerata charitatis ego sum. ] TE ΓΩΜΕΝ

Vulnerata est Ecclesia, sed vulnere charitatis. Vulnus enim est, quod Christus excepit, sed vnguentum est quod effudit. Hoc vulnere vulneratur Ecclesia, quum Saluatoris sui prædicat mortem, sed hoc vulnus est charitatis. Nudemus ergo membra nostra bono vulnere, nudemus sagittæ electæ. Sagitta hæc Christus est, qui per prophetam dicit: Posuit me sicut sagittam electam. Bonum ergo vulnerari hac sagitta. Nō omnes possunt dicere, quia vulnerati sunt dilectione. Dicebant apostoli, quum pro Christo lapidarentur, & Christum prædicarent: dicebat Paulus, quum ter

In exhorta-  
tione ad  
virgines.

virgis cæderetur, & die ac nocte Christum adorandum Gentibus prædicaret. Dicunt hoc martyres, qui vulnerantur pro Christo: & quia vulnerari pro eius meruerunt nomine, plus diligunt. Sunt itaque iacula charitatis, quibus vulnerat sese quærentes. Denique & alligati vinculis ipsum sequuntur: quia quos vulnerat, ligat. Ergo sunt etiam vincula charitatis, quibus ligatus est Paulus, qui ait: Paulus victus Iesu Christi. Vulnere autem charitatis esse docet Iob, quo nemo amplius Christum dilexit, qui diligebat etiam in ipsis sui corporis cruciatibus. Vnde dicebat: Sagittæ autem Domini in meo corpore sunt, quarum furor ebibit sanguinem meum: quæ cæpero loqui cõpungunt me. Sũt ergo charitatis vulnera, & bona vulnera. Denique meliora vulnera amici, quàm voluntaria oscula inimici. Habet & diabolus sua vulnera, quæ sui amatoribus infligit: sed vulnera carnis amoris, vulnera inuidiæ, vulnera ambitionis, quæ perdunt hominem, non sanant: extinguunt, non viuificant. Sed Ecclesia Christi diuini vulnus amoris accepit: atque ideo præfidenter adiecit.

Iob. 6.

Prou. 27-

**L** Eua eius sub caput meum, & dextera illius amplexabitur me.]

Hæc loquitur Sponsa de Christo, anima de



de Verbo Dei : Christus autem idem est Verbum Dei atq; Sapientia. Manus magna est Sapientiæ, magna dextera, totam complexitur animam. Tota enim munita est, quæ desponsata est verbo Dei. Plenitudo est sapientiæ, timere Deum. Quæ ergo Deum timer anima, pleno se munit ipsa præsidio. Mittit Sapientia læuam suam sub collum eius, dexteram autem in complexum eius. Vtrumq; quidem brachium eius ad vtilia extenditur. Habent propria sua singulæ manus sapientiæ. In dextera longitudo vitæ est, in sinistra autem diuitiæ & gloria. Bonis vtique manus vtraque dotata est dotibus, In eo tamen habent varietatem sui muneris, quòd & præsentia & futura tempora comprehendunt: vt leua præsentium remuneratrix, dextera futurorum sit. Possumus hoc etiam de prophetia sancti patriarchæ Israel cognoscere. Nam quum dexteram suam posuisset super caput Ephrem, sinistram autem super caput Manasse, & conuertere eas Ioseph ætatum consideratione voluisset, vt dexteram patris super caput Manasse senioris filij collocaret, noluit, & dixit: Scio fili, & hic erit in populum, & hic exaltabitur, sed frater eius iunior maior illo erit. In quo maior? In eo

Ex tractatu  
in psal. 118.  
ser. 14.

Prouer. 3.

Gen. 48.

utrique, quia benedictione prælatus est, di-  
centibus posteris, Hoc est Effrem, faciat vos  
Deus sicut Effrem & Manassen: vel quia se-  
men eius, multitudo gentium, quæ in hoc  
seculo labores elegit, credens in Dominum  
Iesum, vt cōsolationem habeat futurorum.  
Manassæ autem semen, est populus obliui-  
onis, qui proprium oblitus autorem, exal-  
tatus in hoc seculo, daturus est in reliquum  
pœnas graues, quia Deum suum & Domi-  
num denegauit. Hoc ideo diximus, vt pro-  
baremus ea esse potiora, quæ futura. De-  
nique læua Sapientiae sub capite Sponsæ  
est, dextera autem superior, quæ totam  
complectitur Sponsam. Itaque illa quasi  
fulcrum est quietis præsentis, quo anima  
requiescit innixa. Habet vbi caput suum re-  
clinet, quia in læua Sapientiae, diuitiæ sunt  
& gloria. Ad tempus hæ demulcent, & ex  
parte solatio sunt. Et ideo filius hominis nō  
habebat vbi caput suū reclinaret, quia quum  
diues esset, pauper factus est, nec gloriam  
istius seculi requirebat, quia venerat, non vt  
portioni, sed vt vnīuerso generi humano  
subiaceret dicens: Mihi irascimini, qui to-  
tum hominem saluum feci in Sabbatho.  
Hoc est totum: non vt facultatum colla-  
tione ditaret, non vt honorum insignibus,

non

Luc. 9.

2. Cor. 8.

Ioan. 7



non vt gloriæ singularis cumlaret augmento. Hæc enim non habent beatitudinis & gratiæ plenitudinem, sed totum, hoc est, quod longitudine vitæ complectetur æternæ. Neque enim communis vitæ similis vita in dextera est Sapientiæ, sed longitudo vitæ est, vt qui accipit vitam à Sapientia, non exiguïtatem vitæ, sed perpetuitatem & æternitatis longitudinem adipiscatur. Itaque Sponsa malorum granatorum, hoc est, diuersorum & innumerabilium fructuum, & præcipuè fidei odoribus grata, sapientiæ & gloriæ vitæque æternæ subnixæ diuitijs, quæ sunt circa sinistram & dexteram Sponsi, & animas sanctas laudabilium congregationum, plausibus excitat Christum, dicens.

**A** Diuraui vos filiæ Hierusalem in virtutibus & fortitudinibus agri, si suscitaueritis & resuscitaueriris dilectionem, vsquequo voluerit.

Ager iste non est iste terrenus, aut horridus syluis, aut fragosus torrentibus, aut palustris pigrioribus aquis, aut seiuus frumentis, aut inutilis vitibus, aut infœcunda glareæ saxosus, aut hiulcus & aridus siccitate, aut sanguine madidus, aut

D iij

sentibus

Εὐφραίνου  
τὴν ἡγεμένην  
ἐν τῷ  
ἀγαπᾶν.

sentibus incultus & spinis, sed ille ager de quo Dominus ait

Psal. 49.

**E**T species agri mecum est.] In hoc agro vna illa reperitur, quæ expressa sanguinem fudit & mundum diluit. In hoc agro est ficus illa, sub qua sancti requiescent, spiritualis gratiæ suauitate recreari. In hoc agro est oliua illa fructifera, dominicæ fluens pacis vnguentum. In hoc agro florēt mala granata, quæ plurimos fructus vno fidei munimine contegunt, & quodam fouēt charitatis amplexu.

Lib. de interpellatione David.

Petit ergo Sponsus in odore agri quem olebat sanctus Iacob, id est, illa fide, illa deuotione, excitari Sponsam suam à filiabus Hierusalem, vt festinet ad Sponsum, & excitari eius in se charitatem, aut etiam ipsum excitari, quia charitas sponsus est: Deus enim charitas est, sicut dixit Ioannes. Sed ille non est passus se ab eis excitari, quia ad Sponsam properabat, egressus de thalamo exultauit vt gigas ad currendam viam.

1. Ican. 4.

Tractatu  
in psal. 118.  
ser. 5.  
Rom. 13.

Cæterum quia sapientia, honestas, claritas, ita perfecta sunt si habeant charitatem, plenitudo enim legis est charitas, suscitari & resuscitari vult charitatem. Suscitari in veteri testamento, resuscitari in nouo. Charitas



ritas Deus est, vt legimus, charitas Christus est. Suscitatur vt leo, & tanquam catulus leonis, vt Iudæ ascendit ex germine: resuscitatur vt dormiens, vt recumbens, quia non humana, sed sua & patris maiestate suscitatus est à mortuis. Vnde ait Scriptura: Quis suscitabit illum? Non enim poterat illum aut angelus, aut potestas suscitare aliena, quum ipse alios suscitaret. Ergo quum hic dicit, si suscitaueritis & resuscitaueritis dilectionem, vsquequo voluerit, de his dicit, qui resurrectionem eius possunt congruè prædicare, vt audientibus ardorem fidei & deuotionis accendant. Vel suscitatur Christus in his, qui primum accedunt, resuscitatur in his, qui postquam accesserint, dormiunt. Dormit ergo Christus negligentibus, suscitatur in sanctis.

Gen. 49.

Lib. de patriarchis.

Hanc itaque charitatem suscitatur & resuscitat, donec vocem eius accipiat, & præsentiam accersiat: qui quæsitus non solum venit, sed etiam saliens venit. Sed iam Sponsus aderat, vt probaret illud, quia adhuc loquentibus vocibus, dicit, adsu. Adest quasi suscitatus à filiabus Iudæ, & quasi resuscitatus à filiabus Hierusalē: audit Ecclesia sonu vocis eius, & dicit.

Ex tracta.  
in psal. 118.  
Esa. 58.

**V**Ox consobrini mei. Ecce hic aduenit, saliens super montes, transiliens super colles.]

Mani

In psal. n. 8.  
ser. 6.

Manipularis est hic liber, multas habens  
personas nobiles, velut manipulos triumphales,  
multosque actus significans, quos intelligere  
magis quam expressos tenere possumus.  
Nam quasi aduenientem Sponsam audierit,  
cum aliquibus pariter viantibus colloquente,  
dicit sponsa: Vox consobrinorum mei. Dum lo-  
quitur cum filiabus Hierusalem, & rogat ut  
suscitent & resuscitent Sponsam, subito tan-  
quam de longinquo missæ vocis sonum sen-  
tiens, dicit: Vox consobrinorum mei, adnunti-  
ans quæ nunciari sibi ante quærebat, quæ cupiebat  
ab alijs suscitari, sua prece resuscitatam à patre  
venire iam credens, læta dicit: Vox consobrinorum  
mei. Bene addidit, consobrinorum mei, ut non alie,  
sed consobrina sola sibi eius vindicaret ad-  
uentum. Ecce iste, inquit, aduenit. Adhuc ego  
eum quero, & ille iam venit: adhuc ego sus-  
fragia capto ut veniat, & ille iam proximus  
est. Ego suscitari mihi charitatem cupio,  
ego me vulneratam charitatis puto, & ad  
me plus ipse charitas festinat. Ego dixi, ve-  
ni, ille salit, & transilit. Ego rogo eum ve-  
nire cum gratia, ille gratiarum operatur au-  
gmenta. Et dum venit, gratiarum incrementa  
secum vehit: & veniendo acquirit, quia stu-  
det etiam ipse suæ placere dilectæ. Salit  
super excelsa, ut ascendat ad sponsam.

Sponsæ



Sponsæ enim thalamus tribunal est Christi. Salit super Adam, transilit super Synagogam: salit super Gentes, transilit super Iudæos. Videamus salientem, Salit de cælo in virginem, de utero in præsepe, de Iordane in crucem, de cruce in tumultum, in cælum de sepulchro. Proba mihi Dauid salientem, proba currentem. Tu enim Psalm. 18. dixisti: Exultauit ut gigas ad currendam viam, à summo cælo egressio eius, & occursum eius usque ad summum eius, nec est qui se abscondat à calore eius. Ergo & nunc salit, nunc currit de corde patris super Sanctos suos, de oriente super occidentem, de septentrione super meridiem. Ipse est qui ascendit super occasum, ipse super cælos cælorum ad orientem. Ipse ascendit super montes, ipse super colles. Utinam ego miser dicam, dicat anima mea, ecce iste aduenit, & aduenit non super terrena, non super valles, sed aduenit saliens super montes. Deus enim 3. Reg. 20. Deus montium est, non vallium. Vbi ergo salit? Super montes salit. Si sis mons, salit super te, salit super Esaiam, salit super Hieremiam, salit super Petrum, Iosannem, Iacobum. Montes in circuitu eius. Si non potes mons esse, & non præuales

uales, esto vel collis, vt super te Christus  
ascendat, & si transilit, ita transfiliat, vt te  
transitus eius vmbra custodiat. Diximus de  
Christo & Ecclesia, dicamus de anima &  
Verbo. Anima iusti, sponsa est verbi. Hæc  
si desideret, si cupiat, si oret assidue, & oret  
sine vlla disceptatione, & tota intendat in  
verbum, subito vocem eius sibi videtur au-  
dire, quem non videt, & intimo sensu odo-  
rem diuinitatis eius agnoscit: quod patien-  
tur plerunque qui credunt. Replentur su-  
bito nares animæ spiritali gratia, & sentit  
sibi præsentia eius flatum aspirare, quem  
quærit & dicit: Ecce ipse est, quem requiro,  
ipse quem desidero. Nonne quum aliquid  
de scripturis cogitamus, & explanationem  
eius inuenire non possumus, dum dubitas-  
mus, dum quærimus, subito nobis quasi su-  
per montes, id est, altissima dogmata viden-  
tur ascendere: denique quasi super colles ap-  
parens nobis illuminat mētem, vt infundat  
sensibus, quod inuenire posse difficile viden-  
batur? Ergo quasi ex absente fit præsens  
verbum in cordibus nostris. Et rursus quum  
aliquid nobis obscurum est, tanquam sub-  
ducitur Verbum, & tanquam absentis ad-  
uentum desideramus, & iterum apparet &  
ostendit se nobis, tanquam præsens sit no-  
bis in



bis, in his quæ requirimus cognoscendis.  
 Salit ergo in vniuscuiusq; corde frequenter,  
 transilit, & exit, & reuertitur, si sequaris, si  
 requiras, si tibi fidelium grata disceptatione  
 doctorum verbum quod exierat atq; trans-  
 siverat, postules resuscitari: sicut illa quæ  
 quæsiuit & inuenit, & dixit: Frater meus  
 transiuit, anima mea exiuit in verbo eius.  
 Ergo & si super montes salit, sequere: & si  
 super colles, sequere. Reperiuntur enim in  
 montibus & in collibus venatores Domini,  
 qui inuestigant eos, qui capiuntur ad vitam. Hier. 16.  
 Sic enim per Hieremiam dixit Dominus:  
 Ecce mitto multos piscatores, & venatores,  
 & venabuntur eos super omnem mon-  
 tem, & super omnem collem. Ibi ergo  
 populus Dei quærat, & inueniatur in  
 Petri & Pauli doctrina, grata, disciplina: ut  
 non in conualle sit, ubi fletus: sed in mon-  
 tibus, à quibus Christus vnumquemque  
 illuminat. Et quum Petrum legimus, Chri-  
 stus illuminat: & quum Paulum legimus,  
 Christus illuminat. Curauit Paulus, Chri-  
 stus illuminauit: quia inuocato Domini  
 Iesu nomine resurrexit, cuius sanatus est  
 munere. Suscitauit mortuam Petrus, Chri-  
 stus illuminauit. Et ideo ait: Illuminans tu Psal. 75.  
 mirabiliter à mōtibus æternis. Nos igitur qui  
 montes

montes esse non possumus, stemus in montibus vel in collibus, vt quum miserit piscatores suos Dominus, & venatores vt venentur eos qui super omnem montem sunt, vel super omnem collem, id est, in Legis & prophetarum præceptis, & noui & veteris testamenti cognitione omnem habentes conuersationem, inueniant nos paratos, & velut bonas colligant spicas, oportuno missi mellores tempore, quia si quis extra montem aut collem fuerit repperitus, colligi velut bona spica non poterit ab his, qui vt comparationis faciamus alterius mentionem, triticum à paleis separare mittuntur. Plurimarum igitur operationum solertes ministros habet Dominus. Igitur Sponsa postquam Sponsum tanta alacritate tantoque studio salire super montes, transilire colles, vt ad se veniret conspexit, lætissima dixit:

Similis est conso brinus meus capree aut hinnulo ceruorum, super montes Bethel.]

Merito sponsum capreolæ comparat, caprea enim in altis pascitur. Denique & caprea Græcæ dorcas dicitur, à videndo: ἐκ τοῦ δόκεῖν. dorcadōu etenim visus acutior est. Quid hoc aptius Christo: qui patrem vidit, quem nemo vidit: aut si quis vidit in Christo, ipse



ipse Filius reuelauit. Meritò & sicut hinnulus ceruorum. Hinnulus, quasi ipse filius, cui paternæ inoleuerit ius naturæ: vt eum occulta non lateant, serpentes fuzgiant, venena non lædant. Denique educus de latibulis suis serpens, qui producebatur ex homine, dicebat: Quid venisti ante tempus torquere nos? Sciunt cerui quæ sibi sunt noxia declinare, & solo odore per quoddam naturæ mysterium, quum sint rationis expertes, rationem tamen euadendi periculi vel tuendæ salutis agnoscunt, noxiaque pariter ac profutura distinguunt, ita vt plerunque quum armata venenis tela senserint, notas petere herbas, atque his vulneri remedium dicantur adhibere.

Cibus ergo illis medicina est, vt resiliere videas sagittas è vulnere, & fugere venena, non serpere. Quid pulchrius, si hæc Christo aptentur? Denique hoc loco ceruum illum propositum arbitror, de quo Salomon dixit: Ceruus amicitia & pullus gratiarum confabuletur tibi. Verus enim Dei filius in semetipso naturam quam animantibus ipse donauit, expressit, qui in hunc mundum tanquam ceruus aduenit, & cum his se mira

Mat. 2.  
Hexamerus  
li. 3.

Lib. de in-  
terpellatio-  
ne David.  
λαφος & λιας & πω  
λος & πωλα  
ριτωρ & μι  
λειτορος.  
Prou. 5.  
iuxta 70.

simpli

simplicitate lungebat, à quibus ei parabantur insidiæ. Fertur enim huiusmodi ceruorum esse simplicitas, vt cum se exagitari viderint, his sese equitibus adiungant, qui ministerio fraudis appositi, fugæ specie ac simulatione societatis inductos, ad retia vsq̃ deducant. Ita ergo Dominus, tanquam ignarus periculi & improvidus, Iudæis sibi dolum struentibus admiscebatur, & societatem Iudæ proditoris sibi adsciuit, cuius simulatione funesta, vsque ad crucis laqueos & passionis retia peruenit. Vnde conuersus ad eum dixit: Iuda, osculo filium hominis tradis? Et hoc quidem modo venit ad Synagogæ retia, volensq̃ se induit: sed non simpliciter est, nec instrictus, qui omnes res soluit. Hinnulus est igitur Christus. Verum hic hinnulus salit super domum Bethel, id est Ecclesiam, quæ est domus panis, eo quod fidelium ipse corda confirmet, atque hoc saltu ad Sponsæ ædes festinus aduenit. Ideoq̃ ait:

LUC. 22.

**E**Nip̃s estat post parietem nostrum, respiciens per fenestras, prospiciens per retia.]

Venit ergo, & primò est post parietem, vt inimicitias animæ & corporis soluar, sublato pariete, qui impedimentum quotidianæ videbatur adferre. Deinde prospicit per

Li. de Isaac  
patriarcha.  
Eph. 2.



per fenestras. Quæ sunt fenestræ? Audi dicentem; Fenestræ apertæ sunt è cælo. Prophetas itaque significat, per quos Dominus genus respexit humanum, priusquam in terras ipse descenderet. Et hodie si qua anima multum eum requirat, multum merebitur misericordiæ: quoniam qui multum requirit, multum debetur ei. Si qua ergo anima studiosius eum quærat, longè audit vocem eius. Et quamvis ab alijs requirat, præ ipsis à quibus quærit, audit vocem eius. Videt eum salientem ad se venire, id est, properantem atque currentem, & transilientem eos, qui infirmo corde virtutem eius capere non possunt. Deinde prospicientem per ænigmata prophetarum, legendo eos, & tenendo eorum sermones. Videt prospicientem, sed quasi per fenestras, non quasi adhuc præsentem. Videt eminentem super retia. Quid est hoc, nisi fortè quia illa retia nobis sunt oppansa, nō illi! Nam quum nos homines ambulemus in medio laqueorum, per appetentiam escæ retibus simul & laqueis obnoxij sumus. Ille verò in corpore positus retia non timebat, sed eminebat super retia, id est, super tentamenta mundi & corporis passiones.

E

En ipse

Tractatu in  
psal. 118.  
1er. 6.

**E**Nipse stat post parietem nostrum, respiciens per fenestras, prospiciens per retia.]

Viderat Ecclesia vel anima iusti salientem sicut hinnulum super montes, & repente proximum aspiciens, post parietem domus suæ, prospicientem per fenestras, eminentem per retia, exultat & gaudet, quia etiam ipsa amatur à Sponso. Qui tanquam & ipse vulneratæ charitatis decore, dilectæ primò quum abesset, ad oscula rogatus adfuerit: rogatur enim cum dicitur. Osculetur me ab osculis oris sui. Deinde preces Sponsæ blandiciasque non spreuerit, dilecta sibi vbera prædicantis, atque in interiora domus eam benignus induxerit: deinde tanquam lasciuienti ludens amore, quia vellet pertentare sensus amantis, sæpe egressus ut quæreretur à Sponsa, sæpe regressus ut inuitaretur ad oscula, adstiterit post parietem, prospexerit per fenestras, eminens per retia, ut non totus abesset, nec quasi totus intraret, & ipse ad se sponsam vocaret, ut veniendi ad se inuicem fierent gratiora commercia, amoris remque mutuis adolerent sermonibus. Et tu si habeas fundatum parietem, non illum medium, qui domus vnius separet membra, sed ædificatum super fundamentum Apostolorum & Prophetarum, ut compaginata eius struat



structura crescat in templū, nec distermine-  
 elus interna, sed muniat: si ergo habeas in te  
 ædificationē Dei, & ad oriētē semper pateāt  
 fenestræ tuæ, venit Verbum, stat post parietē  
 tuū, Oculi enim Domini super iustos, & Psal. 33.  
 prospicit per fenestras tuas. Quæ sunt fe-  
 nestræ istæ? Legimus fenestras, de quibus  
 dicit Hieremias, Intrauit mors per fenestras:  
 per quas intrauit auaritia, intrauit libido. Hier. 9.  
 Oculus tuus fenestra est. Intrauit mors per  
 oculum tuum, si videris mulierem ad concu-  
 piscendum eam. Intrauit mors per oculum  
 tuum, si videris possessionem viduæ, vel mi-  
 noris, & concupieris inuadere, indefensam  
 putans ætatem esse, vel sexum, (sed nō sunt  
 indefensi, quos dominus vult esse defensos)  
 si videris decorem mulieris, aut thesauros  
 minoris, & tuas excitaueris cupiditates, in-  
 trauit mors per fenestras. Sicut ergo per  
 hæc intrat mors, intrat & vita, si deco-  
 rem puellæ aspiciens sacrae, venereris Do-  
 minum Iesum, quod in teneros annos ve-  
 nerit ætas senectutis, vita immaculata, &  
 ipse filiam tuam offeras, vt pio consecra-  
 tur velamine. Si possessionem minoris non  
 tanquam sollicitus inuasor adspicias, sed  
 quasi parens sedulus religioso tucaris  
 affectu. Per has fenestras prospicit

E ij

Christus

2. Cor. 5.

Psal. 147.  
Ecccl 9.

Christus, vt vocet Sponsam, eminens super retia. Bene eminens, quia solus est quem retia non inuoluerint peccatorum. Omnes intra retia eramus, imò adhuc intra retia sumus, quia nemo sine peccato, nisi solus Iesus, quem non cognoscens peccatum, pro nobis peccatum fecit Pater. Etenim tradidit eum laqueis, tradidit eum retibus, mittenseum, non in peccato, in quo erant omnes homines, sed in similitudine carnis peccati, vt de peccato damnaret peccatum in carne. Peccatum erat caro, secundum illud, quia hæreditario damnata erat maledicto. Peccatum erat ille, cebra & ministra peccati. Venit Dominus Iesus, & in carne peccato obnoxia militiam virtutis exercuit. Facta sunt membra nostra iam non arma libidinis, sed arma virtutis. Namque vbi erant incentiua libidinis, ibi nunc sunt domicilia castitatis. Hic ergo venit ad laqueos, sed voluntarius: venit ad retia, sed securus. Plena erant omnia laqueis, referta retibus. Audi dicentem. In via hac qua ambulabam, absconderunt laqueum mihi. Et in libro Sapientiæ Syrach monearis, quòd in medio laqueorum ambulas. Quot viria, tot retia, quot peccata, tot laquei. Hæreditarij iam te nexus tenebant.

Veni



Venit ad laqueos Iesus, vt Adam solueret, venit liberare quod perierat. Omnes reti- bus tenebamur: nullus alium eruere pote- rat, quum seipsum non posset eruere. Talis ergo necessarius fuit, quem vincula genera- tionis humanæ delictis obnoxia non tene- rent, non cæpisset auaritia, non ligasset do- lus. Is solus erat Iesus, qui quum huius carnis se circumdedisset vinculis, captus non erat, non erat alligatus, sed disrumpens ea atq; dissoluens, ad se magis vocauit Eccle- siam, prospiciens per laqueos, eminēs super retia, vt & ipsa disceret vinculis non teneri. Deniq; eò vsque non longè à vinculis fuit, vt prò nobis subiret & mortem: sed tamen non seruus mortis effectus, sed inter mor- tuos liber. Liber enim erat, qui soluendæ mortis potestatem habebat. Deniq; ipse te- Ican. 2. doceat, qui ait: Soluite hoc templum, & in triduo resuscitabo illud. Nunc verò audia- mus quid Sponsus dicat.

**E**Xurge veni proxima mea, formosa mea, columba mea.]

Hoc est, surge à mortuis, exurge à vin- culis, quibus circumdata tenebaris: exurge, quia ego resurrexi tibi: solue vincula ini- quitatis, quia ego iam solui tibi: veni, quia iam retia soluta sunt. Virgo peperit, puer

**E** in natus

natus ex virgine est, nihil debet muliebri  
hæreditati, quia quasi filius mulieris non  
tenetur. Cerne medium parietem maceræ  
iam solutum, qui interiorum affectuū cons  
cordiam diuidebat, & in diuersum excitabat  
dissensiones corporalium passionum. Veni  
ergo segura. Cupio videre faciem tuam, &  
audire vocem tuam. Veni, vt iam me per re  
tia non videas, sed facie ad faciem vultibus  
amatoris dilecta portiaris. Ethicē ista decursa  
sint, Mystica autem illa si possumus, vel li  
nea intueamur extrema. Sedebat intra do  
mum spōsa, deuota Domino, intra parietem  
Legis & Prophetarum, spiritualium lapidum  
ex ædificatione fundatum, qui vallabat atq;  
claudebat domum regiam, plenam iocundi  
tatis atq; lætitiæ. Mirabatur thesauros re  
gios, & intuebatur sollicitē, cupiēs Sapiētīā  
quæ has sibi diuitias demonstraret adscisce  
re. In secreto erat, sed secreti ipsius interpre  
tē requirēbat. Venit Dominus Iesus, saliens  
super montes. Nobis sero videbatur venire,  
sed ille properabat. Saliebat deniq; & trans  
siliebat, vt ludæorum corporalia & saxosa  
dogmata transsiliret. Adstitit post parietem  
domus, quæ erat in veteri testamento,  
prospiciens per Legis fenestram, & Pro  
phetarum cauernas. Nondum erant domus  
illius



illius aperta vestibula, nondum clauēs Sapientiae portarum claustra patefecerant, quibus Legis claudebantur interna. De superiore tamen, hoc est, spiritali porta prospectans, Ecclesiam vocat, vt per Legem & Prophetas Euangelij vertice sublimis assurgens, retia Iudaicae interpretationis & nodos intrepido calcet vestigio, Ideoque proxima vocatur, vt adhereat Christo, mundana non quaerat: ideo formosa, vt speciosos euangelizantium pedes proferat: ideo columba, vt spiritalia petat, terrestria derelinquat. Audi denique quantis blanditijs sponsam inuitet:

**E**cce hyems praeterijt, imber abiit, discessit tibi, flores visi sunt in terra.]

Ante aduentum Christi hyems erat: venit Christus, fecit aestatem. Tunc omnia erant florum indiga, nuda virtutum, passus est Christus, & omni coeperunt nouae gratiae fecundari germinibus. Imber abiit luxuriae profluentis, & nubila tetrisona flagitijs aestiua iam purae conscientiae serenitate laxantur. Imber impedit flores. At nunc flores videntur in terra. Boni flores, Apostoli, qui diuersorum scriptorum atque operum suorum fuderunt odorem. Quis verò secundum domini sententiam, orandum esse putemus,

In Lucam,  
tomo. 5.

E liij

ne fiat

ne fiat fuga nostra hyeme vel Sabbato! Nisi forte is qui in montes fugit frigus & glaciē, procellas & grandinem delictorum timere nō debet, sed optare æstiuæ lucis serenitatē, ne lubrico corporis vestigia infirma labantur! Vnde & illa secuta iam processu, iam firmis radicibus nixa, lætatur dicens: Hyems abiit, Hyeme enim arbores ventus suo honore despoliat, & asperitas frigoris teneras frondes in speciem mortis interficit. Vere autem resurgunt semina, & tanquam noua æstas naturæ viridantis adolescit. Quum enim Sol ex meridianis decedens partibus super terram redit, paulatim temperiē aeris huius reducit, & reuocat aurarum clementiam, quæ fouens omnia, repetendos cogit in partus, vt terra germinet, ac resoluta sulcis semina reuiuiscant, virescant arbores, ad perpetuitatem quoque conseruandi generis eorum, quæ vel in terris sunt, vel aquis gaudent, annuis foetibus successio propagetur. Ita nimirum in Ecclesia, post infidelitatis ac impietatis hyemem, apparente Sole iustitiæ factum videmus. Vnde verbum dicebat. Exurge, veni proxima mea, formosa mea, columba mea, quia ecce iam hyems præterijt. Antequam verbum Dei reciperet, hyems erat inhonora, sine fructu: vbi verbum Dei recepit,

Hexæmerō  
lib. 4.

Lib. de in-  
stitutione  
virginis.



recepit, & mundus ei crucifixus est, æstas  
est facta. Denique feruore sancti Spiritus  
euaporata, flos esse cœpit, & spirare odorem  
fidei, fragrantiam castitatis, suauitatem gra-  
tiæ. Ait ergo: Exurge, veni proxima mea,  
formosa mea, columba mea. Proxima, vtique Lib. de apo-  
logia David  
fidel desiderio: formosa, decore virtutis,  
columba, gratia spirituali.

Psal. 67.

Pennæ enim columbæ deargentatæ æter-  
nam illam significant potestatem, & colum-  
bæ volatus sancti Spiritus præsentiam de-  
clarauit. Vocat igitur ad se eam Christus  
vt veniat, quoniam spiritualibus iam præ-  
tiji dotata veniebat. Quia ecce, inquit, hyems  
præterijt, imber abiit, discessit sibi, flores vis-  
sunt in terra. Videte quemadmodum san-  
cta inuitetur Ecclesia. Hyems, inquit, disces-  
sit sibi, ne hyemem nuda formidet: hyemē  
non temporis, sed infirmitatis, quæ agrum  
animæ fecundum omni flore despoliat.  
Est enim hyems, non terreni solis, est hyems  
mentis, quando animo frigus inlabitur,  
quando vapor animi evanescit, quando sol-  
uitur vigor sensus, quando nimius humor  
exundat & mentem grauatur, quando interior Matth. 24.  
caligat aspectus. Et ideo ait Dominus: Vi-  
detene fiat fuga vestra hyeme vel Sabbato.  
Bonum enim vt tunc dies iudicii vel mor-  
tis

tis adueniat, quum viget animi blanda  
temperies, quum cæleste mysterium fere  
na luce resplendet, quum cor nostrum ardet  
in nobis. Sequitur.

Luc. 3.

**T**Empus sectionis aduenit.] Quoniam re  
ciduntur in hominibus ociosa & infru  
gifera vittorum sarmēta, execantur peccata,  
& matura in horreis frumenta conduntur,  
& qui metit, mercedem accipit. Denique  
iuxta Baptistæ sententiā, securis ad radi  
cem arboris posita est, vt omnem arborem  
non ferentem fructum excindat.

In Lucam,  
tomo 7.

**F**icus protulit grossos suos.]  
Apta Synagogæ istius arboris com  
paratio est: quia sicut ea arbor folijs re  
dundans fluentibus, spem possessoris sui  
cassa speratorum prouentuum expectatione  
destituit, ita etiam in Synagoga, dum Do  
ctores eius, operibus infœcundi, verbis  
tamen velut folijs redundantibus glo  
riantur, inanis legis vmbra exuberat, spes  
autem falsi expectata prouentus popu  
li vota credentis illudit. Est etiam in  
natura arboris, quo magis credas Syna  
gogæ speciem comparatione huius ex  
pressam. Etenim si diligenter inquiras  
discretam ab vsu arborum cæterarum,  
consue



consuetudinem naturæ huius inuenies. Namque aliæ florem ferunt antequam fructum, pomaque ventura præ nuncio sui flore designant: hæc sola ab initio germinat poma pro floribus. In alijs flos decutitur, & poma nascuntur: In hac poma decidunt, vt poma succedant. Ergo priora illa casta fructuum, vice floris emergunt: ita præcoci quodam nascendi vsu, quæ ordinem naturæ nesciunt, beneficium naturæ seruare non possunt. Etenim quæ se medio fundere cortice gemma consuevit, eo minutissima quæque huius generis poma prorumpunt. Itaque cæteris albentibus primo vere virgultis, sola ficus proprio flore nescit canescere: eò fortasse, quod nullus istius maturior sit vsus in pomis. Namque succedentibus alijs, hæc quasi degenerantia respuuntur, & arenti infirma radice renouatis quibus sit succus vtilior, exuruntur. Manent tamen aliæ quæ perrara, nec decidunt, quibus hic prouentus arriserit, vt de medio duarum virgarum clauiculo breui erumpente promergant, quo geminis tecta præsidijs, tanquam naturæ parentis gremio, succi fotu pleno

plenioris inolefcent : ea clementioris auræ  
 prouocata temperie, & proluxioribus adul-  
 tiora temporibus, vbi sylueftrem animum  
 fucci prioris exuerint, specie cæteris & ma-  
 turitatis gratia præferuntur . Specta nunc  
 cultus & animos Iudæorum, qui quafi pri-  
 mi fructus malè feracis Synagogæ , groffi  
 labentis fimilitudine corruerunt, vt mæfura  
 fupra æuum noftri generis poma fuccede-  
 rent . Etenim primus Synagogæ populus,  
 quafi radice operum infirmus ærentium,  
 vbertatem fapientiæ naturalis haurire non  
 potuit, & ideo velut inutilis decidit fructus:  
 vt quafi ex iisdem clauiculis arboris fructuofe,  
 de pinguedine religionis antiquæ nouus Ec-  
 clefiæ populus emergeret. Ergo ille qui erat,  
 efle definit, vt inciperet efle qui nō erat. Pri-  
 mi tamen ex Ifrael , quos naturæ validioris  
 ramus extulerat, fub vmbra legis & crucis,  
 in vtriusque finu fucco gemino colorati,  
 groffi maturefcentis exemplo , pulcherri-  
 morum gratia fructuū cæteris præftiterunt,  
 quibus dicitur: Sedebitis fuper fedes duode-  
 cim, iudicantes duodecim tribus Ifrael.

Mat. 19.

Li. de Ifaac  
 patriarcha.

[Ficus protulit groffos fuos.]

Quæ ante infructuofa iubebatur excindi,  
 hæc fructus ferre iam cœpit. Sed quid dubi-  
 tas, quia groffos dixit? Priores difcutit, vt  
 posteriores



posteriores meliores adferat. Sicut Synagoga fructus abijcitur, Ecclesiae autem renouatur.

Vineae florentes dederunt odorem.]

Benè per vineam Ecclesia designatur. Ut enim vitis maritatur arboribus, ita corpus animae, anima quoque corpori coniungatur. Ut vinea dum ligatur, erigitur, & recisa non minuitur, sed augetur: ita plebs sancta dum ligatur exuitur: dū humiliatur, attollitur: dum reciditur coronatur. Quin etiam ut tener surculus veteri abscissus ab arbore, in alterius foetu radicis inseritur, ita populus hic sanctus surculi veteris cicatricibus enodatus, in illo crucis ligno tanquam gremio pie parētis foris inolefcit, Spiritusque sanctus sicut in altis dimissus terrarum scrobes, ita in hoc carcere corpus infusus, aquae salutaris irriguo diluit quicquid est foetidum, membrorumque nostrorum habitus in caelestem erigit disciplinam. Hanc vineam diligens agricola iugare, tondere consuevit, eruderatisque terrenae molis aggeribus, aperta corporis nostri nunc sole torrere, nūc imbre perfundere, stirpare agrum solitus, ne sentibus gemma laedatur, ne luxuriet umbra foliorum verborumque infructuosa iactantia, virtutibus obumbrando maturitatem indolis

In Lucam,  
tomo. 9.

Hexameron  
lib. 3.

Pfal. 79.

indolis naturalis impediatur. Vineæ, inquit,  
florentes dederunt odorem suum. Quid gratius  
floquentis odore vitis? Siquidem de flore  
earum succus expressus poculi genus  
conficit, quod & voluptati sit & salutis.  
Deinde quis non miretur, ex acini vinacio  
vitæ usque in arboris summum cacumen  
prorumpere, quam velut quodam amplexu  
fouet, & quibusdam brachijs ligat, & circum-  
dat lacertis, pampinis vestit, fertis vuarum  
coronat? Quæ ad imitationem vitæ nostræ  
primum vitam desigit radicem, deinde  
quia natura flexibilis & caduca est, quasi  
brachijs quibusdam, ita & clauiculis quibus  
quid comprehenderit, stringit, hisque se  
erigit & attollit. Huius est similis plebs  
Ecclesiæ, quæ veluti quadam fidei radice  
plantatur, & reprimatur humilitatis propa-  
gine, de qua pulchrè ait Propheta. Vineam  
ex Aegypto transtulisti, & plantasti radices  
eius, & repleuit terram. Evidenter igitur  
exemplum vitis ad nostræ vitæ insti-  
tutionem accersendum esse signauit, quæ  
primum veris reposita temperie gemmas  
re perhibetur, deinde ex ipsis sarmento-  
rum articulis fructum emittere, de quibus  
oriens vva formatur, paulatimque  
augescens, immaturi partus retinet acer-  
bitatem,



bitatem, nec potest nisi matura tam & co-  
cta dulcescere. Vestitur interea viridans  
tibus pampinis vinea, quibus & ad-  
uersum frigus omnemque iniuriam non  
exiguo munitur subsidio, & à solis ardo-  
re defenditur. Quid autem eo vel spe-  
taculo gratius, vel fructu eius dulcius, vi-  
dere ferta pendentia, velut quædam spe-  
ciosi ruris monilia, carpere vuas vel aureo  
colore, vel purpureo renitentes? Hyacin-  
thos cæterasque gemmas fulgere existimes,  
coruscare Indicos, albarum emicare gra-  
tiam gemmarum. Nec aduertis ex his ad-  
moneri te homo, ne immaturos fructus  
tuos dies supremus inueniat, aut plenæ  
tempus ætatis opera imparata dedeant?  
Acerbus enim fructus amarior esse consue-  
uit, nec potest dulce esse, nisi quod ad ma-  
turitatis perfectionem adoleuerit. Huic viro  
perfecto nec frigus horridæ mortis, nec sol  
iniquitatis nocere consuevit, quia obum-  
brat eum gratia spiritualis, & omnia humanæ  
cupiditatis & corporeæ libidinis restiguit in-  
cædia, defendit ardores. Laudent te quicumque  
cōspiciunt, & agmina Ecclesiæ velut quædam  
palmitum ferta mirentur, spectent singuli fi-  
delium pulchra animalium monilia, delectentur  
maturitate prudentiæ, splendore fidei, confes-  
sionis

Psal. 127.

sionis decore, iustitię pulchritudine, vbertate  
 misericordię, vt dicatur tibi: Vxor tua si-  
 cut vitis abundans in lateribus domus tuę,  
 eo quod redundantiam vitis fructiferę, co-  
 piofę munere liberalitatis imiteris. Per  
 pulchrę ergo Ecclesia vel anima cuiusque  
 fidelis vineę comparatur, quod exulta sit  
 probitate morum, & cōscientię trāquillitate  
 læta. Quę quū virtutum diuersarum pul-  
 chritudine adornatur, tanquam floribus  
 quibusdam vestitur, & suauissimam bonę  
 opinionis fragrantiam longē lateq; ex se dif-  
 fundit. Sed nunc ad sequentia properemus.  
 Postquam igitur Sponsus varijs modis  
 Sponsam suam vt ad se veniret inuitasset,  
 nunc ostendit ei locum ad quem venire de-  
 beat.

ὡς κέπη ἡ  
 πύργος ἐξ ὅ  
 μόνον τῷ

προταχίς  
 ματ.

Ex tractatu  
 in psal. 118.

Veni inquit columba mea, in tegumento pe-  
 trę, iuxta pręmunitionem.]  
 Surge, ait, secuta in tegumento petrę, id est,  
 tuta pręsidio passionis meę, & fidei muni-  
 mento. Suxerūt enim mel de petrā, & oleum  
 de firmissima petrā. Hoc integumento ani-  
 mę piorum indutę, iam nudę non sunt, &  
 hæc est illis pręmunītio. Veni ergo, inquit,  
 in tegumento petrę, iuxta pręmunītio-  
 nem: hoc est, veni iuxta Euangelium. Pro-  
 pugnacula fidei tuę gesta sunt Christi:  
 mur



muri tui subsidia, verba sunt Domini: passio dominici corporis tua est virtus.

**O**stende mihi faciem tuam, & insinua mihi vocem tuam: quia vox tua dulcis, & facies tua pulchra.] Suavis est vox, quia ore confessio fit ad salutem: & decora facies, quæ non erubescit authorem, non confundit redemptorem. Ostendit ergo faciem suam, signaculum crucis præferens: & insinuat vocem suam, authoritatem prædicationis assumens. In tegumento enim corporis Christi, quo redempta est à peccato, munimentum gratiæ spiritualis inuenit, vt salutaria sibi & sentiat & loquatur. Suavis ergo Sponsæ vox, quia in diuinis testimonijs loquebatur: decora facies, quia in conspectu regum non confundebatur. Hortatur enim Sponsam ad confidentiam, vt non erubescat crucem Christi, nec signaculū eius: hortatur ad confessionem, vult omnes insidias dimoueri, vt bonus fidei odor aspi-ret, vt dies fulgeat, vt aduersæ noctis vmbra non noceat, quoniam qui iuxta Christum est, dicitur: Nox præcessit, dies autē appropinquauit. Rom. 13. Est enim vmbra secularium, quæ præterit, & dies cælestium Christus, qui Sanctis suis lucet. In sequētibus verbis est mutata loquētis persona: non enim iam ad Sponsam, sed ad

B sodes

Sodales loquitur Sponsus: Dicit ergo.

ἀφ' οὐρανῶν  
τοὺς ἀμπε-  
λῶνας.

**P**rendite nobis vulpes pusillas, exterminātes vineas, & vineæ nostræ florebut.]

Vulpes fallax est animal, & insidijs semper intentum, rapinam fraudis exercet. Nihil tutum, nihil ociosum, nihil patitur esse securum, quod inter hospitia hominum prædam requirat. Hæreticis autem vulpes comparat. Denique quum gentes vocet, hæreticos excludit. Vulpes enim plenum fraudis est animal, foueam parans, & in fouea semper latere desiderans. Ita sunt hæretici, qui domum sibi parare non norunt, sed circumscriptionibus suis alios decipere conantur. Iacob domum habitabat, hæreticus in fouea est, vt fraudulenta vulpes gallinæ illi euangelicæ domum semper intendens. Merito ergo foueas habent, quia domum quam habuerant perdiderunt. Hoc animal neque mansuescit vnquam: vnde Apostolus ait: Hæreticum hominem post vnā correptionem deuitā, neque vlli vsul est, aut cibo vtile. Non enim de hoc dixit Christus, Meus cibus est, vt faciam voluntatem patris mei qui in cælis est. Quinetiam à fructibus suis eas relegat dicens: Capite nobis vulpes pusillas, exterminantes vineas,  
hoc

In Lucam,  
tom. 7.

Mat. 23.

Tit. 3.

Joan. 4.



hoc est, quæ minorem vineam non maiorem exterminant. Et ideo Samson ad caudas earum faces ligauit, & in segetes alienigenarum dimisit, eò quod hæretici fructus incendere conantur alienos: latratibus magis sonori, quàm vocibus expoliti: Qui enim Verbum negant, nec vocem habent. Ad præsens ore liberi, sed in futurum finem iam victi, caudæ facibus significantes sui finis incendium.

Iud. 15.

**P**rendite nobis vulpes pusillas.]

Scriptura enim hominem dicit, qui est ad imaginem & similitudinem Dei: peccantem autem, non hominem, sed aut serpentem, aut equum adhiñientem foeminis, aut vulpeculam, aut iumentum vocare consuevit. De quorum vno ait Dominus Iesus: Ite, dicite vulpi illi, hoc est, de Herode. Et alibi quum se fraudulenter interrogari aduerteret, dixit: Vulpes foveas habent, & volucres cæli nidus, vbi requiescant, eò quod fraudulenter in terrestrium passionum quibusdam latibulis demorentur. Inde etiam Sampson binas vulpes sibi nexuit, ad quarum caudas alii ligauit faces, & dimisit eas per messes Amalechitarum, per hanc figuram significans, quod

Tractatu in  
psal. 118.

Luc. 13.

Ibidem 24

Iud. 15.

improbi aut fraudulēti homines, & maxime  
 hæretici liberam linguam ad latrandum  
 habeant, sed exitus impeditos: aut litigiosa  
 principia, finem verò fraudis suæ incendio  
 deputatum. Ideoq; & trecentas vulpes dimi-  
 sit, eò quod perfidii crucis quidem prædica-  
 tione se cōmendare desiderāt, sed mysterium  
 eius tenere nō possunt, qui hac prædicatione  
 composita & falsa atque simulata, vrere  
 magis fructus conantur alienos, quum vtiq;  
 vera crux Domini non exurat aliena merita,  
 sed fœcundet. Meritoque scriptum est:  
 Prædite nobis vulpes pusillas, exterminātes  
 vineas, vt vineæ nostræ floreat. Quo  
 ostenditur, quod vel Dominus Iesus vel  
 Ecclesia fraudulentorum dolos à vineis suis  
 exterminandos esse præcipiant, ne pusillulis  
 vineis noceant, quia adultis iam vitibus nocere  
 non possunt. Hæreticus enim imperfectum  
 tentare potest, non potest supplantare  
 perfectū. Aut verò pusillas vulpeculas capi  
 præcipit, vt cogitatus malos in ipso principio  
 ne adolescāt, statim perimas, quemadmodum  
 scriptū est: Beatus qui allidit paruulos  
 suos ad petram.

Pfal. 135.

Sponsa igitur vbi tantum Sponsi sui  
 amorem erga se videt, multa cum fiducia  
 loquitur.

Fratrum



**F**Ratruelis meus mihi, & ego illi.]

Vox ista est Sponsæ: vox ista est virginis. Nam immaculatum corpus à virilit permixtione seruare, & palmam castimonie limoso in corpore, vsque ad Angelorum conuersationem Custodire, utilitas priuata, laus est publica. Quàm rarus in terris, qui hoc potest dicere, quàm alienus à vitijs, quàm segregatus ab omni labe peccati, qui nihil habeat commune cum seculo, dicens: Ratruelis meus mihi, & ego illi: scilicet qui nihil mundi huius sibi vindicet, in quo non sit corporalium possessio cupiditatum: quem non inflammet libido, non stimulet auaritia, non lasciuia effœminet, non luxuria deco- loret, non sternat ambitio, non maceret inuidia, non aliqua negotiorum secularium cura sollicitet: Verus enim minister altaris Deo est natus, non sibi. Leui enim vt habet interpretatio, significat, ipse mihi assumptus, significat, & ipse meus, significat, & tantum assumptus, significat, & assumptus mihi. Ipse idem & mihi Leui, & Deo est: quomodo idem & mihi sacerdos & Deo est: & mihi aduocatus, & Domini deprecator: pro me offerens sacrificium, & idem se offerens Domino. Denique & alibi Leui interpretatione dicitur, pro me. Etenim si à

Tractatu in  
psal. 118.

F ij me

me nominetur Leui, pro me est : si pro me offerat , pro me est : si pro me interueniat, pro me est: sin autem vocetur à Domino , ipse mihi dicitur: hoc est , non aliq tributarius , decimarius, non de possessione munificus. Ipse, inquit, mihi , tanquam abundans pro his omnibus . Non ab hoc decimas, non fructus, non dona quæro, non munera , ipse mihi pro munere est , ipse pro tributo. Non in possessione sua munificus mihi , sed ipse mihi possessio , ipse meus fructus, ipse meus census, assumptus mihi, vel assumptus à me . Non potest hoc sine diuina esse gratia. Sicut enim possessio non potest esse mea , nisi emero eam , sic non potest esse Leui, nisi fuerit assumptus à Domino . Quum enim assumptus fuerit, rectè dicetur, ipse meus. Deniq; cū Moyse dictum esset, vt populo Iudæorū per tribus singulas diuideret incolatus , & distribueret singulis tribubus portionē, tribum Leuiticam exceptit dicens: Filijs Leui non erit portio in medio fratrum suorū, quia Dominus Deus pars eorū est. Et alibi: Ego Dominus portio eorum. Negatur his terrena diuisio, vt ipsi dum secularem sibi non vindicant portionem, fiant cælestis possessio , & hoc solum nouerint possidere, hoc est, fidei, & deuotio



deuotionis obsequium : multò ditiores,  
 quàm qui possessionum suarum spatia am-  
 pla diffundunt. Quantumlibet enim fines  
 extendant suos, & terra deficit, & mare in-  
 cludit insanas cupiditates, & pendunt tri-  
 buta maiora, quàm fructus sunt. At verò iste  
 nihil sibi possidens, nulli nisi Deo militat.  
 Supra terram eius est portio, non cum  
 terra deficit, non mari clauditur. Cui por-  
 tio Deus est, totius est possessor naturæ.  
 Pro agris igitur satis est habens fructum bo-  
 num, qui nunquam possit perire. Pro  
 domibus satis est sibi, vt sit habitatio  
 Domini, & Dei templum, quo nihil potest  
 esse pretiosius. Quid enim pretiosius Deo?  
 Aut quid deest ei viro, qui potest dicere, non  
 cōtingat mihi gloriari, nisi in cruce Domini  
 nostri Iesu Christi, per quē mihi mūdus crus-  
 cifixus est, & ego mundo? Non potest in hoc  
 princeps sibi huius mundi consortiū vindi-  
 care, in quo nihil suum inuenit. Ideoque  
 Dominus qui venit docere, vt fieret nobis  
 Deus portio, ait: Venit huius mundi prin-  
 ceptis, & in me inuenit nihil. Meritoq; imita-  
 tores sui nos esse volens, ait: Nolite possi-  
 dere aurum, neque argentum, neque pec-  
 cuniam. Vnde Petrus ostendens in  
 Deo sibi portionem esse non in seculo, ait:

Gal. 6.

Ioan. 14.

Matth. 10.

F illi

Argentum

Argentum & aurum non est mecum, quod autem habeo, do tibi: In nomine Iesu Nazareni, surge & ambula: hoc est, portio mea hæc est, portio mea Christus est. In nomine igitur Iesu Christi surge & ambula. Hoc est, in portione mea diues sum, in portione mea potens sum. Merito tales præsumo fructus istius portionis, vt salus & vita donetur, quia hoc est istius patrimonium portionis, quam elegi mihi.

**D**ilectus ergo meus mihi, & ego illi: qui pascitur inter lilia.]

Ex tractatu  
In psal. 118.

Psal. 22.

Lilium castitatem significat. Scit itaque bonus pastor vbi pascat gregem suum, quæ pabula ouibus suis expediant, Quæ sunt pascua nostra, hoc est fidelium, nisi Christus? In cuius pascuis se locatum Propheta lætatus est, dicens: In loco pascuæ ibi me collocauit. Ibi enim nos pascit & reficit. Bona pascua, sacramenta diuina sunt. Carpis illic nouum florem, qui bonum odorem dedit resurrectionis: carpis lilium, in quo fit splendor æternitatis: carpis rosam, hoc est, dominici corporis sanguinem. Bona etiam pascua, libri sunt scripturarum cælestium, in quibus quotidiana lectione pascimur, in quibus recreamur ac reficimur, quæ ea quæ scripta sunt degustamus, vel sūmo ore libata



frequentius ruminamus. His pascuis grex  
Domini saginatur. Bona etiam Christi pas-  
cua, qui pascit in lilijis, in splendore sancto-  
rum.

**D**onec aspiret dies, & inclinentur umbræ. J  
Omnia sunt hic umbræ & cali-  
ginosa: nusquam veri cognitio, nusquam  
recta experientia rerum. Videmus, ait ille, 1. Cor. 13.  
nunc per speculum, & in ænigmate: Ver-  
um quum adspirauerit dies, quum appa-  
ruerit Christus vita nostra, vel quum ex-  
tremi iudicii dies aduenerit, quando au-  
dient iusti: Venite benedicti patris mei, per- Matt. 24.

cipite regnum, quod vobis paratum est ab  
origine mundi, tunc discussis umbris, lætus  
lætis iustorum mentibus adspirabit dies.  
Umbra est ergo vita hæc: festina ad Solem,  
ut te defendat ab umbræ huius frigore, &  
calorem tibi profundat æstium. Et ideo  
suadet orandum, ne fuga nostra hyeme fiat  
aut sabbato: non tempus diemque signifi-  
cans, sed frigere nos mentibus prohibens &  
bonorum operum esse ieiunos.

**F**uge frater meus, similis esto ceruo aut  
hinnulo ceruorum, super montes aromatum. Lib. 3. de  
Fugit frater plateas, fugit conuen- virginibus.  
tus & strepitus fori: serpentinis enim inuis-  
sus colubris & effugitans canum, atque  
humis

2. Cor. 3.

Ioan. 19.

humis reptantibus infestus serpentibus, nescit habitare nisi in sublimitate virtutum, nescit commorari nisi in talibus Ecclesiarum filiabus, quæ possunt dicere: Christi bonus odor sumus Deo: sed quibusdam odor mortis in mortem, in ijs qui pereunt: quibusdam odor vitæ in vitam, in ijs utique qui odorem resurrectionis dominicæ viva fide spirant. Isti sunt aromatum montes, qui Domini Iesu corpus acceperunt, & in linteis cum aromatibus ligauerunt. Quicumque enim crediderunt quia Iesus mortuus est, & sepultus, & resurrexit, hi excelsum veræ cacumen fidelium virtutum fastigijs extulerunt. Ibi igitur Christum quæramus, ubi quærit Ecclesia, in montibus boni odoris, qui excelsorum sublimitate factorum, suauem vitæ odorem pro meritorum verticibus exhalant.

*Caput tertium.*

**I**n cubili meo, in noctibus, quæsiui quem dilexit anima mea.

Ex lib. de  
hæc patri-  
archa.

Acceperat iam hæc anima bona pignora charitatis. Sed quia semper solliciti esse debemus, semper intenti, & quia verbum Dei sicut capreola exilit, aut sicut hinnulus ceruorum, semper vigilet anima, & prætendat, quæ requirit eum, & quæ tenere desi-



desiderat. Ideoque quasi sublapsus sibi, In  
 cubiculo meo, inquit, in noctibus quæsiui,  
 quem dilexit anima mea. Qui bene quærit,  
 in cubiculo quærat, in noctibus quærat, nec  
 dies sit feriatus, neque noctes: nullum tem-  
 pus vacet à pietatis officio: & si non inue-  
 nerit primò perseueret in requirendo, Nul-  
 lum tempus vacuum sinat sancta deuotio  
 præterire. Si studentes doctrinis seculari-  
 bus perparum somno indulgent, quanto  
 magis qui Deum cupiunt cognoscere, non  
 debent somno corporis impediri, nisi quan-  
 tum naturæ satis est? Dauid per singulas  
 noctes lectum suum lachrymis diluebat,  
 surgebat etiam noctis medio, vt Domino  
 confiteretur, & tu sopori noctem existimas  
 deputandam? Tunc magis orandus tibi est  
 Dominus, tunc præsidia postulanda,  
 culpa cauenda, quando videtur habere se-  
 cretum. Tunc maximè, quando tenebræ  
 in circuitu meo, & parietes me operi-  
 unt, considerandum, quia Deus om-  
 nia abscondita intuetur. Ne dixeris, ego Eccl. 23.  
 circūfusus tenebris, quis me videt? & quem  
 vereor, septus parietibus & inclusus?  
 Quia vultus Domini super facientes mala.  
 Denique si arbitrum non vides, teipsum non Psal. 33.  
 vides? Tuæ cōsciētiae testimoniū nō vereris?

Nescis

Ex tractatu  
in psal. 118.

Psal. 6.

Nescis illam caliginem noctis, non opertorium, sed incentiuum esse peccati ! Quum summo & cibo feruent corpora, tunc etiam mentis vigor sopore laxatur, somno resoluatur, tunc inrepat impuri libido concubitus, tunc perturbatur cor squalore immunditiæ, non videtur castitas, puritas non consideratur, pudicitiae gloria non recensetur. Nox erat, quando Iudas Christum prodidit, Petrus negauit. Illo igitur præcipue tempore iustificationes Dei animo retexendæ sunt, relegenda mandata hortatoria. Illa de castitate præcepta non absint, ut his occupata mens flagrantiam libidinis, carnis restinguat ardorem. Tene illud animo, Lauabo per singulas noctes lectum meum. Quis enim stupris deditus, flagitijs inuolutus, lauat per singulas noctes lectum suum? Nescit flere qui flenda committit, & quum sit ipse lachrymabilis, non habet poenæ lachrymas suæ. At ille qui castigat corpus suum, & sui sollicitus gubernator est, atque ingemiscens & dolens lapsus superioris offensam, quærit quomodo abluat fletibus poenitentiae, hic lauat per singulas noctes lectum suum. Non dormiamus ergo totis noctibus, sed maximam earum partem lectioni & orationibus deputemus. Audi Ecclesiæ vocem,



vocem, quærentis etiam in noctibus Christum. In cubili, inquit, meo, in noctibus quæsiuit quem diligit anima mea. Accipe secundum literam. Quæsiuit in noctibus, orando, deprecando, etiam lachrymis deplorando. Quæsiuit in noctibus, quia posuit tenebras latibulum suum, vt quærere eum sollicitius disceremus. Quæsiuit igitur prophetis Ecclesia ex gentibus congregata, & ideo credidit. Denique aduentus Dominici testimonia de prophetis Euangelistæ Paulusque posuerunt. Vnde scriptum est: Nox Psal. 13. nocti indicat scientiam. Quæsiuit in noctibus, in persecutionibus, in aduersis, in tribulationibus, & doloribus duris. Nox est omnibus, quibus non est perfecta securitas. Vnde ait Dominus: Venit nox, quando nemo potest operari: quum in hoc mundo sum, lux sum mundi. Non ergo operemur Io. 9. in tenebris. Si enim lucent opera nostra non operamur in tenebris, sed in lumine. Dies est, quibus adest Christus: nox est, quibus se denegat. Non magnum igitur, si tunc Domino gratias agas, quando in prosperis & secundis es, sed si tunc adhæreas Christo, quando te persecutor exagitat, quando aliqua procella perturbat. Amisisti filium, in illo dolore, in illa nocte, in illa desitus

destitutione memento Domini Dei tui: ne quasi non exauditus, ingratus sis, & in tua præuariceris ærumna. Pulsus es in exilium, memento Domini Dei tui, ne patriæ interdictæ tibi charitatē Deo præferas. Ali cuius diuitis oppressus potentia, amisisti proprias facultates, indiges sumptu, memento Dei tui, ne nox te egestatis abducatur à deuotionis affectu. Hoc est enim mandatum legis, vt in nocte magis quæras, quando magis exaudiaris à Domino, et dicere possis In tribulatione inuocaui Dominum, & exaudiuit me in latitudine. Sequitur.

**E**Xurgam itaq; & circumibo in ciuitate, in foris, in plateis, quæram quem diligit anima mea. ] Fortassis ideo non inuenit, quia in foro quæsiuit, vbi sunt lites: in plateis, vbi nundinæ rerum venalium. Non enim vlla Christus pecunia comparatur. Nequaquam igitur ibi Christum quæramus, vbi inuenire non possumus. Non est Christus circumforanus. Christus enim est pax, in foro lites: Christus iustitia est, in foro iniquitas: Christus operator est, in foro inane otium: Christus charitas est, in foro obrectatio: Christus fides est, in foro fraus atq; perfidia: Christus in Ecclesia est, in foro Idola. Fugiamus ergo forum, fugiamus plateas.

Prus

Lib. de virginibus  
tertio.



Prudentiam autem notam assume tibi, & custodias te à muliere aliena. Per fenestram enim de domo sua in plateas prospicit. Fugiamus plateas. Non enim iniuria tantummodo est non inuenisse, quem quæras, sed plerumque ubi non oportet quæsisse, vulnus est: quæsisse in domibus viro- rum, qui sibi falso doctorum nomen adsumunt: quæsisse procacius, quàm verecundius. Prover. 7.

Habeto & alium sensum. Quæsiuit Sponsa Christum in foro, ubi oleum venditur, quod expectantes Sponsam emere consueuerunt, ut semper faces suæ luceant, nec eas fumus iniquitatis extinguat: ubi ius, ubi leges. Si enim lex spiritalis est, & forum est utriusque spirituale: ubi disputant periti legis æternæ: quod forum in litibus tumultuosum est, sed Christi tribus-  
Ex tractatu in psal. 118.

nalibus gloriosum, Vbi quæsiuit, inquam? In foro quæsiuit, in plateis, de quibus ij qui ad patrisfamilias euangelici prandium conuenirent, colligebantur: qui vocati, excusandum ab huiusmodi epulis non putarunt. Quæram inquit, in plateis, in quibus superfluunt aquæ, de illis fontibus prorumpentes, de quibus Salomon dicit esse potandum. Matt. 22.

Exurgam ergo dicit, id est, erigam & attollam intentionem meam

Esa. 27. iij.  
xii 70.

meam, & quæram impigrè, quæram sollicitè, introibo in ciuitatem. Est & anima mea quæ dicit: Ego ciuitas munita, ego ciuitas obsessa: Est ciuitas munita per Christum: est ciuitas illa Hierusalem in cælo, in qua abundant diuinæ legis interpretes, & disciplinarum periti, per eos verbum Dei quæritur.

[Inuenerunt me vigiles qui circumeunt ciuitatem.]

1. Pet. 1.

Dum quærit igitur Christum, inuenit custodes, qui in ministerio sunt: ab his requirit, Num quem diligit anima mea vidistis? Sed anima quæ Deum quærit, etiam custodes transit. Sunt enim mysteria, quæ etiam angeli concupiscunt videre. Vnde Petrus ait: Nunciata sunt nobis, per eos qui euangelizauerunt, Spiritu sancto missio de cælo, in quem concupiscunt angeli prospicere.

Quam modicum cum transiui ab eis, inueni, quem dilexit anima mea, tenui eum, nec dimisi illum.

Ergo qui transferit custodes, Verbum inuenit. Transiuit Ioannes, qui verbum apud patrè inuenit. Omnis enim qui quærit inuenit, & qui inuenerit, adhærere debet, ne possit amittere. Et quoniam per euangelium in terris videmus cælestia mysteria figurata,  
venia



veniamus ad illam Mariam, veniamus ad  
 Magdalenam, cōsideremus quomodo Chri-  
 stum in cubili corporis sui, in quo defunctus  
 facebat, in noctibus quæsierunt, quando di-  
 xit illis angelus: Iesum qui crucifixus est Matth. 18.  
 quæritis, non est hic, surrexit. Quid igitur  
 quæritis viuentem cum mortuis? Quid  
 quæritis in sepulchro eum, qui iam in cæ-  
 lo sit? Quid quæritis in vinculis sepulturæ,  
 vniuersorum vincula dissoluentem? Non  
 sepulchrum huic sedes, sed cælum est. Ideo  
 dicit vna ex his: Quæsiui eum, & non in-  
 ueni. Tamen dum vadunt Apostolis nunci-  
 are, miseratus quærentes, occurrit eis, di-  
 cens, Auete. Illæ autem accesserunt, & tenue-  
 runt pedes eius, & adorauerunt eum. Tenetur  
 ergo Iesus, & sic eum teneri delectat, quia  
 fide tenetur. Denique delectauit eum illa mu-  
 lier, quæ tetigit eum, & curata est à sanguinis  
 fluxu, de qua dixit: Tetigit me aliquis, Nam Luc. 8.  
 sentio virtutem de me exisse. Tange ergo &  
 fide tene, & constringe fideliter pedes eius,  
 vt virtus de eo exeat, & sanet animam tuam.  
 Tenui, ait, eum, & non dimittam eum. Sed  
 quibus rebus tenetur Christus? Non iniu-  
 riæ nexibus, non restium nodis, sed vincu-  
 lis charitatis, mentis habenis stringitur, &  
 animæ tenetur affectu, Si vis & tu tenere

Christum, quære iugiter, nec pœnâ metuas,  
Inter supplicia enī corporis, inter ipsas per  
secutorū manus Christus melius inuenitur.

**I**nducam illum in domum matris meæ, & in  
secretum eius quæ concepit me.

Li. 3. de vir-  
ginibus

Quæ est domus matris tuæ, & cubiculum  
eius, nisi internum tuæ secretumq; naturæ?  
Hanc domum serua, huius domus penetra-  
lia mūda, vt cum immaculata fuerit domus,  
nec vllius adulterinæ conscientie sordibus  
Inquinata, spiritalis domus in sacerdotium  
sanctum, lapide angulari coagmentata con-  
surgat, & spiritus sanctus habitet in ea. Quæ  
sic Christum requirit, quæ sic Christum  
obsecrat, non relinquetur ab eo, imò etiam  
frequenter reuifitur. Vel domus matris for-  
tasse domus est, in qua præfulget mora-  
lium disciplina, secretum autem illud, in  
quo sunt altiora mysteria, in quibus diuinæ  
gratiæ mella redolent. An non omni  
melle dulcior peccatorum remissio? Non-  
ne omni flore gratior resurrectio mora-  
tuorum?

Lib. de  
Isaac patri-  
archa.

Videntes itaque Sponsam  
filie Hierusalem Christo inhaerentem, &  
adhuc ascendentem cum eo, (dignatur  
enim quærentibus frequenter occurre-  
re, & condescendere vt eos eleuet)  
dicunt:

Quæ



**Q**Uæ est hæc quæ ascendit à deserto, sicut vitis propago, fumo incensi odorificata myrrha et thure, ab omnibus pulueribus vnguentarij?]

Tractatu in  
psal. 118.

Mirantur ascendente virtutes cælorum, quòd sine offensione ascēdat, & ex hoc mūdo ascendat cum lætitiā & iocunditate, sicut vitis propago, & sicut fumus se ad superna subrigat, fragrās pię resurrectionis odorem, & suauitatem fidei. Pulchrè verò subtilitatem eius expressit, pulueris comparatione, & vnguenti cōmemoratione: quia in Exodo legimus, subtile & ex multis compositum thymiana illud esse propheticum incēsum, quod est Sāctorum oratio, quemadmodum Dauid dicit: Dirigatur Domine oratio mea Psal. 140. sicut incensum in conspectu tuo. Porro desertum ex quo Sponsa ad superiora volauit, mundū hūc intelligimus, quī veluti desertus terræ locus & incultus videtur, sentibusque ac spinis nostrorum obsitus delictorum. Quapropter filiæ Hierusalem mirantur, quomodo anima quæ antea in inferioribus relinquebatur, nunc inhæreat Dei Verbo, & ascenderit ex hoc arido & inculto loco ad illas florulentas delectationes, vbi vitæ æternæ voluptate fruatur, ascenderit autem sicut vitis propago, in superiora se subrigens, veluti

G ij      fumus

Apoc. 8.

fumus natusex igne alta petens, tum etiam quod odoribus fragret. Odor autem ille orationis piæ redolet suauitatem, quæ dirigitur sicut incensum in conspectu Domini. Et in Apocalypsi legitimus, quod ascendit fumus incensorum de orationibus Sanctorum: quæ incensa deferuntur per angelum super altare illud aureum, quod est ante sedem Dei, & tanquam suaue piæ prædicationis fragrat vnguentum: quia de æternorum & inuisibilium, non de corporalium petitione compositum est. Præcipue tamen myrrham redolet Sponsa & thus, eò quod peccato mortua sit, & Deo viuat. Vnde & in posterioribus: Ibo, inquit, mihi ad montem myrrhæ & ad collem thuris. Audiamus sequentia.

**E**N lectulum Salomonis: sexaginta potentes in circuitu eius, ex potentibus Israel: omnes tenentes gladium, docti bellum.

Li. de Isaac  
patriarcha.

Gen. 25.

Ibidem 49.

Matt. 9.

Luc. 7.

Lectulus Sanctorum Christus est, in quo vniuersorum fella secularibus præliis corda requiescunt. In hoc lectulo requieuit Isaac, & benedixit filio iuniori dicens, Maior seruiet minori. In hoc lectulo recubans Iacob benedixit duodecim patriarchis. In hoc lectulo recubans Archisynagogi filia surrexit à morte. In hoc lecto iacens viduæ defunctus



defunctus filius, mortis vincula Christi  
 voce vocatus dissoluit. Hunc lectulum  
 sexaginta potentes ambiunt, strictis armati  
 ensibus, & eruditi præliaribus disciplinis.  
 Qualis nimirum fuit David rex & pro-  
 pheta, qui ducum omnium fortissimus Psal. 7.  
 confidenter canebat: Benedictus Dominus  
 Deus meus, qui docet manus meas ad præ-  
 lium, & digitos meos ad bellum. Qualis  
 & ille, qui omnibus fortunis exutus animi  
 constantiam seruans, Nudus, inquit, sum Iob. 2.  
 natus, nudus exhibeo: quia Dominus dedit,  
 Dominus abstulit: sit nomē Domini bene-  
 dictum. Hæc est inuicta animi fortitudo, quæ  
 bellum cum vitij gerit, quæ sola defendit  
 virtutum omniū ornamenta, & quæ inex-  
 piabili prælo aduersus vitia omnia decernit,  
 inuicta ad labores, fortis ad pericula, rigida  
 aduersus corporis voluptates, dura aduersus  
 illecebras, quibus aurem deferre nesciat, nec  
 (vt dicitur) aue dicat: pecuniam negligit,  
 auaritiā fugit tanquam labem quandam,  
 quæ virtutem effœminet: Nihil enim tam  
 contrarium fortitudini, quàm lucro vinci.  
 Frequenter pulsus hostibus, & inclinata in  
 fugam aduersariorum acie, dum exuijs  
 cæforum capitur præliator, inter ipsos  
 quos strauit miserandus occubuit: & tri-

umphis suis delectatæ legiones, dum spo-  
 lijs occupantur, hostem in se reuocarunt,  
 qui fugerat. Fortitudo igitur tam immanem  
 hostem repellat & proterat, nec tentetur cu-  
 piditatibus, nec metu frangatur: quia vir-  
 tus sibi constat, vt fortiter omnia perse-  
 quatur vitia, tanquam virtutis venena.  
 Hæc itaque sunt arma, quibus isti poten-  
 tes qui lectulum Salomonis nostri am-  
 biunt, sunt armati. Horum fortium castra  
 videns Iacob in spiritu, Castra, inquit, Dei  
 sunt hæc. Tenent autem fortes isti gla-  
 dios in manibus, quos pro Christi nomine  
 non refutent: vel quibus corporalia à spi-  
 ritualibus, vmbra à veritate distinguant.  
 Viuis enim Dei sermo & efficax, & pe-  
 netrabilior omni gladio ancipiti, & pertin-  
 gens vsq; ad diuisionem animæ ac spiritus,  
 compagum quoque ac medullarum, & dis-  
 cretor cogitationum & intentionum cor-  
 dis: & non est vlla creatura inuisibilis in  
 conspectu eius. Omnia autem nuda & aper-  
 tua sunt oculis eius. Sunt & alij gladij in  
 Ecclesia, de quibus dicitur: Domine, ecce  
 gladij duo hic: ecclesiasticæ videlicet pote-  
 statis & mundanæ. Est & gladius spirita-  
 lis, quem Dominus vendit tunicæ emi-  
 perat: vt vendas patrimonium, emas ver-  
 bum

Gen. 32.  
 Lib. de be-  
 nedictioni-  
 bus patriar-  
 charum.

Heb. 4.

Traçtatu  
 In psal. 118.

Luc. 22.



bum, quo nuda mentis penetrassa vestitur. Est etiam gladius passionis, ut exuas corpus, & immolatæ carnis exuijs ematur tibi sacri corona martyrij. Habēt ergo fortissimi isti lectuli Salomonis custodes huiusmodi gladios in manibus, habent paratos & exertos, ut spiritales nequitias nostri regis quietem interturbare volentes sua virtute oppugnent.

**L** Etiam fecit sibi rex Salomon, ex lignis Libani: columnas eius fecit argenteas, adclinatorium aureum, adscensum eius purpureum, dorsum eius gemmarum stratum.]

ἐν τὸς αὐτῶν  
λίθους ὁροῦ

Quis est iste lectus, nisi corporis nostri species? Namque in gemmis aer specie fulgoris ostenditur, in auro ignis, aqua in argento, terra per lignum, ex quibus corpus humanum quatuor constat elementis, in quo nostra recubat anima, si non aspero montium, humi arido expers quietis existat, sed sublimis à vitij ligno sulca requiescat. Vnde & David dicit. Dominus opem ferat illi super lectum doloris eius. Nam lectus doloris esse quis potest, cum dolere non possit, qui non habet sensum? Corpus autem est doloris, sicut corpus est mortis. Infelix ego homo, quis

Psalm. 40.

G iij

me

Rom. 7. me liberabit de corpore mortis huius? Et quoniā versiculum induximus, in quo Dominici corporis fecimus mentionem, ne quē fortē perturbet legentem, quōd Dominus corpus suscepit doloris, recordetur quomodo Lazari mortem doluit, & fleuit, & in passione est vulneratus, atq; ex vulnere aqua & sanguis exiuit, spiritumq; exhalauit. Aqua ad lauachrum, sanguis ad potum, spiritus ad resurrectionē. Vnus enim Christus est nobis spes, fides, charitas. Spes in resurrectione, fides in lauacro, charitas in sacramento. Tamēn vt corpus suscepit doloris, ita etiam stratum in infirmitate versauit, quia conuertit in commodum carnis humanæ.

**M**Edia charitate constrauit propter filias Hierusalem.

Quæ sunt istæ filiæ? Non debet esse occultum, quod superiores videantur, qui ante generati sunt, inferiores, qui postea. Comparantur enim vtero partus huius seculi, quoniā fortiores sunt, qui in iuuentute virtutis nati sunt, infirmiores, qui tempore senectutis. Defecit enim multitude generationis hoc seculum, tanquam vulua generantis, & tanquam senescens creatura robur iuuentutis suæ velut marcenti iam virium suarum vigore deponit. Istæ ergo



ergo sunt filiae Hierusalem, id est, teneriores & inferiores animae. Istis se exhibet, ut luceat imago eius in confessione earum, luceat in dilectione, luceat in operibus, ut si fieri potest, tota species eius exprimat in ipsis.

**E**gredimini filiae Sion, & videte in rege Salomone, in corona, qua coronavit eum mater eius, in die sponsalium eius, & in die iocunditatis cordis illius.

Canunt epythalamium, & vocant cæteras potestates cælorum, vel animas, ut videant charitatem, quam circa filias Hierusalem habet Christus. Vnde & meruit coronari à matre quasi filius charitatis, sicut Collosa. Paulus ostendit dicens: Quia Deus eripuit nos de potestate tenebrarum, & transfudit in regnum filij charitatis suæ. Charitatis itaque filius, & ipse charitas est: non ex accidentibus habens charitatem, sed habens semper ex substantia sua, sicut regnum de quo dicit: Ego in hoc natus sum. Ideoque dicunt, Egredimini, id est, exite de sollicitudinibus, & cogitationibus huius seculi, exite de vanitatibus mundi, & videte quam rex pacificus in die sponsalium suorum habeat charitatem, quàm sit gloriosus, quia corporibus resurrectionem dedit, animas sibi

iung

lunxit. Hæc magni est corona certaminis,  
hoc præclarum munus sponsalium Christi,  
sanguis eius & passio.

Tractatum  
psal. 118.  
ser. 15.

Psal. 118.

Quis enim plus potuit dare, qui sibi  
etiam non pepercit, sed pro nobis mortem  
suam obtulit? Quæ est autem corona gloriæ  
nisi Ecclesia, quæ caput suum Christum  
coronat? Quæ iocunditas vniuersæ terræ,  
nisi domus populi Christiani, aula Sanctorum,  
de quibus scriptum est: In omnem  
terram exiuit sonus eorum, & in fines orbis  
terræ verba eorum? Ergo quia corona gloriæ  
est Ecclesia, ideo dicitur: Egredimini  
& videte in rege Salomone, in corona  
qua coronauit eum mater eius, in die  
sponsalium eius, & in die iocunditatis cordis  
eius. Ad animas dicitur, vt è gurgustijs  
& claustris exeant corporalibus, extracorporis  
cogitationes exeant, egrediantur à cupiditatibus,  
& à curis, & à cæteris carnis istius  
illecebris, & affectus lubrici passionibus,  
supra mundum ascendant, Christo occurrant,  
paratæ adsint facibus ardentibus reuocantes.  
Quasi angeli Christi hæc loquuntur. Non  
potestis videre claritatem eius, gloriam eius,  
nisi egrediamini humanæ fragilitatis  
curas. Quasi dicant: Quid viuentem inter mortuos

tuos



tuos queritis? Nō intra hūc mūdū quæritur  
 Christus, q̄ supra mūdū discipulos suos esse  
 voluit. Et quæ est corona qua coronatur  
 Christus, nisi corona gloriæ? Ioseph coronā  
 habuit castitatis, Paulus iustitiæ, Petrus fidei:  
 singularū virtutū coronę sūt: solus Christi  
 coronā habet gloriæ, qua eū coronat Ec-  
 clesia. In hac corona omnes coronæ sunt:  
 quia gloria, non portio vnius coronæ, sed  
 præmium omnium coronarum. Iam verō  
 conuersus sponsus in laudem sponsæ, dicit:

*Caput quartum.*

ἐκτος τῆς

**E**Cce pulchra es proxima mea, ecce pulchra  
 es: oculi tui colūbæ, extra taciturnitatē tuā.] σιωπῆς σου.

Pulchra es, inquit, in prædicatione, pul-  
 chra in conuersatione. Oculi tui columbæ.  
 Oculi sunt viri spiritalibus ordinati sensi-  
 bus, qui ad videnda mysteria sunt acuti, &  
 parati ad penetranda scripturæ secreta di-  
 uinæ, in quibus non sit aliqua doli ma-  
 culosa confusio, sed simplicis affectus pura  
 & immaculata sinceritas. Ideo in aqua-  
 rum abundantia lotas has columbas in la-  
 cte postea memorauit. Iam cætera, den-  
 tes & genas, & sicut refficulum sponsæ la-  
 bia, intelligimus animæ esse virtutes, docto-  
 rūq; diuersitates, qui vel spiritalē menti ali-  
 moniam dispensatione sedulā subministrēt,

vel

Tractatu in  
psal. 118.

Ita Plinius  
de Galbula  
aue scribit.

vel prædicatione dominicæ crucis sicut  
verbi quadam linea alligent audiētē, vel mo-  
desti ac verecundi & iuventutis flore gratiss-  
simi, & si à tractatu pudore reuocentur, re-  
doleat tamen in his odor Christi, & sicut  
in genas quasi à capite sacerdotali descendat  
vnguentum, eluceat pulchritudo doctrinæ.  
Oculi tui columbæ extra taciturnitatem  
tuam, quod & spiritualiter videat, & noue-  
rit tempus esse tacendi, & tempus loquendi:  
vt in tempore sermonem suum proferat,  
ne importunitate loquendi peccatum pos-  
sit incurrere. Oculi tui sicut columbæ. Hic  
columbæ, id est, Ecclesiæ simplicitas desi-  
gnatur & gratia. Vide itaq; simplicitatem  
oculi. Qui enim iustū videt & gaudet, etiam  
ipse vult esse iustus. Pulchrum est enim vt  
in alijs delectet, quod vult ipse in se seruare  
si possit. Est enim insitum bonis, vt castum  
pudicus, prudentem sapiens affectu pio di-  
ligat, misericors liberalem, & virtutes suas  
in alijs amet. Plerisq; etiam iustis aspectus,  
admonitio correctionis est: perfectioribus  
verò lætitia. Nam si tanta vis in naturali-  
bus est, vt animal visum prosit ictericis, ita  
vt mortui quoque cornu eius animātis pro-  
desse dicatur, si fuerit demonstratum his,  
qui eiusmodi passionem inciderint, dubitare  
possumus,



possumus, quod iusti sanet aspectus, cuius sunt oculi sicut columbæ, simplices & pudici! Ergo animal vile, irrationabile tantam virtutem habet, ut sanare hominem possit momento exiguo, quo videtur, homo iustus si tamen cum fide aspiciatur ab eo, qui utilitatem ab eo percipere desiderat, nihil confert! Nonne vel ipsi oculorum radij virtutem quandam videntur infundere his, qui fideliter eum videre desiderant! Sed quem admodum iustus lætificat cor innocentium cum videtur, ita improbi iustorum cognitione torquentur, quia vel tacitis sanctorum moribus arguuntur. Torquet castitas incontinentem, avaritiam liberalitas, impietatem fides. Oculi, inquit, tui columbæ, extra taciturnitatem tuam, eò quod tota spiritalis & simplex sponsa Christi, sicut columba (in cuius specie visus est à Ioanne descendere spiritus sanctus) spiritalia videat, & nouerit ea quæ viderit tacere mysteria. Non enim mediocris virtus tacere. Est enim & tempus tacendi, sicut tempus loquendi, sicut & scriptum est, Dominus dat mihi linguam eruditionis, quando oporteat dicere sermonem. Virginitatis itaque dos quædam est verecundia, quæ commendatur silentio. Ideo Ecclesiæ gloria intus est, non utique in

Lib. de institutione virginis.

Ecccl. 3.  
Esa. 59.

in multiloquio, sed in sensibus vel in penetralibus sacramentorum. Pergit verò commendare dignitatem sponsi.

**C**apillamentum tuum, vt grex caprarum, quæ reuelatæ sunt à monte Galaad.

Ideo capillamētum, quia virtus omnium sensuum in capite est. Oculi enim sapiētis in capite eius. Capillamentum verbi, est altitudo & eminentia quædam iustarū animarum. In altitudine enim cogitationis humanæ certum est esse sapientiā. Profunda igitur doctorum prudentia, quæ potest ea quæ obscura sunt referare & alta aperire sensuum.

**D**entes tui sicut grex caprarum tonsarum, quæ ascenderunt à lauacro, quæ omnes gemitos creant, & infœcunda non est in eis.]

Tractatu in  
psal. 118.

Quod specie de capris dicitur, mysticè de Ecclesiæ grege sentiendum. Nec vilia ista tibi animalia videantur. Vides quod in altis iste grex pascitur, audax in monte. Itaque vbi alijs præcipitia, ibi carps nullum periculum: vbi alijs periculum, ibi gregis huius alimentum, ibi cibus dulcior, ibi fructus electior. Spectantur à pastoribus suis dumosa de rupe pendentes, vbi luporum incursus esse non possint, vbi fœcundæ arbores fructum integrum subministrant. Cernere licet vberi lacte distentas, super teneram



neram sobolem materna pietate sollicitas. Ideo elegit eas spiritus sanctus, quibus cœ-  
rum venerabilis Ecclesiæ compararet. Et  
quemadmodum tondentur capræ ut super-  
flua deponant, ita etiam tonsarum anima-  
rum gregem, hoc est, multarum anima-  
rum virtutes habet sancta Ecclesia: in quo  
grege nihil possis insensibile reperire, ni-  
hil superfluum: quoniam fides Sapientes  
facit, spiritualis autem gratia ab omni  
superfluatorum labe mundavit. Merito  
ergo reuelatæ sunt animæ iustorum, & re-  
uelatæ sunt à monte Galaad, hoc est, à  
transmigratione testimonij, eò quod à Sy-  
nagoga ad Ecclesiam testimonium cœleste  
migravit. In hoc monte itaque nascitur  
thymiama, resina, & cæteri odores, quos  
negotiatores illi Ismaelitæ, ut habes in pri-  
mo libro testamenti veteris, deferebant. Hos  
odores habet Ecclesia, quos mercatores ex  
Gentibus congregati fide & deuotione ve-  
xerunt. Itaque sicut capræ bonis refectæ  
cibis, & solis calore vernantes, lauantur  
in flumine, & exultantes mundæ sur-  
gunt de flumine: ita animæ iustorum as-  
cendunt ab spiritali lauacro. Istæ sunt verò  
quæ geminos creant, in quibus non  
est infœcunditas aliqua virtutum, vlla  
sterilitas

**Prover. 22.**

**Gen. 49.**

sterilitas meritorum. Bene geminos creant, quia congeminant sensus suos. Vnde habes in proverbijs scriptum, Et tu scribe hoc tibi tripliciter in consilio & cognitione. Triplicem præmisit scripturam, & duo subdidit, consilium & cognitionem. Sed cognitio gemina est, una incorporalium, altera corporalium. Vnde etiam in posterioribus habes, Duo hubera tua, sicut duo hinnuli capræ gemelli, quæ pascuntur in lilij, donec aspiret dies, & inclinentur umbræ. Diximus de fecunditate, dicamus de dentibus, Nam & nauigantes plerique & properantes itinere terreno, ubi viderint speciosum aliquem locum, delectationis gratia demorantur, pascunt oculos, animum alleuant, nec mora commeandi putatur, sed gratia. Ita & nobis pulcherrimos dentes iustarum animarum considerare, cordi est. Docuit enim scriptura pulcherrimos dentes esse iustorum, dicēs secundum literam quidem de patriarcha Iuda, spiritualiter autem de Christo. Hilares oculi eius à vino, & dentes eius sicut lac. In quo non utique carnis humanæ officia, sed diuinæ gratiæ munera prædicauit. Docet igitur exemplum, dentes non esse præterituros, ubi de oculis differuimus. Qui sunt igitur iustarum dentes animarum, nisi qui  
durum



durum & Informem accipientes cibum, vel  
 frigidum plerunque, vel supra modum ca-  
 lentem, nunc comminuunt, nunc fouent,  
 nunc temperant, prout fuerit qualitas ali-  
 mentorum? Dura comminuunt, ne aspe-  
 ritas literæ in veteri testamento, & secularis  
 intellectus rigor, nisi fuerit spiritali dente  
 resolutus, vitalia ipsa interclusis ciborum  
 salutarium meatibus, & gulam quandam  
 animæ incuriosa edacitate suffocet. Par est  
 igitur, vt diuidas primum, si solida tibi vi-  
 detur esca quæ sumitur, & distinguas eam,  
 atque emollitam sine noxa aliqua animæ,  
 in omnia eius membra naturali diuisione  
 transfundas, vt vitalem succum omne eius  
 corpus epuletur. Nihil cadauerosum, nihil  
 mortuum ore tuo sumas, ne dicatur: Sepul-  
 chrum patensest guttur eorum, sed viuum  
 haurias verbum, vt in tuæ mentis visceri-  
 bus possit operari. Hi dentes super lac can-  
 didiores, quia dentes iustorum. Deniq; cum  
 omnes in Moyse baptizati, in nube & in  
 mari patres nostri fuerint, non ociose ta-  
 men scriptum est, quia omnes eandem es-  
 cam spiritalem biberunt: vt istis sanctorum  
 dentibus maior quidam fulgor accederet,  
 quos post transitum maris rubri, Marrhæ  
 fontis amaritudine per ligni gratiam rema-  
 perata,

Psal. 50

perata, cognoscimus esse mundatos: deinde  
duodecim fontium potu, postremo petrae  
spiritali vndam vomentis irriguo. Petra  
enim erat Christus. Ideo manna manduca-  
uerunt, vt totiens abluti manducarent pa-  
nem, vt scriptum est, angelorum. Nunc  
quoque in euangelij mysterijs recognoscis, quia  
baptizatos, licet tincto corpore, postea ta-  
men esca spiritali potuque mundari. Ille enim  
est verus dentium fulgor, vbi bene sibi con-  
sciae mentis resonat corona confessio. Ille  
mundus oculus, quem peccatorum grauium trabes  
nulla depresserit, quem purgamentorum leuium  
festuca nulla turbauerit. Dicit ergo: Dentes  
tui sicut greges tonsarum, quae ascenderunt de  
lauacro, Non mediocris ista laudatio. Primum  
quidem dulci comparatione tonsarum, Cas-  
pas enim & in altis pasci sine periculo no-  
uimus, & in praeruptis cibum sumere: deinde  
quam tondentur deonerari superfluis. Harum  
gregi comparatur Ecclesia, multas in se habes  
animarum virtutes, quae per lauacrum superflua  
peccata deponant, quae mysticam fidem & mo-  
ralem gratiam deferant Christo, quae crucem  
domini Iesu loquantur. In his formosa est ec-  
clesia. Vnde ad eam Deus verbum dicit: Tota  
formosa es proxima mea, & reprehensio non  
est in te, quia est culpa demersa. Ades huc  
Sponsa

Lib. de Sa-  
cramentis.



Sponsa à Libano, ades huc à Libano sponsa, & pertransibis à principio fidei : eò quod renuncians mundo transierit seculum, pertransierit ad Christum. Sequitur.

**S**icut resticula coccinea labia tua.]

Tractatus  
psal. 118.

In cocco enim species ignis, & crucis dominicę sãguis irrutilat. Coccinea labia domini, quę passionē propriã loquebãtur. Denicę in Exodo cocco pro igne prolatũ est. Nõ enim ex cocco mũdus, sed ex quatuor elementis cõstat. Sed in cocco figura ignis expressa est, cuius vapor nisi celũ atq; aerẽ, maria terrarq; penetraret, omnia tanq; effœtis viribus soluerentur. Per resticulũ ergo vinculum persuasionis agnoscimus: per cocco, vel cupiditatis ardorẽ, qui scintillat in animis audientium, vel indicium passionis. Bona sunt huiusmodi Sponsi vincula, quę nocere nõ soleãt, vincula gratię, vincula charitatis, ut vnusquisq; suis vñculis gloriatur, sicut gloriabatur & Paulus dicẽs: Paulus vinctus Iesu Christi. His ligatus vinculis dicebat: Quis nos separabit à charitate Christi? An afflictio: an angustia: an psecutio: an fames: an nuditas: an periculũ: an gladius: Certus sũ quod neq; mors, neq; vita, neq; angeli, neq; instãtia, neq; futura, neq; altitudo, neq; profundũ, neq; creatura ylla poterit nos separare à charitate

Ad Philemonem,  
Rom. 8.

Dei, quæ est in Christo Iesu Domino nostro.

**V**T cortex mali punici genæ tuæ, absque eo quod intrinsecus latet.]

Hexameron  
li. 3.

Plerunque cito florent malagranata, & fructum adferre non possunt, nisi congruis peritorum remedijs excolantur: plerunque succus vanescit interior, & foris species eius pulchra prætenditur. Quæ non immerito comparatur ecclesiæ. Ecclesia enim bonum fidei fulgorem confessionisq; prætendit, tot martyrum sanguine speciosa: & (quod est amplius) Christi cruore dotata, simul plurimos intra se fructus vsu istius pomi sub vna munitione conseruans, & virtutum negotia multa complectens. Sapiens enim spiritu celat negotia. Neque enim Ecclesia in se theatrale habet negotium, vt opes suas superba vanitate quibusuis ostenter: sed omnis gloria eius Psalmista teste, abintus: quum interim pomposæ Synagogæ vani sacerdotes ament in angulis platearum stantes orare, vt videantur ab hominibus.

**S**icut turris Dauid ceruix tua, quæ ædificata est in Thalpioth: mille ostia pendent in ea, omnia iacula potentium.

Traſatu in  
psal. 118.  
ser. 4.

Erecta enim ad Deum ceruix, & iugo Christi habilis, quæ nulla in terrarum illecebras



cebras inflexione curuetur, sicut Christi regalis est turris, cui iugum suum Nabuchodonosor non possit imponere. Condidit enim turrim illam Dauid ille manu fortis, & super murorum ædificauit excelsa, vt subsidio pariter sit & decori. Subsidio, quia hostem præuidet & expellit: decori, quia non solum inter humilia, sed etiam inter excelsa supereminet. Ita tamen subsidio vel decori, si habet in se verbi dogmata, velut quædam phalerarum monilia, habeat etiam iacula prophetarum potentium, quæ aduersus omnem extollentem se altitudinem lacertis quibusdam fidei diriguntur. Noli igitur in puluere mortis deducere animam tuam, cui Dominus etiam naturalem altitudinem tribuit, & vigorem, quo se excitet & assurgat. Vnde etiam de hac coniunctione animæ & corporis dictum opportunè accipitur: eò quod in naturali vitæ nostræ mysterio connexa anima corpori, veluti humi reptet & pauimento adhæreat: partim propter hoc terrenum habitaculum, partim quia corpus istud è terra est. Et regionis igitur diuersorium & materia ipsa corporis nostri huic concurrit sententiæ. Ideoque Apostolus de mortis huius corpore liberari cupit: quia carcere quodam claudimur,

Gen. 6.

& in quodā luxuriæ gurgustio sit, tenēbris inuoluitur delictorum. Simus igitur tanq̃ turris David, mente nimirū erecta in cælū, qui enim secundum carnis appetētiā uiuit caro est: qui secundum præcepta Dei, spiritus. Ira quippe Dominus dicit: Non permanebit spiritus meus cum hominibus istis in æternum, propter quòd caro sunt. Meritò verò expertes libidinis Angelis comparantur, caro enim nō sunt, quia non sunt in carne, sed in spiritu: quales erant illi qui doctorem Apostolū sequebātur, quibus ait: Vos autem nō estis in carne, sed id spiritu. Qui autē corporea foeminarū capiuntur libidine, caro sunt, atq; vtinam caro tantū, & nō etiam equi adhinnientes, quia in vxorem proximi sui, inquit, adhinniebant.

Hier. 5.

**T**ota es formosa proxima mea, & reprehensio non est in te.]

καὶ μῶμος  
οὐκ ἔστιν ἐν  
σοί.

Lib. de vir-  
ginitate.

Pulchritudinem quis potest maiorem  
æstimare decore eius, quæ amatur à rege, pro  
batur à Iudice, dicatur Domino, consecra  
tur Deo? Semper Sponsa, semper innupta:  
ut nec amor finem habeat, nec damnum pu  
dor. Pulchritudo ista interior est, non exte  
rior: quæ non marcescit, non defluit: quæ  
sem in se habuit sanctissimus Ioseph, qui  
quum esset pulcher valde & decorus aspectu,

у ену



venustatem vultus sui non ad alienam deris-  
uauit iniuriam, sed ad suam gratiam conser-  
uauit: hoc se pulchriorem ratus, si non dis-  
pēdio castitatis, sed cultu pudoris speciosior  
probaretur. Illum esse verum decorem, qui  
non alienos oculos caperet, nec fragiles mētes  
vulneraret, sed iudicia acquireret vniuersorū:  
fraudi nulli futurus, laudi sibi. Est enim hæc  
pulchritudo, nō quæ lasciuā iuuenū luxuriā  
excitet, & petulāte cupiditatē accēdat, sed quæ  
honestatem inducat, incutiat pudorē, vener-  
rationē cōciliet, adferat sanctitatē. Sequitur.

**V**eni huc à Libano Sponsa, veni huc à Li-  
bano: transibis & pertransibis à principio fi-  
dei, à capite Sanit & Armon, à latibulis leonū, à  
montibus pardorum.

Lib. de vir-  
ginibus.

His indicijs ostenditur perfecta & inre-  
prehensibilis virginalis animi pulchritudo,  
altaribus cōsecrata diuinis. Nō enim solum  
transit virgo, sed etiam pertransit, quæ festi-  
nat ad Christū. Vel quia ea quæ Christo se-  
dicauerit, transeundo ad cælestia terrena per-  
transeat. Nā & sponsus sic venit ad spōsam  
suam, vt saliat super montes, transfiliat col-  
les. Ades, inquit, ades. Bene repetiuit,  
quia siue præsens, siue absens, adesse & pla-  
cere Domino Deo tuo debes. Adesto præ-  
sens, adesto absens, & si adhuc in corpore es:

H iij

mihī

mihī enī omnes præsentes sunt, quorum  
fides mecum est. Adest mihī, qui exiit de se-  
culo, adest mihī, qui me cogitat, me intue-  
tur, de me sperat, cui ego sum portio. Adest  
mihī, qui abfuerit sibi: adest mihī, qui se  
negauerit sibi. Ille mecum est, qui intra se  
non est: quoniam qui in carne est, non est in  
spiritu. Ille mecum est, qui ex seipso egres-  
ditur: ille iuxta me est, qui extra se fuerit.  
Ille mihī integer est, qui perdiderit propter  
me animam suam. Et ideo ades, ades sponsa:  
transibis & pertransibis à principio fidei.  
Transit & pertransit, qui ad Christum per-  
uenit. Transit fidei merito, & operum cla-  
ritate, quæ lucet sicut Sanyr & Armon, hoc  
est, via lucernæ. Transit de uicis tentationi-  
bus seculi, & superatis nequitijs spiritali-  
bus, legitimi petens coronam certaminis.  
Transibis, inquit, & pertransibis à principio  
fidei, à cubilibus leonum & montibus par-  
dorum: quòd gentiles populi, qui velut be-  
stialium passionum graues patiebantur in-  
cursus, nunc altitudine fidei & sublimitate  
deuotionis meant. Per hos igitur montes  
Christus aduenit, comprimens euangelicis  
disputationibus feroces corporis motus,  
atque illam altitudinem cordis, & se extol-  
lentem superbiam obedientia & humilitate  
sui



sui destruens: meritoq; fructus mansuetudinis ferre cæperunt, quos ante grauissimum diluuium passionum subruebant.

**V**ulnerasti cor meum soror mea Sponsa, vulnerasti cor meum in vno oculorum tuorum, & in vno crine colli tui.

Oculi mentis isti sunt oculi, interioris scilicet hominis, non hi oculi, qui ministerio funguntur obtutus. Est enim oculus & mentis & carnis. Sed ille cæcus est oculis, qui non videt quæ diuina sunt, qui frustra mente est inflatus. Est & alius oculus, sensus Christi, quo Ecclesia videt Christum, sicut ipse dicit ad sponsam suam. Corde nos cœpisti vno ab oculis tuis. Est enim iste oculus gratiæ, qui Christi plenior sibi acquisiuerit charitatem. Pleriq; tamen hoc loco accipiunt duos oculos Ecclesiæ: vnum qui mystica videt, alterum qui moralia: eò quod sancta Ecclesia non solum moralium teneat disciplinam, sed etiam cælestis doceat secreta mysterij: Porro hoc vno oculo vulneratum se esse sponsus scribit, dum intellectum suum spiritualem in ipsius amorem deflectit, dum illius in se beneficia perpendit, quum denique castissimo illo suo oculo nullam mundi carnisq; lasciuiam expetit, sed ei soli adhærere cupit, cuius

In psal. 118.  
ser. 11.

cutus se esse amicum, columbam, formosam cognoscit. Sed quia oculus mētis & oculus carnis, vnus oculus fiunt, & tunc homo consolatione fulcitur, cum caro & mens diuersa non cupiunt, sed vnum desiderant, vnū requirunt, Ideo intenti ad eum qui ait: Ego & pater vnum sumus, isti quoque vnum se esse confitentur, quia vno atque eodem desiderio officioque funguntur.

Li. 1. de virginibus.

**Q**uam pulchra sunt hubera tua à vino, & odor vnguentorum tuorum super omnia aromata.] Duo vbera, sunt testamenti veteris & Euāgelij sacramēta, è quibus fideles omnes doctrinæ spiritualis lacte nutriuntur. Odor, inquit vnguentorum tuorum, super omnia aromata. Et infra: Odor vestimētorum tuorum sicut Libani. Vide quem nobis tribuas virgo processū. Primus enim odor tuus super omnia aromata, quæ in Saluatoris missa sunt sepulturam, emortuos corporis motus mēbrorumque redolet obijisse delicias. Secundus odor tuus, sicut odor Libani, dominici corporis integritatem, virginæ florem castitatis exhalat. Odor vestimentorum, est odor actuum nostrorum. Admoue igitur manus naribus tuis, & odorem actuum indefessa ac peruigili alacritate mētis explora. Mulcebit te odor dexteræ tuæ,



tuae, & fragrantiam resurrectionis tua membra redolebunt, myrrham digiti tui sudabunt, hoc est, veræ fidei gratiam spiritalia gesta fragrabunt. Capis ergo Virgo ex interiore tuo corpore voluptatem, & ipsa tibi dulcis, ipsa tibi suavis es, ipsa tibi quod peccantibus non sæpe contingit, non incipis displicere.

**F**Auus distillans labia tua Sponsa. ]  
Digna Virginitas quæ apibus comparetur, sic laboriosa, sic pudica, sic continens. Rore pascitur apis, nescit concubitus, mella componit. Ros quoque Virgini est sermo diuinus, quia sicut ros verba Dei descendunt. Pudor virginis est intemerata natura: partus virginis, foetus laborum, expers amaritudinis, fertilis suauitatis. In commune labor, communis est fructus. Quam te velim filia imitatricem esse huius apiculæ, cui cibus flos est, ore soboles legitur, ore componitur. Hanc imitare tu filia. Verba tua nullum doli velamen obtendant. nullum habeant fraudis inuolucrum: ut & puritatem habeant, & plena sint grauitatis. Meritorum quoque tuorum tibi æterna posteritas tuo ore parlatur, nec soli tibi, sed etiam pluribus congreges. Quid scis enim, quando à te anima tua reposcatur?  
ne

Prouer. 16.

Cant. 9.

Psalm. 118.

ne receptacula horreorum frumentis coar-  
 ceruata dimittēs, nec vitæ tuæ vsui futura,  
 nec meritis rapiaris eò, quò thesaurũ tuum  
 ferre non possis. Diues igitur esto, sed pau-  
 per: vt naturæ tuæ participes, participes  
 sint etiam facultatum. Fauus, inquit, dis-  
 stillans, labia tua Sponsa. Quid sit fauus, do-  
 ce nos Salomon. Tu enim dixisti, Fauis mella  
 lis, sermones boni. Et verè bonus fauus,  
 quem manducat Ecclesia, multorum pro-  
 phetarum velut apũ spiritali vbertate con-  
 gesta mella redolentem. Hoc est mel de quo  
 ait: Manducaui panem meum cum melle  
 meo. Stillant mel labia prædicantis, quando  
 collisa duris casibus vel ruinis lapsæ animæ  
 membra refouētur. Fauũ distillat labia tua  
 Sponsa, mel & lac sub lingua tua: os enim  
 iusti distillat Sapientiam, de ore iusti  
 suauitatis & misericordiæ mella proces-  
 dunt. In ore iusti nullus dolus, nulla fallas-  
 cia, nulla amaritudo peccati. Audit Ec-  
 clesia verba iusti, audit plebs Dei verba Sa-  
 pientis, delectatur alloqui suauitate, mora-  
 lis disputationis toconditate mulcetur, dis-  
 cens: Quàm dulcia faucibus meis eloquia  
 tua, super mel & fauum ori meo: quia mel  
 apum ad horam delectat, sed cito sapor eius  
 vanescit, & plerunque viscera vitiosa læ-  
 duntur



duntur : verborum autem moralium & si  
 pugnant mella, non lædunt . Cognosce tas  
 men cui illa credantur. Scriptum est enim: Prover. 23.  
 In aurem insipientis nihil dicas, ne quando  
 irrideat prudentes sermones tuos . Euomet  
 enim & eiiciet sermonem tuum stultus, qui  
 eius sentire non potest suauitatem . Quo  
 modo possunt verba Dei dulcia esse in fau  
 cibis tuis, in quibus est amaritudo nequitiæ?  
 Quomodo mel & lac sub lingua tua, cum  
 dolum lingua tua componat, vt aliud pecto  
 re concipias, aliud forensi sermone præten  
 das, vt decipias incautum, cum tibi Petrus 1. Pet. 2.  
 apostolus dicat, vt deponas omnem maliti  
 am, & fucum simulationis abijcias, dicens:  
 Sicut dudum geniti infantes, rationabile &  
 sine dolo lac concupiscite ! Ostendit enim  
 nobis, quid sit lac & mel habere sub lingua,  
 vt non maledicere maledicentibus, sed re  
 ferre benedictionem norimus : nesciamus  
 odisse nisi viam iniquitatis, vt facere quod  
 execramur, reluctanti caueamus affectu.

**H**ortus conclusus, soror mea Sponsa, hortus Lib. 1. de  
 conclusus, fons signatus. ] virginibus

Hortus, inquit, conclusus, fons signatus,  
 eò quod in hortis huiusmodi impressa sig  
 naculis imago Dei, synceri fontis vnda re  
 splendeat, nec volutabris spiritalium bestia  
 rum

rum sparsa cæno fluentia turbentur. Hinc ille murali septus spiritu pudor clauditur, ne pateat ad rapinam. Itaq; sicut hortus furibus inaccessus vitem redolet, fragrat oleam, rosam renidet: ut in vite religio, in olea pax, in rosa pudor sacratæ virginitatis inoleseat. Hic est odor, quem patriarcha Iacob fragrauit, quando meruit audire: Ecce odor filij mei, sicut odor agri pleni, Nam licet plenus omnibus ferè fructibus patriarchæ sancti fuerit ager, ille tamen fruges maiore virtutis labore generauit, hic flores. Accingere itaq; virgo, & si vis huiusmodi tibi ut hortus aspiret, prophetiis eû claudere præceptis. Pone custodiam ori tuo, & ostium circumitus labijs tuis.

Gen. 27.

Psal. 140.

Lib. de bono mortis,

Epist. 42.  
ad Sabi-  
num,

Hortus cōclusus, soror mea Sponsa, fons signatus. Hortus cōclusus, ne incursetur à bestiis: fons signatus, quæ integritate signaculi perseverante, quæ fide propria peccata diluerit. Nā quæ de ecclesia accepit, habet quod ad virginitatis gratiā referat: eò quod in paradiso delectationis posita, sine labore capiat fructus spirituales. Quæ meritò fons signatus dicitur, eò quod imago in illa Dei inuisibilis exprimitur. Hortus conclusus, soror mea sponsa. Salomō in spiritu paradysum in homine esse euidenter declarauit. Et quia mysteria



myſteria exprimit, vel animæ & verbi: vel  
Chriſti & eccleſiæ: ideo ait de virgine anima  
vel eccleſia, quam volebat virginem caſtam  
exhibere Chriſto, Paradifus clauſus, ſoror  
mea ſpōſa etc. Paradifus Græcè, Latine horti  
tus dicitur. Denique Suſanna in paradifo erat,  
& ſic legitur Latine, & Adā in paradifo erat,  
& ſic legimus. Ergo non te moueat, quod  
alii codices Latini hortum habent, alii pa  
radifum. Ibi eſt ergo & caſta coniunx, ubi  
& virgo: licet virgo excepta habeat clauſtra  
& ſignacula ſua: ſed tamen vtraque in pa  
radifo: vt aduerſus æſtus corporis & car  
nis flagrantiam refrigeretur virtutum ob  
umbraculis. Hortus concludus, ſoror  
mea. Homo quanto plures ſenſus oculo  
rum auriumque habet, tanto maiora pericu  
la. Itaque caue, ne vigor mentis tuæ coitu  
quodā corporeæ voluptatis inflexus emol  
liatur, atque in eius amplexus omnis reſolu  
uatur, & fontem eius aperiat, qui debet  
eſſe clauſus, & ſeptus intentionis ſtudio, &  
conſideratione rationis. Namque reſoluto  
mentis vigore, ſenſim ſe corporales delecta  
tiones effundunt, pernicioſæ nimis, & in ap  
petentiam plenam grauis periculi proruen  
tes, quas ſi mentis viuidæ conſiderata man  
ſiſſet cuſtodia, refrenaffet. Hortus cōcludus,  
ſoror

Lib. de  
Iſaac.

Lib. de Sa-  
cramentis.

soror mea sponsa. Hac re significat, si-  
gnatum apud te debere manere mysterium:  
ne violetur operibus malæ vitæ atque ad-  
ulterio castitatis: ne diuulgetur, quibus non  
conuenit, ne garrula loquacitate dispergan-  
tur in perfides. Bona ergo debet fidei tuæ  
esse custodia, vt intemerata vitæ ac silentij  
integritas perseueret: & ne securis & otio-  
sis affectibus blanda concilia tricula volu-  
ptatis irrepāt illecebra. Hortus conclu-

Li. de Vir-  
ginibus.

sus, soror mea sponsa. Clausus nimis  
rum, ne facile aperiat os suum, ne vulgari  
designet alloquio, neque enim de ipsis diu-  
nis decet, nisi verbo Dei interpellata respō-  
deas. Quid tibi cum cæteris? Soli Christo  
loquere, soli Christo fabulare. Si enim mu-  
lieres in Ecclesia taceant, quanto magis non  
debet patere Virginis ianuam: non decet pa-  
tere viduæ fores! Cito insidiator pudoris  
obrepit, cito verbum excidit quod reuocare  
desideres. Si Euæ clausa ianua fuisset, nec  
Adam deceptus fuisset, nec respondisset in-  
terrogata Serpenti. Introiuit mors per fene-  
stram, hoc est, per Euæ ostium. Ingreditur  
mors per ostium tuum, si falsum loquaris,  
si turpiter, si procaciter: postremo, si ubi  
non oportet, loquaris. Clausæ sint igitur  
fores labiorum tuorum, & obseratum ma-

neat



neat vocis vestibulum: tunc fortasse referu-  
uandum, cum audieris Dei vocem, cum au-  
dieris Dei verbum. Hortus conclusus,  
soror mea Sponsa, fons signatus, propterea  
quod meliores adferat fructus, claustro pu-  
doris septa Virginitas, in qua permaneant  
intemerata signacula castitatis. Hunc hor-  
tum sanctæ virgines, hunc fontem ser-  
uate puri liquoris, vt eum in vobis nemo  
perturbet, nemo resignet, quem genitalis in  
vobis origo signauit.

Hortus clausus, soror mea Sponsa, hor-  
tus clausus, fons signatus. Christus hoc di-  
cit ad Ecclesiam, quam vult esse virginem  
sine macula, sine ruga. Bonus hortus, virgi-  
nitas, quæ plurimos boni ferat fructus odo-  
ris. Hortus clausus, quia vndique vallata est  
muro castitatis. Fons signatus, eò quod vir-  
ginitas sit fons & origo pudicitiae, quæ  
inuiolata custodiat integritatis signacula:  
in quo fonte imago Dei luceat: quia cum  
munditia corporis congruit etiam puritas  
simplicitatis. Habet ergo murum suum  
Virginitas, aduersus mundi huius turbu-  
lones, & ideo septo diuinæ munita pro-  
tectionis, nullis seculi flabris inquietatur.  
Sequitur,

Epistola 82a

I

Emisc

**E** Missionestuae, paradysus malorum punico-  
rum cum fructu pomorum. Cyprus cum  
nardo, nardus & crocus, fistula & cynamomum,  
cum vniuersis lignis Libani: myrrha & aloe, cum  
omnibus primis vnguentis.]

Lib. de  
Isaac.

... florib.

Laudatur munera animę, quę missa sunt  
illi à spōso, quibus dotata veniebat. Dos au-  
tē pię animę, boni odores sunt, myrra et aloe,  
quibus spirat hortorū gratia, & peccatorum  
foetor aboletur. Itaq; tāto secura præconio  
cōqescere Aquilonē grauē vētū petit, ne flo-  
res decutiat: spirare Austrū, hoc est, vult hye-  
mē præterire, & mollioris flatus vernare tem-  
perie. Inuitat spōsum in hortū suū. Descen-  
dit sponsus, & fructuū eius diuersitate dele-  
ctatus, lætatur quod inuenerit fortiorē cibū,  
inuenit etiā dulciore. Est enim velut panis  
quidā verbi & mel: alius vehementior, alius  
suauior sermo. Est et fides, alia feruentior, vt  
vinū, alia lucidior, vt succus est lactis, Hunc  
cibum Christus epulatur in nobis, hoc po-  
culum bibit, & eius potus ebrietate nos  
prouocat, vt ad meliora & optima ab infe-  
rioribus faciamus excessum. Pulcherrimę  
ergo & ditissimę sunt sponsę dotes, quas  
à Sponso accepit: tales nimirum, quę &  
suauissimam de ipsa bonę famę odorem  
dispergerent, & illam ab omni fœdæ  
collus



colluulonis corruptione integram conser-  
uarent. Fistula enim & cynamomum ad sua-  
uitatem odoris, myrrha & aloe ad integritate  
tem corporis pertinent.

**F**ons horrorum, puteus aquarum viuentium,  
quæ fluunt impetu de Libano.]

Lib. de bo-  
no mortis.

Tres puteos fodit Iacob, quos Salomon  
ita interpretatus est, vt ad moralem doctrinam  
& naturalem referret, & mysticam. Nam &  
in Prouerbijs cum declinandam speciem  
doceret secularis illecebræ, ait: Bibe aquam de  
tuis vasis, & de puteorum tuorum fontibus, &  
superfluant tibi aquæ de tuo fonte. Et in-  
fra: Fons aquæ tuæ sit tibi proprius, & io-  
cundare cum vxore: eo quod aduersum  
tentamenta mundi remedium nobis vera  
sit sapientia. Moralis quoque doctrina, quæ  
imaginem mundanæ voluptatis, meretricijs  
quibusdam illitam fucis, irriguo suo diluat,  
& fluente sui fontis abstergat. De natura  
libus quoque habes in Ecclesiasticæ di-  
ctum: Feci mihi piscinas aquarum, ad irrigan-  
dum ex his saltum germinantem. Neque te  
moueat, quod pro puteo piscinas posuit,  
quia & Moyses puteum latitudinis dixit,  
eo quod sollicitudine omni & angustijs ab-  
soluitur, qui mundum hunc pia mente transcen-  
derit. Non immerito ergo piscinas habet

Prouer. 5.

Eccle. 2.

Ecclesiastes, qui nullam vidit abundantiam  
esse sub sole: sed si quis abundare velit, abun-  
det in Christo. De mysticis puteus superest  
nobis: quem etiam ipsum reperimus in can-  
ticis canticorum, dicente scriptura: Fons  
hortorum, puteus aquæ viuæ, & impetu de-  
scendens à Libano. Etenim si mysteriorum  
altitudinem persequaris, puteus tibi videtur  
tanquam in profundo sita mystica esse Sa-  
pientia. Si verò haurire velis affluentiam  
charitatis, quæ maior & vberior est quàm  
fides & spes, tunc tibi fons est. Exuberat  
enim charitas, ut & haurire eam cominus,  
& rigare hortum tuum possis, spiritualibus  
fructibus redundantem. Et quia ipse puteus  
latitudinis est, qui charitatem habet, ideo di-  
xit, quia ubi charitas est, ibi impetus ma-  
gnus descendit à Libano. Ne quid autem  
moueat, quod & puteum eundem & fontem  
dixit, etiam Euangelium te instruat, in quo  
scriptum est, quia Iesus venit in ciuitatem  
Samaritæ, quæ dicitur Sichar, iuxta præ-  
dium quod dedit Iacob filio suo Ioseph.  
Erat autem ibi fons Iacob. Et fatigatus, in-  
quit, sedebat sic super puteum. Vnde ad  
mysticam doctrinam hunc referri puteum  
cognoscimus etiam ibi, quia ibi Samaritanæ,  
id est, custos, custos autem cælestium præ-  
ceptorum



ceptorum, hausit de puteo illo diuina mysteria, cognoscens quia Deus spiritus est, & non in loco adoratur, sed in spiritu, & quia Messyas venit, qui Christus est. Fons hortorum, puteus aquæ viuæ, & impetu descendens à Libano.

In psal. 118.  
ser. 17.

Hos impetus Ecclesia deduxit à Libano, hoc impetu diluuntur peccata, hoc impetu puri fontis spiritus sancti affluit à Libano Sponsa, & à principio fidei transiuit seculum, & pertransiuit ad regnum. Alijs fons est, alijs puteus, pro captu nostro, gratia spiritalis, alijs hortus clausus, fons signatus, alijs hortorum fons, qui in Ecclesiæ dote numeratur, alijs impetus descendens à Libano, & magnus impetus, qui nunquam deficit. Non enim deficiunt de petra vbera, neque nix à Libano, neque aqua quæ fertur valido vento. Virgini Hierusalem descendit impetus à Libano, quando collectis in vnum Apostolis & plurimis credentibus, factus est subito sonus de cælo, tanquam vi magna spiritus ferretur, & repleti sunt omnes spiritu sancto, diuersitates donante linguarum. Bonus impetus, qui lædere nesciat, norit implere. Si quis igitur hunc impetum suæ peruenientis è cælo gratiæ vult mereri, descendat etiam ipse oculis in decursus

Hier. 18.

I iij

aquarum,

Libro de  
Nathue.

aquarum. Puteus, inquit, aquarum viuentium. Puteus si nihil haurias inerti otio & degeneri situ facile corrumpitur, exercitus autem nitescit ad speciem, dulcescit ad potum, Ita & aceruus diuitiarum, cumulo arenosus, speciosus est vsu, otio autem inutilis habetur. Deseruiato igitur aliquid de hoc puteo, ignem ardentem restingue, quia eleemosyna resistit peccatis. Aqua statua cito vermes facit. Non stet thesaurus tuus, ne ignis tuus stet. Stabit autem in te, nisi eum operibus tuæ miserationis auerte-  
ris. Puteus aquæ viuæ. Quid est puteus aquæ viuæ, nisi profundæ altitudo doctrinæ? Vnde & Agar ad puteum angelum vidit, & Iacob ad puteum. Rachel sibi inuenit vxorem. Moyse quoque secus puteum futuri locauit merita prima coniugij.

Li. de Isaac.

**S**Urge Aquilo, & veni Auster, perfla hortum meum, & defluant vnguenta mea.]

Audisti Christi sponsa, quia placet ei tuarum pulchritudo virtutū: audisti, quia vestimentorum tuorum aromata, hoc est, bonum odorē integritatis omnibus odoribus prætulit: audisti, quia hortus es clausus suauium pomiferarū refertus frugibus, pete  
igitur



Igitur, vt adspiret tibi spiritus sanctus, adspiret super cubile tuū, atq; odorē piæ mētis & gratiæ spiritualis accumulet. Excita Spiritum sanctum, dicens: Exurge Aquilo, & veni Auster, perfla hortum meum, & perfluant aromata mea. Spiritus enim sanctus terræ fertili atq; fecundæ animæ salutaris, sicut ventus Auster aspirare cōsuevit. Huic In psal. 1. vento dicitur in Canticis: Veni Auster, vt clementia aeris mollioris cordis nostri arua laxentur, quæ brumali gelu stricta recipientis gremium seminibus denegabant. Bonum est, nobis vt hic ventus aspires, qui naues Tharsis ferentes vero Salomoni quæ ad templum eius necessaria videntur, tutos deducat in portus. Sed tunc iste ventus adspirat, si Boreas ille grauis ventus flare desierit. Ideo vel Ecclesia vel anima pia dicit: Exurge Borea, & veni Auster: hoc est, tu Borea recede, & veni Auster, adspira hortum meum, vt flores non discutias, sed reserues. Anima igitur plena pietatis hortum habet, vel ipsa hortus est, qui fructus ferat.

Anima quæ impletati pater puluerem Tractatu in psal. 118. habet, qui est infœcundus ad fructum.

Surge Aquilo, & veni Auster. Plerique hæc ita accipiunt, quasi proijciatur Aquilo & inuictetur Auster.

I illj Quod

Eph. 5.

Matt. 23.

Quod si ita accipiunt, exturbatur ab Ecclesia perfidiae glacialis asperitas, ne fiat fuga nostra hyeme, vel sabbato, & inuitatur australis verna temperies. Aut certe, exurge Aquilo, hoc est, exurge qui dormis, exurge à mortuis populis nationum, qui diu ante dormisti, euigila aliquando, & illucescet tibi Christus. Postremo omnes inuitantur ad Ecclesiam, & Synagogae populus & Gentilium: sed prius Synagogae, quia priores ex Iudaeis apostoli crediderunt, & per ipsos postea nationum populi congregati sunt. Vide ergo venientem solem nostrum ad Austrum, postea gyrantem ad Aquilonem. Hierusalem, Hierusalem. Venit utique ad eam, quam etiam vocare dignatus est. Sed haec Hierusalem terrena est, quae occidit prophetas, hoc est, Synagoga Iudaeorum. Quotiens, inquit, volui congregare filios tuos, sicut gallina pullos suos, & noluisti. Ecce relinquetur vobis domus vestra deserta. Gyrauit igitur ad Gentes: gyRANDO autem gyrauit spiritus Dei, & in gyrum suum conuersus est, ut fieret Deus omnia in omnibus.

Caput quintum.

Veniat



**V**eniat dilectus meus in hortum meum,  
& comedat fructum pomorum suorum.

Hortus Verbi, animæ vernantis  
affectus est. Hinc hortum illum sibi Plato  
composuit, quem hortum Iouis alibi, alibi  
hortum mentis appellat. Iouem enim &  
mentem, & Deum totius mundi dixit, in  
hunc introisse animam, quam Venerem  
nuncupat, ut se abundantia & diuitijs hor-  
ti repleret, in quo repletus potu iaceret  
Porus, purum qui nectar effunderet. Hoc  
igitur ex libro Canticorum composuit:  
eo quod anima Deo adhærens, in hortum  
mentis ingressa sit, in quo esse abundan-  
tia diuersarum virtutum, floresque sermo-  
num. Quis autem ignorat, quod ex para-  
diso illo, quem legimus in Genesi, habente Gen. 2.  
lignum vitæ, & lignum scientiæ boni &  
mali, & ligna cætera, abundantiam vir-  
tutum putauerit transferendam, & in  
horto mentis esse plantandam? Quan-  
tò hoc pulchrius, quod anima ornata  
virtutum floribus hortus sit, vel in se ha-  
beat paradisum germinantem? In quem hor-  
tum inuitat verbum Dei descendere: ut  
anima illa verbi imbre cælestis, & eius co-  
pijs irrigata fructificet. Verbum autem Dei  
pascitur animæ virtutibus, quotiens animā  
obea

obedientem sibi & optimam inuenerit, & carpit fructus eius, & his delectatur. Quum autem descenderit in eam Verbum Dei, defluunt ex ea salubriũ vnguenta verborum, & diuersarum fragrant longè lateque redolentia gratiarum spiramina. Descendat, ait, frater meus in hortum suum, vt edat fructum pomiferarum suarum.

Lib. de Sa-  
gramentis.

Li. 3. de vir-  
ginibus

Nume. 17.

Bonas arbores & fructiferas habet, quæ radices suas tinxerint in sacri fontis irriguo, & in bonos fructus nouæ fœcunditatis germine pullulauerint: vt non iam prophetica excidantur securi, sed euangelica vbertate fœcundentur. Sed quæ sunt istæ pomiferæ? Lignum aridum factus eras in Adam, sed nunc per gratiam Christi pomifera arbor pullulas. Inuitatur vero Dei verbum in hortum pomiferarum, vel in hortum nucleis, in quo fructus propheticæ lectionis, & sacerdotalis est gratia: quæ amara in tentationibus, dura in laboribus, in virtutibus interioribus est fructuosa. Vnde etiam virga Aaron nucea floruit, non iam virtute sua, sed virtute secreta. Descendat ergo in hortum suum, vt vindemiet fidem, capiat odores, pabulũ cæleste reperiat, suauitatem nostri mellis epuletur, dicens: Vindemiauit myrrham meam cum aromatibus meis,

manus



manducaui panem meum cum melle meo.  
Quod diuersarum virtutum concretum  
floribus, illarum apum, quæ Sapientiam  
prædicant, consono ore congregatum, sana  
cta Ecclesia in fauis condit, vt cibus sit Chris  
sti. Omnia enim habemus in Christo.  
Omnis ergo anima accedat ad Christum,  
siue corporalibus ægra peccatis, siue clauis  
quibusdam secularis cupiditatis infixis, si  
ue imperfecta adhuc quidem, sed intenta ta  
men meditatione proficiens, siue multis  
aliqua sit iam perfecta virtutibus, omnis in  
Domini potestate est, & omnia Christus in  
nobis. Si vulnus curare desideras, medicus  
est: si febribus æstuas, fons est: si grauaris  
iniquitate, iustitia est: si auxilio in  
diges, virtus est: si mortem times, vita  
est: si cælum desideras, via est: si tenebras  
fugis, lux est: si cibum quæris, alimen  
tum est. Bene ergo dicit, Descendat  
frater meus in hortum suum, & come  
dat fructū pomiferarum suarū. Sequitur:

**V**eni in hortum soror mea Sponsa: vindemia  
ui myrrham cum vnguentis meis.

Quæ est ista vindemia? Cognoscite vineā,  
& agnoscite vindemiā. Vineam, inquit, ex  
Aegypto transtulisti, hoc est, populum Dei.  
Vos estis vindemia: quasi vinea plantati,  
quasi

Lib. 9. in  
Lucam.

quasi vindemia fructum dedistis. Vineae typus noster est: quod populus de vitis aeternae radice fundatus, supereminet terris, ac solum viride praetextens, nunc gemmante flore pubescit, nunc circumfusa viriditate vestitur, nunc mite iugum suscipit, cum maturioribus brachijs quasi sarmentis foecundae vitis adoleuerit. Agricola quippe omnipotens Pater, vitis Christus est, at verò nos palmites: qui nisi fructum feramus in Christo, cultoris aeterni falce succidimur. Rectè igitur vinea Christi populus nominatur: vel quòd crucis in fronte praetextat indicium, vel quòd fructus eius postrema anni legatur aetate, vel quòd omnibus ut ordinibus vinearum, ita pauperibus atque diuitibus, humilibus atque potentibus, seruis ac dominis, in Ecclesia Dei aequa dimensio, nulla discretio sit. Sed animaduertendum, quod dicit vindemiassè se myrrham, nimirum amaram Christi passionem, & sepulturam ipsius, ut consepultus cum illo per baptismum in mortem, quemadmodum surrexit ille à mortuis, ita & tu quoque in vitae nouitatem resurgas.

**M**Anducaui panem meum cum melle meo,  
bibi vinum meum cum lacte meo.

**N**e



Ne verearis, ne in conuulso Ecclesiæ  
 aut grati odores, aut dulces cibi, aut di-  
 uersi potus, aut conuiuæ nobiles desint,  
 aut decentes ministri. Quid Christo no-  
 bilius? qui in conuiuio Ecclesiæ & ministrat,  
 & ministratur ei. Istius conuiuæ recum-  
 bentis adnecte te lateri, ac te Deo con-  
 iunge, Ne fastidias mensam, quam Chris-  
 tus elegit, dicens: Introiui in hortum  
 meum soror mea Sponsa, vindemiaui  
 myrrham cum aromatibus meis: man-  
 ducaui panem meum cum lacte meo, bibi  
 vinum cum lacte meo. In horto, hoc  
 est, in paradiso est conuiuium Ecclesiæ,  
 vbi prius erat Adam, quàm peccatum com-  
 mitteret: ibi recumbebat Eua, priusquam  
 culpam crearet ac pareret. Ibi mandu-  
 cabis panem; qui confirmat cor homi-  
 nis: mel gustabis, quo tuarum faucium  
 dulcescat meatus. Vinum bibes cum  
 lacte, hoc est, cum decore & sincerita-  
 te: siue quod meri pura simplicitas sit,  
 siue quod immaculata gratia, quæ in  
 remissionem sumitur peccatorum, siue  
 quod paruulos consolationis suæ la-  
 cter vberibus, vt ablactati in delicijs, in  
 plenitudinem perfectæ adulescant æta-  
 tis.

Lib. 1. de  
 Cain &  
 Abel.

Edite

**E**Dite proximi mei, & bibite, & inebriamini.  
 Vis manducare? vis bibere? Veni  
 ad conuiuium Sapientiae, quae inuitat om-  
 nes cum magna praedicatione, dicens: Veni-  
 te & edite panes meos, & bibite vinum  
 quod miscui vobis. Delectant cantica, quae  
 epulantem demulceant? Audi hortantem,  
 audi canentem Ecclesiam: Manducate pro-  
 ximi mei & bibite, & inebriamini patres  
 mei. Sed haec ebrietas sobrios facit, haec  
 ebrietas gratiae, non temulenta est: laetitiam  
 generat, non titubantiam. Haec ebrietas pu-  
 dicitiae custos est: illa vini ebrietas fomes est  
 libidinis, quo per carnes vaporantur interna  
 viscera, animus ignescit, exurit anima.  
 Vnde & Apostolus ait: Nolite inebriari à  
 vino, sed adimpleamini Spiritu sancto. Vi-  
 no enim qui inebriatur, vacillat & titubatur.  
 Spiritu qui inebriatur, radicans in Christo  
 est. Et ideo praecleara est ebrietas, quae so-  
 brietatem mentis operatur, bonaq; ebrietas,  
 quae ad meliora atque iocunda facit: quens-  
 dam mentis excessum: ut immemor sollici-  
 tudinum animus noster vino iocunditatis  
 hilaretur. Deniq; poculum inebrians quam  
 praeclearum. Sed & alibi habes: Riuos eius  
 inebria, multiplica generationes eius, eo  
 quod ebrietas terrae cum infusa fuerit ima-  
 bre

Eph. 5.

In psal. 128.  
 ser. 12.

Psal. 22.  
 Ibid. 54.



bre cælesti, suscitare semina, fructus multiplicare consuevit. Itaque Verbum Dei quod sicut pluuia descendit de cælo, ubi venas terræ nostræ, vel animæ, vel mentis inebriauit, prædicatione diuina excitauit virtutum studia diuersarum, fructusque fidei, & castæ deuotionis adoleuit. Meritoque dicitur ei. Visitasti terram, & inebriasti eam. Susceptione etenim corporis visitauit, vt sanaret infirmos, inebriauit gratia spiritali, vt anxios iocunditate mulceret.

**E**go dormio, & cor meum vigilat.

Postquam hausit ebrietatem mysteriorum cælestium, veluti soporata à vino, & quasi in excessu & stupore posita dicit. Ego dormio, & cor meum vigilat. Est enim Sanctorum somnus etiam operarius, secundum quod Iacob sanctus diuina dormiens videbat mysteria, quæ vigilans non viderat, de cælo ad terras aerem peritum Sanctis, respicientem Dominum, & pollicentem terræ eius possessionem. Itaque breui somno dormiens impetrauit, quod magno postea labore adquisiuit. Hæreditas enim eius est somnus Sanctorum, feriatu ab omnibus corporis voluptatibus, ab omni animi perturbatione, tranquillitatem menti inuehens, placiditatem animæ adducens, vt tanquam

Epistola ad  
Anyfium.  
Gen. 28.

Psal. 131.

Lib. de  
Isaac pa-  
triarcha.

quam soluta nexu corporis se abluet, & Christo adhæreat. Hic est somnus vitæ Sanctorum. Dormiat ergo caro tua, vigilet fides: dormiant illecebræ corporis, vigilet prudentia cordis. Perfectus enim non dormitat, qui diuinis animum intendit mysterijs. Idcirco Dauid: Si dederò somnum oculis meis, & palpebris meis dormitationē. **V**ox dilecti pulsantis. Aperi mihi Soror mea. Quod si dormias, si modò deuotionem animæ tuæ nouerit Christus, venit & pulsat ianuam, & dicit: Aperi mihi soror mea. Bene soror: quia nuptiæ spirituales sunt Verbi & Animæ. Neque enim animæ norunt coniugiorum fœdera & usus copulæ corporalis, sed sunt sicut Angeli in cælo. Aperi, inquit, mihi, sed non extraneis, claude seculo, claude mundo. Neque ipsa foras ad illa materialia prodeas, neque relinquens lumen tuum, alienum requiras: quia materiale lumen tenebrosam infundit caliginem, vt non videatur lumen veræ gloriæ. Aperi ergo mihi, noli aperire aduersario, neque des locum diabolo. Aperi ipsam te mihi, noli coartari, sed dilatare, & adimplebo. Et quia decurso orbem terrarum plus molestiarum & offensionis reperi, nec facile habui, vbi res quies-



quiescerem, ideo tu aperi, vt in te filius  
hominis reclinet caput, cui non est res Luc. 9.  
quies, nisi super humilem & mansuetum.

Disce item hic o sponsa Christi Lib. de vir-  
ginitate  
tertio. ianuam tuam temporibus obserare nocturnis, non facile quisquam patentem reperiat: Sponsus ipse vult clausam esse dum pulsatur, Ianua nostra, os nostrum est. Christo propemodum soli debet aperiri: nec aperitur nisi ante pulsauerit Dei verbum. Est ianua quam vult patere, vt aperiatur: vt resonet os tuum laudem Domini, gratiam Sponsi, crucis confessionem, cum symbolum recenset, psalmos in cubiculo tuo concinns. Ipsa est anima, quæ se Christo aperit, quam nulli vapores carnis exagitant, quam nullæ illecebræ mundi corumpunt. Vult enim te omnibus inuigilare momentis, vult ianuam mentis tuæ semper inuenire patentem.

**A**peri mihi soror mea Sponsa, columba mea, perfecta mea: quia caput meum repletum est rore, & crines mei guttis noctis.

Considera quando maxime pulset ianuam tuam Dei verbum. Cum repletum est caput eius rore nocturno. In tribulatione enim & tentatione positos visitare dignatur, ne quis forte succumbat,

**K** victus

victus erumnis. Repletur ergo caput eius  
 rore, vel guttis, quando corpus eius laborat.  
 Tunc ergo vigilandum, ne cum venerit  
 Sponsus, recedat exclusus. Si enim dormias,  
 & cor tuum non vigilet, discedit antequam  
 pulset: si verò cor tuum vigilet, pulsat, &  
 aperiri sibi ianuam poscit. Habemus ergo  
 animæ nostræ ianuam, habemus & portas,  
 de quibus dictum est: Tollite portas prin-  
 cipes vestras, & eleuamini portæ æternales,  
 & introibit rex gloriæ. Est ergo & cælum  
 in his, in quibus portæ sunt æternales. Si  
 has fidei tuæ portas velis attollere intras-  
 bit ad te rex gloriæ, triumphum portans  
 propriæ passionis. Habet etiam iustitia  
 portas. Nam etiam de his legimus scriptum,  
 dicente Domino Iesu per prophetam suum:  
 Aperite mihi portas iustitiæ. Et infra ait  
 propheta Dauid: Lauda Hierusalem Do-  
 minum, lauda Deum tuum Sion: quon-  
 niam confortauit seras portarum tuarum.  
 Est ergo anima, quæ habet ianuam, est quæ  
 habet portas. Ad hanc ianuam venit Chris-  
 stus, & pulsat: pulsat & portas. Aperi ergo  
 illi, Vult introire, vult sponsam inuenire  
 vigilantem. Noli bono amatori facere mor-  
 ras. Cito recedit, & tu somno torporis tu  
 videris exclusisse pulsantem. Excludis eum  
 cum

Psal. 117.

Psal. 117.

Psal. 147.



cum desidiosus es, cum piger, cum somno  
lentus. His repagulis Christus excluditur. Et  
si castus, & si sobrius sis, caue ne sis negligēs.  
Maiorem Christo facit iniuriam, qui adue-  
nientem repellit.

**Q**uia caput, inquit, meum plenum est rore. Lib. de  
virginibus.  
Sicut ros cæli nocturnas amouet sic  
citates, ita ros Domini nostri Iesu Christi  
nocturnis & secularibus tenebris æternæ  
vitæ stillauit humorem. Hoc est caput, quod  
æstu mûdi nesciuit arescere. Vnde ait: Quia Luc. 23  
si in humido hæc faciunt, in arido quid fiet?  
Hoc igitur caput rorat alijs, sibi abundat.  
Et bene abundat caput Christi, quia caput  
tuum Christus est, qui plenus est semper,  
nec liberalitatibus suis exhauritur, aut diu-  
turna deficit largitate, in hoc caput ferrum  
non ascendit, quod est instrumentum belli,  
in signe discordiæ. Nunc vide & specta, ros  
ille qualis sit, scilicet nō vulgaris humoris.

Cincinnati autem sunt in eo guttarum no-  
tis. Noli proxima mea accipere cincinnos  
corporalium capillorum. Non illa ornamē-  
ta, sed crimina sunt, lenocinia formæ, non  
præcepta virtutis. Alios cincinnos Nazareus Iud. 16  
habet, in quibus ferrū nō ascēdit, quos nemo  
præcidit: qui nō calamistris compositi, & arte  
digessi, sed multiplices crispantes virtutum

nitentium gratia refulserunt. Disce in historia  
 quales Nazareus cincinnos habeat: quos  
 quàm diu Samson habuit intactos, nunquàm  
 vinci potuit: cincinnos perdidit, & meritum  
 virtutis amisit. Pulchrè autem hic ca-

Lib. Hexæ-  
 meron 6.

pillorum meminit. Quàm est enim speciosa  
 cæsaries! Quàm reuerenda in senibus! quàm  
 veneranda in Sacerdotibus! quàm terribilis  
 in bellatoribus! quàm decora in adolescen-  
 tibus! quàm compta in mulieribus! quàm  
 dulcis in pueris! Alium sexum crinita non  
 decet, alium tonsa non decet. Ex arboribus  
 licet æstimare, quæ sit humani gratia capi-  
 tis. In capite arboris omnis est fructus, ibi  
 omnis est pulchritudo: illius coma nos aut à  
 pluuijs tegit, aut defendit à Sole. Tolle  
 arbori comam, tota ingrata est arbor. Quàto  
 igitur maior humani capitis ornatus, qui  
 cerebrum nostrum, hoc est, sedem originèq;  
 nostrorum sensuum capillis capitis munit  
 & vestit, ne aut frigore vexetur, aut æstu! Il-  
 lic enim fons vniuersorū est: & ideo vbi iniu-  
 ria nocet, ibi gratia præminet. Dicit ergo spō-  
 sus crines suos nocturno rore esse per fusos,  
 quando ij qui fide & amore capiti suo Chri-  
 sto adhærent, peccati tenebras patiuntur, &  
 persequentibus exagitati, tãquam nocturno  
 rore madescunt.

Sequitur.

Exul



EXuitunicam meam, quomodo induam illam? Laui pedes meos, quomodo inquino illos?

Quam tunicam exuerit, & non inuenit quemadmodum induat eam, de scripturis, si possumus reuelamus. Est enim quædam tunica corporalis, sunt quædam cupiditatum intexta velamina: & ideo interdum melius est nudum esse corpore, quam corde velatum. Vnde etiam Paulus nos admonet, expoliari multo esse melius, quam superuestiri, dicens alibi: Expoliantes vos vesterem hominem cum actibus suis, induite nouum, qui renouatur in agnitione, secundum imaginem eius qui creauit eum. Ergo quæ expoliata est, & pedes lotos habet, nescit quomodo inquinari possit, Obliviscitur enim per gratiam, quod hauserat per naturam.

Nocte, ait, exui me tunicam meam. Etenim in hac seculi nocte prius tibi corporalis vitæ amictus est exuendus. Exuit enim se carnem Dominus, ut pro te de dominationibus & potestatibus mundi istius triumpharet. Quomodo induam illam? Vide anima Deo deuota, quid dicat. Sic se actus corporis & terrenos exuit mores, ut nesciat, quomodo etiam si velit, rursus possit induere. Quomodo induam illam?

In apologia  
Dauid.

Coll. 3.

Li de virginibus. 3.

K in Hoc

Hoc est, qua verecundia! quo pudore! qua postremo memoria! Consuetudo enim boni, vsum veteris prauitatis amisit.

Li. de Isaac.

**E**Xui tunicam meam, quomodo induā illam? Veretur ne iterum in tentationes recidat, ne iterum in culpam redeat, atq; peccatum, & egressus suos virtutumq; processus terrenis incipiat vestigijs inquinare. Exui tunicam meam, quomodo induam illam? Exui tunicam pelliceam, quam acceperunt Adam & Eva post culpam, tunicam corruptelæ, tunicam passionum: quomodo induam illam? Non requirit vt induat, sed significat abiectam, vt iam sibi indumento esse non possit. Laui pedes meos, quomodo inquinabo illos? Hoc est, vestigia mea laui, dum egrederer, ac me eleuarem de corporis contubernio, de illa connexione & familiaritate carnalis cōplexus, quomodo inquinabo ea, vt in corporis claustrū, & illū tenebrosū passionū eius carcerē reuertātur. Iā enī nō sentit carnis exuuias, iā quasi spiritus exuēs se corporis cōiunctione, etiā si velit, illius meminisse nō potest. Bene ergo dicit ecclesia: Laui pedes meos, Nō dicit, quomodo iterū lauabo eos, sed quomodo iterū inquinabo illos? Quasi oblita maculæ veteris, oblita cōtagij. Admonet igitur in ministerio corporis

Lib. de Sacramentis.



corporali, quemadmodū spiritale debeamus  
actū nostrorū diluere vestigiū. Itaq; pedes cū  
semel laueris eterni fōtis irriguo, & mysterij  
mūdaueris sacramēto, caue iterū corporeæ  
cupiditatis illuīē, ne lutulēti actus sordibus  
Inquinētur. Isti sunt pedes, quos Dauid la-  
uit in spiritu, qui docet te, quēadmodū eos  
inquinare nō possis, dicēs: Stātes erāt pedes Psal. 121.  
nostri in atrijs Hierusalē. Vtiq; hic nō cor-  
poris, sed animę intellige pedes. Dicit ergo:  
Exui tunicā meā, quomodo induā illā? Ve-  
teris enim hominis indumētū vitij erroris  
intextū, in lauacri regeneratione depositū,  
nescit quomodo possit induere. Studio enī  
correctionis inoleuerat peccatorū obliuio.  
Tāta vis cōsummatę emēdationis est, vt in Etas pueri-  
tię spiritualis  
quādā redeat pueritię spiritualis statem, quæ  
vias erroris ignoret, crimen etiam si ve-  
lit non possit admittē, quia deserit vsum  
nosse peccandi.

**F**rater meus misit manum suam per prospe-  
ctum et venter meus conturbatus est super  
eū. Manus meæ distillauerunt myrrham, digiti  
mei myrrha pleni.]

Primum tanquam de prospectu mittit  
manum suam: nimirum quando Deus esse  
operibus æstimatur. Vnde ait: Si mihi non Tractatu  
In psal. 118.  
Ioan. 10.  
creditis, vel operibus credite.

Deinde  
augetur

augetur amor, & intimis visceribus concessus inolefcit: inde intelligibili vtero in quo est receptaculum verbi, seminibus eius infusus, plenitudinem eius corporaliter inhabitantem haurire anima nostra desiderat. Non enim turbatur vterus sceminarum, nisi quæ fuerint alio graues. Surgit ergo anima vt aperiat Dei verbo: sed dum se expandit atq; aperit, vt opera mundi huius verbi receptione mortificet, sicut ille qui ait: Mortificationem Domini nostri Iesu Christi in corpore nostro circūferimus, ergo dum aperit, dico, transit Sponsus. Vult ergo semper quæri, frequentius inueniri. Venter inquit meus turbatus est super illum.

2. Cor. 4.

Lib. de virginibus.

Bonum est vt ad aduentum Domini inter ora turbentur. Si ad aduentum angelus Maria turbata est, quanto magis nos ad Christi turbamur aduentum? Influentibus quippe diuinis corporeus peregrinatur affectus, & vsus ille exterioris hominis exolefcit. Et tu turbare, & tu festina. Festinantes agnum manducare præcipiuntur. Surge aperi, ad sanuam Christus est, vestibula domus tuæ pulsat: si aperueris, introibit, & introibit cum patre. Nec solum cum ingressus fuerit, mercedem relinquit, sed etiam priusquam ingrediatur, mercedem præmittit.

Adhuc



Adhuc anima turbatur, adhuc parietes domus suæ palpat, adhuc ostium quærit, vbi Christus est, adhuc soluit vinculum carnis & corporis claustrum, adhuc Christus foris pulsatur. Quæ est fenestra nostra vel prospectus, nisi per quem opera Christi videmus, oculus scilicet animi & mentis obtutus? Et ideo virgo per fenestram tuam introeat Christus, Christus mittat manum suam per fenestram: tibi verbi veniat, non corporis amor. Si igitur per fenestram tuam manum mittit Dei verbum, vide quemadmodum fenestras tuas præpares, vide quemadmodum ab omni puluere delictorum detergere debeas. Nihil tetrum habeat, nihil adulterinum fenestra Virginis: procul sitibium, & cæteras affectati nugas decoris, procul adulterini amoris illecebras. Similis aurium causa est: quibus non suspendenda onera, non figenda vulnera: sed vnus ornatus est, audire quod profit.

Li. 3. de virginibus.

Audi iam quid Sponsa dicat:

**S**urrexi aperire fratri meo. Manus meæ stillauerunt myrrham, digiti mei pleni myrrha super manus clausuræ.

ἐπὶ χεῖρας  
τῆς κλειδοῦ.

Surrexit, vt propius illud Dei verbum videret. Et in hoc ipso processus eius significatur: nimirum quod surrexit per vigorem

Li. de Isaac.

rem

Luc. 3.

rem atq; virtutem. Præsentia enim Verbi  
 hausit animæ virtutē, sicut præsentia Ma-  
 riæ cum vtero gravis esset, erudiuit Ioan-  
 nem in vtero constitutum, adeo vt exillret  
 in vtero & exultaret, Domini præsentiam  
 agnoscens. Surrexit ergo aperire, & manus  
 eius distillant myrrham, quia opera eius &  
 facta mortificata sunt mundo. Talis enim  
 debet esse anima, quæ verbum est receptu-  
 ra: vt moriatur mūdo, & cōsepeliatur Chri-  
 sto. Sic enim Christus inuenitur, & tale sibi  
 quærit hospitium.

ψυχή μου  
 ἐξήλθεν ἐν  
 λόγῳ αὐτοῦ

Heb. 4.

**A**nima mea exiuit in sermone eius.]  
 Merito, inquit, illum præsentem ha-  
 bere exposco: neque enim illius ad me con-  
 fabulatio est otiosa ac inutilis: sermo enim  
 ipsius est viuus & efficax, & penetrantior  
 omni gladio ancipiti, pertingens vsq; ad di-  
 uisionem animæ ac spiritus, compagum  
 quoq; ac medullarum, & discretor cogitati-  
 onum & intentionum cordis: & non est  
 vlla creatura inuisibilis in conspectu eius.  
 Rapit me totum, & in sui amorem ac desi-  
 derium transfert. Ita quippe anima illorum  
 exierat, qui dicebāt: Nonne cor nostrum ar-  
 dens erat in nobis, dum loqueretur nobis,  
 & aperiret nobis scripturas? Bonus exitus,  
 quando anima relictæ corporeæ volupta-  
 tis

Luc. 24.



tis fallaci illecebra, Christo conlūgitur, bonus exitus, quum ad Dei verbum anima de vitijs ad virtutes se transfert, quum denique contemptis rebus terrenis cælestium amore liquescit. Vide exeūtē & Christi desiderio liquescētem Prophetā. Quā dilecta, *Psal. 83.* inquit, tabernacula tua Domine virtutū, concupiscit et deficit anima mea in atria domini. *Philip. 1.* Et apostolū Paulū: Cupio dissolut, & esse cū Christo, Exiuit anima mea, ait, in verbo eius: Hoc est, Verbū sequuta exiuit de corpore, eleuās se de eius habitaculo, & peregrinam se faciens ei, vt adesset Deo, & esset cū uis sanctorū. Simul enim & carnis domestici & Dei esse non possumus. Ergo & hoc loco exire significatur anima, quando se abducit à voluptatibus corporis. Denique scriptum est: Exi de Babylone, fugiens à Chalædæis. Non utiq; vt regiones Babylonis Hebræus fugiat, sed vt mores, prophetico admonentur alloquio. Sed dum exit anima, dum Sponsam sedula requirit, audī quid dicat:

**I** Nuenerunt me custodes, qui circumeunt ciuitatem: percusserunt, & vulnerauerunt me. Tulerunt pallium meum custodes muro-  
rum.]

*Lib. de  
Isaac,*

Bene quidem quasi Sponsa veniebat cum  
pallio,

Gen. 24.

pallio, quo obnuberet caput, cum Sponsus occurreret: sicut Rebecca quę cognito quod Isaac veniret obuius, descendit de camelo, & pallio se operuit. Ita & hæc anima nuptialis vestis præmittēbat insignia, ne fortē reijceretur, quasi vestem non habens nuptialem: vel ut caput velaret propter Angelos. Sed illi percusserunt eam, ut amplius probaretur. Exercentur enim animæ tentationibus. Tulerunt ei palliū, quærentes si verum decorem nudæ virtutis adferret: vel quia sine integumento quis illam cælestem ciuitatem debeat introire, nulla deferens secum operimenta fucorum: Sunt etiam qui requirant, ne qua anima exuias secum vehat carnalis illecebræ & concupiscentiam corporalem. Nudatur pallio, cum eius conscientia manifestatur. Sed est & quæ bene nudatur, cui licet imitari dicentem: Venit huius mundi princeps, & in me inuenit nihil: certe quia nihil in illo solo inuenit, qui peccatum non fecit. Beata & illa est, in qua non grauius aut multa inuenit: sed inuenit in ea amictum fidei & sapientiæ disciplinam, utique sine sui dispendio: quia & si volet quis, non potest auferre veram sapientiam, etsi aduersarius obstrepat, ubi tam vera innoxia conuersationis elucet integritas. Tulerunt palliū meū.

Ioan. 14.

Merito



Merito nuda, quia pallium perdidit: aut fortassis ideo nuda, quia nonnunquam virtutis est, opertum non habere pectus, cor non habere velatum. Denique velatam illam, hoc est, Synagogam, quæ habebat velamen in lectione Veteris testamenti, quod modo revelatur, quoniam in Christo euacuatur, velatam, inquam, Synagogam Christus despicxit & spreuit: vnde hodieque velamen super cor Iudæorum est positum. At verò ea quæ tota ad Dominum mente conuertitur nuda est atque perspicua. Cū enim quis conuersus fuerit ad Dominum, auferetur velamen, ut gloriā Domini speculantes videre possimus. Tulerunt pallium meum.

In apologia  
David.

2. Cor. 3.

Li. de virgini-  
bus. 3.

Mar. 11.

Matt. 5.

Caueamus ne quis à nobis pallium auferat: hoc est, amictum prudentiæ, insigne patientiæ, quo mollitoris vestis amictio exuitur, Qui enim mollibus vestiuntur, in domibus regum sunt. Nobis autem pallium dedit Christus, quo Apostolos suos & corpus suum ipse vestiuit. Quod denique iubet te dare, si quis à te tunicam petat, ut dimittas ei & pallium, id est, insigne philosophiæ tuæ tradas, & quasi amictu prudentiæ tuæ eum qui ante nudus fuerit, circum vestias.

Inuenies

**I** Nuenerunt me custodes, qui circumeunt ciuitatem. Quæ est hæc ciuitas? Est ciuitas, quæ portas murorum clausas non habet, de qua dictum est: Et portæ eius non claudentur per diem: nox enim nõ erit amplius in ea. Illa est ergo ciuitas Hierusalem, quæ in cælo est, intra quam tam quasi perfecta & immaculata seruaris. Non enim intrat in eam omne commune. Communis castitas non est, communis pudicitia non est, quæ in libro scribitur vitæ. Quomodo ergo isti custodes sunt angeli, qui castitæ animæ palliũ tollunt? Aliud palliũ virginum est, aliud puellæ circumforaneæ. Illa quæ in foro Christum querit, pallium etiam quod habebat amisit. Prudentia enim non in foro, non in plateis, sed in Ecclesia possidetur. Pallium quoq; istud, amictus est corporis. Tulerũt ergo ei palliũ, hoc est, actus corporalis inuolucrũ sustulerũt, vt nuda mētis simplicitas quæreretur Christũ, quia nemo potest vestitus amictu Philosophiæ, in habitu scilicet sapiētiae secularis Christũ videre. Et bene tollitur ei amictus philosophiæ, ne quis eā per philosophiā deprædetur. Bene tollitur ei palliũ, quæ ad Christũ propinquat, vt Deũ visura mũdo corde gradiatur. Beati enĩ mũdo corde, quoniā ipsi Deũ videbũt. Palliũ ergo



ergo suū sublatū dicit, vt aperta meritīs & nuda fulgeret. Quātūuis enim esset spoliata veste, nō tamē erat nuda, nō enim est nudus, nisi quē culpa nudauerat. Ioseph à domina sollicitatus ad stuprū, vēstē exuit, crimē excusat, & relictis quibus tenebatur exuijs, spoliatus quidē, sed nō nudus aufugit, qui erat rectior indumēto pudoris. Verū Adā postq̃ Dei mādātū præuaricatione deseruit, & peccati grauis æra contraxit, nudus erat, Vnde & ipse ait. Vocē tuā audiui in paradiso, & timui, quia nudus sum, & abscondi me. Intellexit enim se esse nudū, quia infulas diuinæ protectionis amiserat. Et ideo latebat, quia fidel vestem non habebat, quam utiq; præuaricando deposuit.

Li. de Ioseph patrī.  
archa.

Gen. 4.

τετρωμέν  
ἀγῶνις.

**A** Diuro vos filiē Hierusalē, in virtutibus et fortitudinibus agri, si inueneritis dilectū meū, vt adnūciētis ei, quia vulnerata dilectionis ego sum.

Quicquid est, quod vehemēter expetimus, nisi eius maturiorem habeamus effectū, id nos videtur longa quadā intentione lassare.

Tractatu in  
psal. 118.  
ser. 11.

Amor impatiēs die noctūq; meretricias fores pulsans, si diutius potiendī desideria differantur, ipsa deficit expectatione, dum sperat. In quo utique non finis, sed incrementum est amoris. Et quicquid est desiderabile, si non contingat desideranti, deficit.

Amor im-  
paciens.

deficit in aliud, & quasi ipsam deponit animam, qui desiderat. Si tamen spes propior assurgat, dat vires spes proxima: si autem absentia sit dilecti, eo ipso quod absentem desiderat, qui concupiuit, animæ suæ defectionem patitur. Itaque quanto longius est quod desideratur, tanto magis deficit qui desiderat. Id est ergo deficere, id est amore languere, in id vnumquemque totis studiis migrare, quod diligit. Illud cogitat, illi adhaeret, illud personat, quod receperit diligendum, in id quadam animæ defectione transfunditur: ut si mater filij expectet præsentiam, quemadmodum expectabat Tobiae vxor filium peregrinantem, deficiens à desiderio, & in angustiis constituta, & tãquam viribus resoluta. Quid enim aliud nisi defectum eius verba significant? Sed quod magis lassatur affectus, eò amplius amor crescit: & quo diutius abest qui desideratur, eò expectantis desideria maiore quadam vi ignescunt amoris. Cor deficit, sed cupiditas alitur & augetur. Itaque sancta anima nescit aliud desiderare, quàm Sponsum, qui est Christus Iesus. Illum concupiscit, illum desiderat, in illum viribus totis intendit: illum gremio mentis fouet, illi se aperit & effundit, & hoc solum veretur, ne illum possit amittere.

Itaque



Itaque quanto maiore desiderio exercitata  
 fuerit anima, cupiēs adhærere amatori suo,  
 tantò magis deficit. Ergo ista defectio im-  
 minutionem quidem fragilitatis, sed assump-  
 tionem virtutis operatur. Concupiscebat  
 ergo Sponsa, desiderabat, deficiebat, & toto  
 dissoluebatur affectu, vt tota illius fieret  
 quem desiderabat, sicut etiam Dauid ipse Psal. 141.  
 dicit. Effundo in conspectu eius orationem  
 meam, & tribulationem meam ante ipsum  
 pronuncio, in deficiendo ex me spiritum  
 meum. Deficit spiritus eius, qui seipsum  
 negat, vt adhæreat Christo. Sponsa igitur  
 quasi amoris impatiens, circumcursabat &  
 quærebat vbique Dei verbum: nimirũ, quia  
 vulnerata, quia nuda, & quærebat ad minicu-  
 lũ alicuius, à quo Christus rogaretur vt ve-  
 niret. Vide estuatẽ, vide desiderantẽ. Adiuro  
 vos, inq̃t, filiẽ Hierusalẽ, si iueneritis dilectũ  
 meũ, vt adnũcietis ei, quia vulnerata charita-  
 tis ego sum. Vulnerat enĩ Dei verbũ, sed nõ  
 vlcerat. Est vulnus boni amoris, sunt vul-  
 nera charitatis. Quæ perfecta est, vulnerata  
 est charitatis. Bona sunt igitur verbĩ vulne-  
 ra, bona sunt vulnera amantis: vttiliora enim  
 vulnera amici, quàm voluntaria oscula ini-  
 mici. Vulnerata charitatis Rebecca fuit, quæ  
 relictis parentibus migravit ad Sponsum.

Vulnerat  
 Christus.  
 nõ vlcerat.

Prophet. 27.

L

Vulne-

Gal. 4.

Matth. 16.

Li. ad Soro-  
rē de virgi.Tractatu in  
psal. 118.  
ser. 5.

Vulnerata charitatis Rachel, quæ zelauit sororem, amauit maritū. Sorori enim quod abundaret filiis ipsa adhuc sterilis inuidebat, quia typum gerebat Ecclesiæ, cui dicitur: Lætare sterilis, quæ non paris, erumpe & clama, quæ nō parturis. Habet ergo amor vulnera sua, habet gladium quo vulneratur. Fœlix qui hoc gladio meruit vulnerari. Sūt enim hæc vulnera, quæ osculis præferuntur. His nos vulneribus offeramus, quibus quisque mortuus fuerit, mortem gustare non poterit. Talis erat eorum mors, qui dominū sequebātur, de quibus dictū est: Sūt aliqui de istis adstantibus, qui non gustabūt mortē, donec videant filiū hominis veniēte in regno suo. Sequitur.

Q V id dilectus tuus ex dilecto, quia sic adiura-  
sti nos? Dilectus meus candidus, & rubicun-  
dus.] Decet virgo vt plenē agnoscas quē di-  
ligis, atq; in eo omne & ingenitæ diuinitatis,  
& assumptæ mysteriū incorporationis ag-  
noscas. Cādidus ergo est merito, quia Patris  
splendor rubicundus, quia partus est virginis.  
Color in eo fulget & rutilat vtriusq; na-  
turæ. Memēto tamen antiquiora in eo diuini-  
tatis insignia, quā corporis sacramenta:  
quia nō cepit à virgine, sed quia erat, venit in  
virginē. Frater meus cādidus & rubicū-  
dus.

Candis



Cādidus claritate diuina, rubicundus specie  
coloris humani, quē sacramēto incarnationis  
assumpsit. Meritoq; & ipsum quod est rubecū  
benē olet, quia caro Christi sine peccato est,  
quā perfidī cōrectātes, manus suas inquinaue-  
rūt, Sācti venerātes pietatis odore fragrarūt.

**C**Apit eius aurum cephās: quod significat  
stabilem eminentēq; sapiētiam. Christū  
verō esse caput Ecclesię, docet Apostolus, ad  
Ephesios scribēs. Veritatē, inquit facientes Eph. 4.  
in charitate, augeamus in ipsum omnia, qui  
est caput Christus: ex quo totū corpus cōpa-  
ctū & cōnexū per omnē iuncturā submini-  
strationis, in mēsurā vniuscuiusq; partis in-  
cremētū corporis facit, ad edificatiōē sui in  
charitate. Sic quoq; ad Coloss. Nemo vos Coloss. 2.  
deuincat volēs in humilitate animi, & super-  
stitione angelorū ea quæ vider, extollens se  
frustra, inflatus mente carnis suæ, & non te-  
nens caput illud, ex quo omne corpus per  
compagines & coniunctiōes subministra-  
tum & compaginātū crescit in augmentum  
Dei. Caput ergo Ecclesię Christus. Caput  
enī fouet mēbra omnia, & dirigit atq; sē sibus  
Implet. Sēsus enim Sapientis in capite eius.  
Inde ductus venarū, meatusq; spiritus, sāgui-  
nis vires in totius partes corporis deriuātur.  
Lustrat oīa, ornat oīa: sublato capite, corpus

Caput Ec-  
clesiæ Chrl-  
stus.  
Eccles. 2.

sine nomine est. Non agnoscitur, nec vlla sua  
 pereest vsura viuēdi. In capite enim vigor vi-  
 tæ, in capite est gratia venustatis. Fertur co-  
 luber, cū vrgetur periculo, caput semper ab-  
 scōdere, & in orbē se colligēs obiecta reliqua  
 parte corporis hoc solū rueri, quod læsa fe-  
 rantur membra cætera saluo capitis vigore  
 reparari. Hoc & tu moraliter caput serua,  
 hoc seruato & mysticè. Mysticū caput Chris-  
 stus est, quia in ipso omnia constant, & ipse  
 est caput corporis Ecclesiæ. Hoc caput qui  
 amiserit, viuendī vsū habere poterit.  
 Hoc caput humani seruate serpentes, etiam  
 si omnia membra cædantur, totum vratur  
 corpus incendijs, mergatur profundo, euise-  
 ceretur à bestijs, hoc tamen capite custodi-  
 to, vita integra, salus est tuta. Nemo enim  
 potest perire, cui non sublatus est Christus.  
 Caput verò hoc aurum esse describit, nimis  
 rum ob splendorem & claritatem diuini-  
 tatis in eius facie relucens: ipse est enim  
 secundum Apostoli sententiam, splen-  
 dor gloriæ patris, & figura substantiæ  
 eius.

Heb. i.

**C**Rines eius abietes, nigræ sicut coruus.

De hoc superius dixit. Capillamen-  
 tum tuum vt greges tonsarum. Ideo capil-  
 lamentum, quia virtus omnium sanctorum  
 in



In capite est. Oculi enim Sapientis in capite eius. Profunda igitur doctorum sapientia, quæ potest ea quæ obscura sunt reuelare, & alta aperire sensuum: & huiusmodi disputatores crines sunt Ecclesiæ, crines sunt capitis Christi: quemadmodum enim capilli capitis sunt ornamenta, & pulchra venustas: ita illud conuestiunt: ita quoque & sancta iustorum hominum vita, qui suo exemplo tanquam luminaria mundi errores, & peccatorum tenebras caliginemque depellunt.

**O**culi eius sicut columbæ, super abundantiam aquarum, lotæ in lacte, sedentes super plenitudinem aquarum.]

Oculi Christi sunt viri spiritalibus sensibus ornati, qui ad videnda mysteria sunt acuti, & parati ad penetranda scripturæ diuinæ secreta, rationabili lacte fulgentes: in quibus non sit aliqua doli maculosa confusio, sed simplicis affectus immaculata sinceritas. Ideoque in aquarum abundantia lotas has colubas in lacte memorauit. Baptizat in lacte Dominus, id est, in sinceritate. Et isti sunt qui verè baptizantur in lacte, qui sine dolo credunt, & puram deferunt fidem, ut immaculatam induant gratiam. Ideo candida Sponsa ascendit ad Christum, quia in lacte est baptizata. Ideo mirantur eam

virtute

virtutes, dicētes: Quæ est hæc quæ ascēdit dealbata? Ante paululū dicebat, nigra sū, nūc dealbata cernitur. Nec immerito illic aquarū abūdātia, vbi Christus, vnde mēs humana replei cupiat. Has sitit aquas ceru<sup>9</sup>, quas cū biberit sitire nō possit. Has sitit aquas Propheta cum dicit: Sitiuit in te anima mea. Sed et ergo Christus super abūdantiā aquarū, & super plenitudinē. Et ideo qui baptizatur in aqua dicit: Et nos omnes de plenitudine eius accepimus. Vnde & oculus suppliciorū non alienus est ab Ecclesia: quia etsi Ioānes baptizabat in Ennon, quod significat oculū suppliciorum, baptizabat iuxta Salim, vbi erat aquarum abundantia, duodecim fontes, & septuaginta palmarum arbores. Hos fontes habet Ecclesia, hoc est, in veteri testamēto duodecim patriarchas, in nouo duodecim Apostolos. Ideoq; dictum est, In ecclesijs benedicamus Domino de fontibus Israel. His fontibus ante perfunditur, quicūq; mysteria sacrosancta cōsequitur. Isti enim fōtes ex æterno fonte manantes toto orbe fluxerūt.

**L** Abia eius distillantia myrrham plenam.  
 Per myrrham passionis vnguentum & resurrectionis gratia declaratur, quæ re diuuium vitæ odorem suscitatis mortuorum visceribus infundit. Hanc myrrham la-

Tractatu in  
 psal. 118.  
 ser. 180



bia sanctorum prædicatorum distillant,  
 qui Christi passionem loquuntur, ac suo  
 ore concelebrant, ac mortificationem eius  
 in suo circumferunt corpore: qualis erat ille  
 qui dicebat: Mihi absit gloriari, nisi in cruce  
 Domini mei Iesu Christi, per quē mihi  
 mundus crucifixus est, & ego mundo. Et  
 alio loco: Mortificationem Christi in cor-  
 pore nostro circumferamus, ut & vita Iesu  
 in corporibus nostris manifestetur. Denique  
 labia Sanctorum myrrham distillare dicit:  
 quod efficax & potēs sit eorum sermo: neque  
 inanem tantummodo tinnitū habens, & au-  
 res demulcēs, sed penetrās usque ad interiora  
 mentis. Sermo meus, inquit ille, & prædicatio  
 mea nō in persuasione sapientiæ verborū,  
 sed Dei firmatur virtute. In sermone & in  
 labijs Sanctorū virtus est, in sermone autē  
 forensi isto ac philosophico, vanitas mūdi.

**M**ANUS illius tornatiles, aureæ, plenæ Tharsis.  
 Tornatiles sunt manus spōsi, id est,  
 perfectæ: aureæ, propter sapientiā, quæ Chris-  
 tus est, plenæ hyacinthis, propter spiritū sanctū  
 & plenitudinē charismatū eius. Tornatiles  
 dico, quia oīa ipsius opera, quæ vel in crea-  
 tione mūdi, vel post assumptā humanitatē p-  
 ipsum facta sunt, perfecta & absolutissima  
 fuerunt. Sic enim scriptū habes. Vidit Deus

Lib. de in-  
 stitutione  
 virginis.

Gal. 5.

2. Cor. 4.

1. Cor. 1.

Gen. 5.

L iij cuncta

Mat. 7.

cuncta quæ fecit, & erant valde bona. Denique in Euangelio habes: Bene omnia fecit, & surdos fecit audire, & mutos loqui.

**V**enter eius pixis eburnea, super lapidem sapphyrum.

2. Cor. 13.

Audi Apostolum: Et si, inquit, crucifixus est Christus ex infirmitate nostra, ecce venter, id est, carnis infirmitas: viuit tamen ex virtute Dei, ecce distinctio sapphyri. Sapphyrus enim eò quod cæli sereni speciem gerat, quæ sunt diuinitatis eius opera significat: ebur autem, propter castitatem & nitorem ac perpetuitatem, carnem significat Saluatoris, de qua idem Apostolus dicit: Quia etsi Christum secundum carnem nouimus, sed nunc non nouimus.

2. Cor. 5.

**C**Rura illius columnæ marmoreæ, fundatæ super bases aureas.]

Tractatu  
in psal. 118.  
ser. 5.

Per hæc significat columnas Ecclesiæ esse Apostolos, qui fundati sunt in timore sancto. Nam sicut Petrus, Iacobus, Ioannes & Barnabas columnæ esse videbantur Ecclesiæ, sic & quicumque vicerit hoc seculum, fit columna Dei: quam confirmat qui dicit: Ego confirmaui columnas eius: ita & basis aurea, timor plenus disciplinæ, quia initium sapientiæ timor Domini est. In timore sapientum Apostolica prædicatio tanquam

Psal. 74.



quam super basem auream columna firmatur Christi. Igitur casto eloquio & Apostolico sermone tribunal est timor iusti, & basis aurea plena prudentiæ: simulacrum autem bonum tanquam effigies veritatis, sermo sanctorum est. Et vide tanquam basim auream esse timorem Sanctorum. Lege Esaiam, vide quantis subiecerit timorem, ut faceret inreprehensibilem & bonum timorem. Spiritus, inquit, sapientiæ & intellectus, spiritus consilij atque virtutis, spiritus cognitionis ac pietatis, spiritus sancti timoris. Quantis timorem subiecit, ut haberet, quod sequi posset. Informatur per sapientiam, instruitur per intellectum, consilio dirigitur, virtute firmatur, cognitione regitur, pietate decoratur. Tolle timori Domini ista, & est irrationabilis & insipiens timor vnus ex illis: Foris pugnae, intus timores. Quibus afflictus esset & Paulus, nisi habuisset Dominum consolantem. Bene ergo dicit columnas Ecclesiæ, hoc est, crura Sponsi, fundata esse super bases aureas: ut & pulchritudine spectantes oblectent, & fundamento sancti timoris subnixæ, nullo spiritualium tempestatum turbine ab animi constantia valeant dimoueri. Denique addit Sponsa, Species eius ut Libani, electus ut cedri. In altis

Aurea basis  
timor Dei.

Esa. II.

2. Cor. 7.

Li. I. de vir-  
ginitate.

altis habitat, & humilia respicit: quia species eius sicut cedrus Libani, quæ comam nubibus, radicem inserit terris. Principium eius è cælo, posteriora eius in terris fructus cælo proximos ediderunt.

ἡδὺ ὄλθ  
ἀποδομῖα.  
In psal. 118.  
ser. 5.

Psal. 33.

Isa. 43.

Luc. 15.

Psal. 118.

**G**uttur illius dulcedo & totus desiderium. Id est, quod propheta de eo scribit: Iudicia Domini vera, iustificata in semetipsa, desiderabilia super aurum, & lapidem pretiosum multum, & dulciora super mel & fauum. Quod seuerum in alijs, in Christo dulce est, in Christo suaue est, quia ipse suauis est. Dentque, gustate, & videte, quoniam suauis est Dominus. Dulcia iudicia consistenti, quia ipse dixit: Ego sum, ego sum, qui deleo iniquitates tuas, & memor non ero. Dulcia iudicia agenti poenitentiam, quia ipse dixit: Gaudium erit in cælo super vno peccatore poenitentiam agente, quam in nonaginta nouem iustis, qui non indigent poenitentia. Porro gutturis ipsius dulcedinem Propheta describens, Diffusa est, ait, gratia in labijs tuis, propterea benedixit te Deus in æternum. Dentque in Euangelio habes, quod mirabantur homines de verbis gratiæ, quæ procedebant de ore eius. Huius dulcedinis bonum si illo concupiscibili suo & delectabili anima gustauerit,



uerit, & duabus his affectionibus hauserit,  
 excludens dolorem & formidinem, incredi- Epistola ad Irenaeū 12.  
 biliter exaestuauit. Osculata enim Dei Ver-  
 bum, modum non capit, nec expletur, di- Psalm. 118.  
 cens: Suauis es Domine, & in iucunditate tua  
 doce me iustificationes tuas. Osculata Dei  
 Verbum, concupiscit super omnē decorem,  
 diligit super omnē lāritiā, delectatur super  
 omnia aromata, cupit frequenter videre, sa-  
 pe intendere, cupit attrahi, ut sequi possit.  
 Doceat te Propheta, qui gustauit, & ait: Ibidem.  
 Quā dulcia faucibus meis uerba tua, su-  
 per mel & fauē ori meo. Quid enim deside-  
 ret anima quē semel suauitatē uerbi gustau-  
 rit, quā semel charitatē eius uiderit? Moyses Exod. 34.  
 in monte positus quadraginta diebus legem  
 accipiens cibū corporis non requirebat. Hel- 3. Reg. 19.  
 las ad illā festinās requiē, rogabat ut accipe-  
 retur anima sua à se: Petr⁹ aspiciēs & ipse in Matt. 17.  
 mōte dominicæ resurrectionis gloriā, no-  
 lebat descēdere, dicens: Domine, bonum est  
 nos hic esse. Quanta igitur illa diuinæ sub-  
 stantiæ gloria, quanta dulcedo, quanta uerbi  
 bona, in quē cōcupiscūt & angeli prospicere!  
 Hoc igitur modo quum Sponsa spōsi sus-  
 ciuit diuinās & incōparabiles depixisset dotes, re-  
 grētib⁹ filiabus Hierusalē & dicētib⁹: Quō  
 abiit frater uelis tuus o pulchra inter mu-  
 lieres

lieres, quod declinauit fratrueis tuus, & quæ  
remus cum tecum.

*Caput sextum.*

**F**Ratrueis, inquit, meus descendit in hortum  
suum, ad areoleas aromatis, ut pascatur in  
hortis, & lilia colligat.

Vbi verbum quærat agnoscit: nimirum  
quod inter orationes Sanctorum moretur,  
& ipsis inhæreat, nouit: & quod Ecclesiam  
suam vel animas iustorum suorum inter li-  
lia pascat, intelligit. Hoc mysterium tibi do-  
minus in Euangelio demonstrauit, cum in  
Sabbato duceret per seminata discipulos.  
Moyses per desertum duxit plebem Iudæ-  
orum, Christus per seminata. Christus per  
lilia ducit, quia per passionem eius desertum  
florebit ut liliū. Diuersatur ergo Christus  
in hortis, in illis mentibus, quæ sunt virtu-  
tum ornamento excultæ: pascitur inter li-  
lia apud eos qui boni odoris fragrantiam  
de se exhalant: qualis erat ille qui dicebat:  
Ecce odor filij mei, sicut odor agri pleni,  
cui benedixit Dominus. Et Apostolus:  
Christi bonus odor sumus in omni loco.  
Pascunt ergo animæ Christum, quæ sunt  
candidæ castitatis nitore, & odoriferæ odore  
virtutum. Dicit ergo Sponsa:

Ego

Li. de Isaac,  
cap. 6.

Luc. 6.

Lilia, Iusto-  
rum mères.

Gen. 27.



**E**Gofratrueli meo, & fratrueis meus mihi, qui  
pascitur inter lilia.

Facilis hæc vox & communis videtur, In psal. 113.  
sed paucorum est. Satis rarus est enim, qui

potest dicere Deo: Ego dilecto meo, & dilectus meus mihi. Ille enim dicit, qui adhæret Deo totis sensibus, & qui aliud cogitare non nouerit. Pauci quidem, inquam,

possunt hoc dicere: quum multis etiam non sit satis Dei filius, in quo sunt omnia. Multis non sufficit Deus.

Denique ille diues in Euangelio, cui dictum est, Matt. 19.  
si vis perfectus esse, vende omnia quæ habes,

& da pauperibus, Deum sibi non sufficere indicauit. Denique & contristatus est: quasi quod pluri esset, relinquere iuberetur, quod minus esset, eligere. Ille ergo dicit, tuus sum, ille dicit, Dilectus meus mihi, & ego illi, qui dicere potest, Ecce reliquimus omnia,

& sequuti sumus te. Non potest hoc dicere Matt. 19.  
secularis, plures enim Dominos habet. Venit libido,

& dicit meus es, quia ea quæ sunt corporis concupiscis. In illius adolescentulæ amore te mihi vendidisti, in illius concubitu meretricis pretium pro te adnumerasti. Venit auaritia, & dicit, Argentum & aurum quod habes, seruitutis tuæ pretium est, possessio quam tenes, iuris tui emptio, venditio tuæ est libertatis, Venit luxuria

& di-

& dicit: Argētum & aurū quod habes seru-  
 tutis tuæ pretium est: possessio quam tenes  
 iuris tui emptio, venditio tuæ est libertatis.  
 Venit luxuria & dicit: Meus es. Vnius diei  
 conuiuiū, pretiū tuæ vitæ est: ille sumptus  
 epularū tui capitis licitatio est, tui est sum-  
 ma contractus. Non est meus, quem libido  
 succēdit, quia mea castitas est, non est meus,  
 quē cura spoliandi minores exagitat, quia  
 mea integritas est: nō est meus, quē ira mobi-  
 lis inquietat, quia mea trāquillitas est, nō est  
 meus, vini crapula temulētus, illuue ambi-  
 tionis impurus, gloriæ secularis cupidus,  
 ebrius in periculū, qui nō possit sobriæ mo-  
 derationis seruare vestigiū. Nō est ergo cu-  
 tusuis dicere: Dilectus meus mihi, & ego il-  
 li: sed eorū dūtaxat, q̄ animū à rebus terrenis  
 auulsū habēt, & Christo adiūctū: qualis erat  
 apostolus Paulus, qui dicebat. Vivo verò iā  
 nō ego, viuit verò in me Christus. Et alio lo-  
 co. Cupio dissolui & esse cū Christo. Sequitur.

Gal. 2.  
 Philipp. 1.

**P**ulchra es amica mea, tanquam beneplaci-  
 ta, speciosa vt Hierusalem.

Li. de Isaac

Non caduci ista est corporis pulchritudo  
 vel morbo peritura, vel senio, sed nullis ob-  
 noxia casibus, opinioni bonorū nunquam  
 moritura meritorum: quoniam non huma-  
 nis iam sed cælestibus, quorum vita viuit



in terris digna est comparari. Beneplacita es  
ait, amica mea. Veritas amoris ex sui per-  
petuitate probatur. Laudatur itaque sponsa  
à Spōso, quod tā bene & cōstāter requisierit  
eū. Ideoq; tā nō solū soror dicit, sed etiā be-  
neplacita nominat, quasi ei cōplacita qui cō-  
placuit patri. Et ideo speciosa sicut Hierusa-  
lē, admiratio sicut ordinata: quod ciuitatis  
æternæ vniuersa haberet mysteria, & admi-  
rationi sit omnibus videntibus eā, quia plea-  
na vt æquitas atq; perfecta est, & fulgorē de  
verbi lumine mutuata, dum in id semper in-  
tendit. Sit etiam terribilis, ordine quodā ad  
summum prouecta virtutum. Itaq; sponsus  
tam quasi sponsæ perfectæ dicit:

Amoris cō-  
stantia.

**A**uerte oculos tuos à me, quia me auolare fece-  
runt.] Deuotione, inquit, nimia

ac fide possibilitatem naturæ & conditio-  
nis propriæ supergressa es, quā lucem im-  
marcescibilem ē regione intueri est gra-  
ue. Auerte, ait, oculos tuos à me: eō  
quod plenitudinem diuinitatis eius & splen-  
dorem veri luminis sustinere non possit.  
Possumus tamen & sic accipere: Auerte  
oculos tuos à me. Et si tu perfecta es, aliæ  
mihi adhuc redimendæ sunt animæ, aliæ  
fulciendæ: Eleuas enim me videndo: ego  
autem ideo descendi, vt omnes eleuem:

Et si

Et si surrexi, & habeo patris sedem, tamen orphanos vos nō relinquam, quasi paterno præsidio destitutos, sed præsētia mea vos confirmabo. Habes hoc in Euangelio scriptum: Ecce ego vobiscum sum vsq; ad consummationem mundi: Auertere ergo oculos à me, quia me eleuas. Quantò enim quis ad Dominum intendit, tantò amplius dominum eleuat, & ipse eleuatur. Vnde & ille ait. Exaltabo te Domine quoniā suscepisti me. Sanctus enim exaltat Dominum, peccator humiliat. Vult enim illam auertere oculos, ne eam considerans, quod tam ad superiora sequi possit, eleuetur, & cæteras animas derelinquat. In euangelio non omnibus discipulis, sed perfectioribus gloriam suam demonstrauit. Constitue nūc aliquem doctorem, qui rem obscuram velit aperire auditoribus, quemadmodum & si ipse potens sit in sermone & scientia, condescendat tamen ad eorum scientiam, qui nō intelligunt & simplici & planiore atque vsitato sermone vtatur, vt possit intelligi. Qui igitur inter audientes viuacior sensu sit, qui facile sequi possit, eleuat eum atque excutit. Hunc videns Doctor reuocat, vt patiat̃ur magis Doctore humilioribus & planioribus immorari, quo & cæteri sequi possint.

Desunt

Matt. 28.

psal. 29.



Defunt hic aliquot sententiæ sexti capituli, sed eas quarto capite enarratas habes.

**V**Na est columba mea.]

Laudatur Sponsa, quod fidelis, quod verbo potens, quod fructibus fecunda diuersis, quod vna sit columba, habens vnitatem spiritus, in qua sit pax quæ fecit vtrique vnum, & quæ non sit composita ex diuersis elementis discretæ compugnantisque naturæ. Quid enim tam diuersum, quam ignis & aqua, aer & terra, ex quibus corporis nostri creatura consistit? Anima autem benedicta, omnis simplex, quæ imitatur decentem, Vt omnes vnum sint, sicut tu pater in me, & ego in te: vt & ipsi in nobis vnum sint. Hæc est enim consummatio atque perfectio. Vnde & addidit: vt sint vnum, sicut nos vnum sumus. Ego in his, & tu in me, vt sint consummati in vnum. Hæc ergo anima, columba atque perfecta, quæ simplex atque spiritualis est, neque huius turbatur corporis passionibus, in quo foris pugnae, intus timores sunt. Denique hoc verbo vnitatis, concordiam & pacem significari scriptura nos docet, dicens. Multitudo autem credentium habebat animam vnā, & cor vnum, & non erat separatio in eis vlla. Sic ergo formosam, sic perfectam,

Prover. ii.  
iuxta 70.

Ioan. 17.

Acto. 4.

M

& vno

& vno simplici affectu Deo adhærentem admirantes filiæ Hierusalem exclamant.

**Q**uæ est hæc prospiciens tanquam diluculum, speciosa sicut luna?

Li. de Isaac.  
Ecc. 23.

Prospicit enim tanquam de domo libera: nec dicit, Tenebræ cooperiunt me, & parietes circumdant me, & quis scit si videt altissimus? Sed ipsa magis lucē expetit, tanquam in superioribus domus suæ, id est corporis sui, & supra mūdū posita diuina intuetur, & ad æterna se eleuat, vt adsit Deo: iam lumē suorum operū, sicut luna orbē suū, toto orbe circūferēs. Prospicit tanquam diluculū, tanquam diceret. Nox præcessit, dies autē appropinquauit. Prospicit enim Spōsa sancta de loco superiore, tanquam inferiora despiciēs. Exiit de tenebris istius seculi, vt luna resplēdēs, vt sol refulgēs. Igitur tanquam de corpore recedēs, et repulsa noctis caligine surgēs diluculo sicut sol, appropinquat Deo, & rapido volatu sicut aquila quæ sunt terrena relinquit.

Hexamerō  
lib. 4.

Psal. 15.

Merito verò Ecclesia sicut luna speciosa dicitur, quæ toto mūdo refulsit, & tenebras huius seculi illuminauit. Pulchrè verò ait, prospiciens, quasi suos de superiore prospectās, sicut habes: Dominus de cælo prospexit super filios hominū. Prospiciēs ergo Ecclesia, sicut luna defectus habet & ortus frequētes,

sed



sed defectibus suis creuit, & his meruit amplari, dū persequutionibus minuitur, et cōfessorum martyrijs coronatur. Hæc est vera Luna, quæ de fratris sui luce perpetua lumine sibi immortalitatis & gratiæ mutuatur. Fulget enim Ecclesia, non suo, sed Christi lumine, & splendorem sibi arcessit de sole iustitiæ, vt dicat: Viuo autem iam non ego, viuit autem in me Christus. Igitur dum sponsa laudatur à Sponso, verècundè res fugiens coram laudari, deinde Sponsi amore reuocata, ait:

Philip. 1.  
Lide lisee.

**I**n hortum nucis descendere videre, in natiuitate torrentis.]

ὁ γόνιμος  
τὸ το καὶ  
μάρτυρ.

Vbi enim est Ecclesia, nisi vbi vīrga & gratia florer sacerdotalis? Ibi est frequenter, vt in amaritudinibus & temptationibus probetur. Per nucem quippe amaritudinem intelligimus, per torrentem tentationes, sed tamen tolerabiles: quia scriptum est: Torrentem pertransiuit anima nostra. Itaq; descendit in locum amaritudinis, vbi florer vitis, & malorum granatorum specie diuersus & multiplex fructus, qui velut vno regimine totius corporis fide & charitate munitur. In illa

Psal. 123.

ergo amaritudine non cognouit se anima. Corruptibile enim corpus grauat animam Sap. 9.

M ij

& ter

& terrenum habitaculum cito inclinatur. Cognoscere autem se debet. Sed tentatus est & Petrus, nō se cognouit & Petrus. Nam si cognouisset, non negasset authorem. Sed cognouit eum Christus, qui etiam respexit. Cognoscit Dominus qui sunt ipsius, & tanquam suum misericordiæ suæ frenis ut bonus rector reuocauit à lapsu. Rector enim noster Christus. Vnde & sequitur.

2. Tim. 2.

Li. de vir-  
gin. 3.

Christus  
animarum  
auriga.

**P**Osuit me currus Aminadab Jeò quod anima nostra coniungitur corpori, & veluti quidam equorum fremētium, currus rectorem sibi quærit aurigam. Aminadab enim pater Naason fuit, sicut in Numeris legimus, qui erat princeps populi Iudæ. Cuius figura refertur ad Christum, qui verus populi princeps, animam iusti velut curruum agitator ascendens, verbi habentis gubernat, ne violentorum equorum furore in abrupta rapiatur. Sunt enim velut eius quatuor equi, quatuor affectiones, ira, cupiditas, voluptas, timor, quibus furentibus cum cæperit agi, nequaquam se ipsa cognoscit. Corruptibile enim corpus animam grauat, & tanquam irrationabile animalium cursus inuitam rapit, voluentibus curis velut quodam impetu proruentem, donec memoratæ corporis passionibus Verbi virtute mitescant. Hic

Verbi



Verbi tanquam boni agitatoris est prouidentia, ne illi animæ quæ in se est mortis obnoxia, corpus mortale coniunctum agitationem faciat esse difficilem. Primò igitur hos veloces corporis motus dormitet, & nexu rationis infrenet. Deinde caueat ne dispari motu se velut equi implicent: vt bonum aut improbus decoloret, aut tardus impediatur, aut turbidus inquietetur. Fremit enim equus maliciæ, seseq; iactando currum lædit, grauat iugalem. Hunc bonus auriga demulcet, & in campum veritatis immittit, fraudis declinat anfractum. Huius currus rotæ sunt, de quibus dixit Propheta: Et spiritus vitæ Ezech. i. erat in rotis: eò quod currus animæ teres atq; rotundus sine vlla offensione voluatur. Si ergo currus est anima, habet equos vel bonos vel malos. Boni equi, virtutes sunt animæ, mali, corporis sunt passionēs. Bonus ergo Rector malos equos restringit & reuocat, bonos incitat. Boni equi sunt quatuor, prudentia, temperantia, fortitudo, iustitia: mali equi, iracundia, concupiscentia, timor, iniquitas. Interdum ipsi equi inter se dissident, & aut iracundia protendit aut timor, & se inuicem præpediunt, & cursum retardant: at vero boni equi euolant, & à terris ad superiora se subrigunt, animamq;

M iij      eleuant,

Matt. 23.

elevant, maxime si iugum habeant suave & onus leue, dicētis: Tollite iugum meū super vos: iugum enim meum suauē est, & onus meum leue. Ipse rector est, qui nouit equos proprios gubernare, vt equalis oīm sit cursus. Si velocior est prudētia, tardior iustitia admonet flagello proprio segniorē. Si tēperātia māsuētor, fortitudo durior, nouit compulāre discordes, ne forte currū suū dissipēt. Itaq; licet itelligibili spectaculo videre vnā quāq; animā cū summo certamine ad cælū rapi, festinātes equos, quō priores perueniāt ad brauiū Christi, quorū prius imponatur palma ceruicibus. Isti equi sunt subiecti fidel iugo, adstricti vīculo charitatis, iustitiæ frenis, retinaculis sobrietatis. Pulchrē ergo ait: Posuit me currus Aminadab, hoc est, pater populi. Ipse autē qui pater populi, idē pater Naason, hoc est, serpētū. Iā tu recole, quis sit cut serpēs in cruce pepēderit pro salute vniuersorū, & intelliges illā animā esse pacificā, cui pater De⁹ p̄sul sit & Christus agitator, quia scriptū est, pater, pater, agitator Israel. Hic ergo agitator dicit: Cōuertere Sulamitis cōuertere. Bene & quasi agitator, & quasi ad currū dicit, cōuertere Sulamitis, id est, pacifica. Quē enī pacifica est anima cito se cōuertit & corrigit, si ante etiā peccauit, & magis eā

Chris

4. Reg. 2.



Christus ascēdit & regere dignatur, cui dictū  
 tur: Ascēde equos tuos, & equitatus tui sancti-  
 tas. Et alibi: Misisti equos tuos Tharsis. Hi  
 sunt equi Christi, Cōuertere, inquit, cōuer-  
 tere. Ad animā piā dicit hoc Christus, iubet  
 illā paulisper cōuertere, vt vobis gloria eius  
 appareat, & requies futura cū sanctis, & postea  
 pręcipit eā ad illud supernū sactorū festinare  
 cōfortiū. Semel in seculo cōuersa est, cōuersa  
 est iterata cōmunionē ad gratiā Christi. Et  
 ideo pulchra conuersio eius in seculo, pul-  
 cherrimus incessus eius & volatus in cælū.

Abac. 2.

## Caput Septimum.

**Q**uid videbis in Sulamite, quę incedit sicut  
 Chori castrorū? Quid videbis, inquit, in  
 ea, quę multū & aduersus plurimos in cor-  
 pore est preliata? Etenim pugnauit aduersus  
 extraneos hostes, pugnauit aduersus lubricas  
 seculi mutationes, pugnauit aduersus cor-  
 poris fragilitates, aduersus multiplices passi-  
 ones. Interrita, inuicta, & tanquam in acie cō-  
 sistens, est sponsa Christi: habet in manu  
 gladium Spiritus, quod est verbum Dei:  
 habet lorica fidei, habeat in capite gas-  
 leam, spem salutis, quibus armis commu-  
 nita pręlietur & colluctetur, non aduer-  
 sus carnem & sanguinem tātum, sed aduer-  
 sus mundi rectores tenebrarum harum,  
 M iij aduers

De obitu  
Valentinia-  
ni impera-  
toris.

aduersus spirituales nequitias in cælestibus.  
 Illud quippe est, quod superius dixit: Ter-  
 ribilis ut castrorum acies ordinata. Nihil  
 enim in se habet effœminatum, nihil molle,  
 nihil languidum: sed semper tanquã in acie  
 & procinctu consistit, quemadmodum ille  
 qui dicebat: Benedictus Dominus Deus  
 meus qui docet manus meas ad prælium, &  
 digitos meos ad bellum.

**Q**uam speciosi facti sunt gressus tui in calcea-  
 mentis filia Nabad.

In psal. 118.  
 ser. 17.

Speciosa es in processu, habitasti in corpore  
 tanquam calceamento eo vsa, non ut in uos  
 lucro, ut quasi superior & eminentior, quò  
 velles, tuum circūferes sine vlla offensione  
 vestigiū. Dubtum verò nō est hic ecclesiæ,  
 vel animę profectus significari. Quam spect-  
 osi sunt, ait ille, pedes euāgelizatiū pacē, euā-  
 gelizatiū bona. Vtiq; speciosos pedes dicit,  
 euāgelicę prædicationis & disputationis pro-  
 cessus, ut alibi dicitur. Trāsgredere flumina,  
 hoc est, fluentia et lubrica huius mundi  
 transcurrere stabili mentis incessu. Quod de  
 animæ gressu dicit David euidenter ostēdit,  
 asserens quòd torrentem iniquitatum anima  
 sua transisset. Sed quid sibi vult quod ait, in  
 calceamentis speciosos esse gressus Ecclesię?  
 Legimus itaque dictum ad Moysen, Solue  
 calceas

Isa. 52.

Ibidem 47.

Psal. 123.



calceamentum pedum tuorum : quo videatur admonitus, ne corporalibus vinculis videretur adstrictus. Ergo speciosam hic significat animæ pulchritudinem, quæ carne tanquam calceamento vititur, & in ipso calceamento impedimentum non patitur, sed incessus decore præcellit. Calceat ergo se anima ecclesiasticam gratiā, ut cursum huius vitæ & transitum cum decore prætereat. Quod fit, si calceamentum suum non inquinet luto corporali, non in vitiorum merfet voraginem, si castiget carnem suam, ne moretur ad cursum, & aruinæ pinguis pondere degrauetur. Bonum calceamentum animæ, pudicitia est: bonus gressus est vestigiū castitatis. Utamur ergo corpore tanquam calceamento ad inferioris opera virtutis, ad ministerium non ad præcipitium: ad obsequium, non ad delectationem, ad obedientiam, non ad dissensionem, & in via Sapientiae vestigium collocemus, ne gressus nostrus vis aliqua torrentis concludat. Ideo ad Moysen dictum est: Solue calceamentum tuum, dictum est & ad Iesum Naue: ad Christum autem non est dictum, sed magis scriptum, dicentē Baptista, Post me venit vir, cuius non sum dignus calceamenta portare, quia illi bene admonentur ut soluant calceamentum

Exod. 7

Corpore  
vren ium  
tanquā cal-  
ceamento.

Matt. 3

mētū suū, qui sine peccato esse nō poterant:  
hic autē nō solū calceamentū, sed etiā calcea-  
menta nō soluit: quia nō solū corpus suū a  
peccato immune seruauit, sed etiā omnium  
dedit indulgentiam peccatorū. Ergo ecclesia  
ad imitationem Christi speciosa est, & in cal-  
ceamentis, omni abluta delicto.

**M**oduli femorum tuorum similes torquibus,  
opera manuum artificis.

Hoc est, consonans sibi in omnibus factis  
tuis gratia atq; moderatio, magnorū æqua-  
uit insignia triumphorum. Merito hæc ad-  
dit, vt posteritatis Ecclesiæ canerentur or-  
namenta. Per femur enim insigne generati-  
onis agnosceamus, iuxta illud: Accingere gla-  
dio circum femur tuum potentissime: quo  
significatur, quod filius quū semetipsū exi-  
nauisset, verbi accinctus diuinitatē, & genera-  
tionē calceatus humanā prodiret ex virgine,  
omnibus daturus salutē. Monilia autē dicū-  
tur ornāmēta pretiosa quæ suspēdi matrona-  
rū ceruicibus solēt. Tātus ergo Ecclesiæ pro-  
cessus significatur, vt ornāmētis pretiosissi-  
mis cōparatus sit, & torquibus triūphariū.  
Hæc enim ornāmēta sunt bellatorū. Vnde &  
Symmachus ἐπιτραχήλια dixit, hoc est, quæ  
sunt circa collū. Siue ergo generatio Christi  
ex virgine, siue Ecclesiæ propagatio, specie  
quidem

Phil. 44.



quidē tāq̃ manu artificis torq̃bus adornatis,  
verē autē īsignijs spiritalibus ceruices fidelis  
coronauit. Sicut etiam victores secularium  
præliorum solēt strennuorū virorū donatis  
torquibus honorare ceruices, ita Christus  
iugum nostrum leuauit, vt fidelium colla  
virtutis insignibus coronaret.

**V**mbilicus tuus crater tornatilis nō deficiens  
mixto. ] Eō quod in omni doctrina torna-  
tus, plenitudine cognitionis, et potu nō de-  
ficiat spiritali. Habet enim ecclesia Christi  
aquis perpetuo scatētes, q̃bus abluitur, san-  
ctificatur, purgatur, & quibus etiā carnaliū  
voluptatū ardores extinguat: habet etiā vinū  
in cratere sapiētiae. Sapiētiae mixtū, quod le-  
tificat cor hominis, quodq̃ omnē seculi tri-  
stitiā, quæ secūdu Apostoli sententiā, mortē  
operatur, depellit. De hoc cratere dicebat Pro-  
pheta: Calix tuus inebriās, q̃ præclarus est:

**V**enter tuus sicut aceruus tritici muniti inter  
lilia. Venter eius nō solū aceruo tri-  
tici, id est, fortioribus cælestis mysterij cibis  
saginatur, verū etiam tanq̃ lilij quibusdam Li. de virg.  
moralium suauitate repletur. Neque enim  
sponsæ venter solū fortē cibū sumit, quo  
corda firmanantur, sed etiā suaue ac florulen-  
tū, quo delectantur. Merito sane Sponsæ  
venter aceruo tritici comparatur, habet  
enim

Ican 11

Psal. 46.

Ebdem 80.

In psal. 118.  
scr. 5.

enim in se granum tritici & liliū. Granum tritici, sicut scriptum est. Nisi granum tritici cadēs in terram mortuum fuerit, ipsum solum manet. Sed quia de vno grano tritici acervus est factus, completum est illud propheticum: Et conualles abundabunt frumento, quia granum illud mortuum multum fructum attulit. Hoc itaque granum omnes homines perpetua cælestium munerum esca saturavit, & consummatum est illud prophetici oris eloquium: Cibavit eos ex adipe frumenti, & de petra melle saturavit eos. Venter igitur Sponsæ non solum iustitiæ, veluti frumentario, cibo replebatur, sed etiam gratiæ suavitatem, quæ florebat sicut liliū.

**O** Cuius sicut stagna in Efebon, in portis filiarum multorum. Nasus tuus sicut turris Libani.]

Stagna in Efebon, quid sunt, nisi in cogitationibus rationabilibus abundantia? Quæ est in portis Ecclesiæ, cui merito deferitur multitudo doctrinæ. Filia enim multorum, plurimarum doctrinarum posteritas est & effectus. Cuius nares, odor est sacrificiorum, floribus omnibus præstans. Nares tuæ, inquit, sicut turris Libani, præcella supra mundum. Et ideo prospicit faciem Damasci,

Gen



Gentium scilicet populum, odorans fidem eius, cuius gratia delictorum suorum detergeret foetorem. Facies ergo Damasci, fides est Gentium, nullo obumbrata amictu, nullo adoperta vestitu, nuda ac libera, caelo magis intenta quam terris. Hanc speculantur & prospiciunt nares Ecclesiae, quod suaue in ea & odorum aspirationis & gratiae colligentes. Et bene nares eius sicut turris Libani, quia in sacrificijs odor suavis Ecclesiae est, in quibus boni odoris hostia, remissio peccatorum. Sume igitur has nares o homo, ut a graeolentibus florulentula secernas, & viuificabit te Dominus. Nares tuae sicut turris Libani, eo quod vnguentum veri Sacerdotis quod descendit de capite in barbam, hoc est, odor ille diuinus, odor gratiae spiritualis, qui de patre in Christo erat, & sacramento incarnationis descendit in terras, ut omnia fuso replerentur vnguento, emineat praecelsi potestate iudicij, & nares repleat animae, ut bene olenta discernat & foetida: suauia Sanctorum, qui possunt dicere. Christi bonus odor sumus Deo, a foetidis peccatorum. Nares enim hic interioris hominis sunt, quibus vitae odorem capimus aeternae, & gratiam celestis vnguenti geminis quibusdam sensibus hauserimus.

2. Cor. 2.  
Lib. de  
Spiritu S. 2.

rimus. Sunt enim quædā interioris hominis  
membra,culus manus in actu,aures in auditu,  
pedes in processu quodam boni operis æsti-  
mantur.

**C**incinnus capitis tui sicut purpura.

Sanguis Christi, purpura est, qui infi-  
cit factorū animas: nō solū colore resplēdēs,  
sed etiam potestate: quia reges facit, & me-  
liores reges, vt quibus regnū donat æternū.  
Ornatus ergo capitis eius gloriosus, quod  
non regalia diademata, sed dominici sangui-  
nis insignia coronarent.

Lib. 4. He-  
xameron.  
Palma ar-  
boris na-  
tura.

**S**tatura tua assimilata est palmæ.

Virorē et integritatē pectoris eius ostē-  
dit. Nulla est arbor quæ ita perpetuò viret, vt  
palma. Seruat quidē indumētū suū olea vel  
pinus, sed folia sua sæpe cōmutant: nec ea  
quasi diuturna, sed tāq̃ succedanea prætēdūt  
suæ arboris pulchritudini, perperui integri-  
tate vestitus vice muneris obūbrātes. Palma  
autē inter cana niuiū, pruinas frigorū, viridit-  
atē suā semper cōseruat: conseruatione &  
diuturnitate, nō immutatione foliorū. Nā  
quæ primo germinauerit folia, ea sine vlla  
substitutionis successione cōseruat. Statura  
ergo spōsæ assimilata est palmæ, quod viri-  
ditatē pueritiæ suæ, & illius innocētiæ na-  
turalis quā à primordio accepit, semp cōser-  
uaris



uarit incolumē, tāq̃ videlicet arbor plārata Pala-  
sec⁹ decursus aquarū, cuius foliū nō defluat.

**A** Scendam in palmam, & apprehendam sub-  
limitatem eius.] Ipsa charitas, palma  
est: ipsa enim est plenitudo victoriæ. Pleni-  
tudo enim legis est charitas. Palmę offerūtur Li. de Hære.  
vincētibus, & eorū dexteræ triūphali arbore  
muniūtur. Præmiū enim quoddā est palma  
martyrij, quæ cōfidenti linguæ dulcem tri-  
buit fructū, & victrici dexterę, vt dixi, glori-  
osum præstat ornatū. Est enim martyribus  
suavis ad cibū, vmbrosa ad requiē, honora-  
bilis ad triūphū, semper virēs, semper vestita  
folijs, semper parata victoriæ. Atq; ideo  
non marcescit palma, quia martyrum victo-  
ria non marcescit. Curramus ergo vt cōpre-  
hēdamus altitudinē palmæ, vt fructus eius  
carpamus: curramus vt vincamus. Qui vice-  
rit, ascendit in palmam, & manducat fructus  
eius. Hinc philosophi currulia illa animarū  
in suis libris expressere certamina, nec tamē  
ad palmam peruenire potuerunt: quoniam  
suauitatē verbi & altitudinē illam animæ  
nescierunt, quam cognouit hæc anima, in  
qua erat verbi conuersio.

**V**eni frater mi egrediamur in agrū, requiesca-  
mus in castellis. Supra inuitabat ad hortū,  
hic ad agrū: habentem videlicet non solum  
florum

αὐτὸς ὁ δὲ

μὴν ὅτι καὶ

μαρτ.

florum gratiā, sed etiā triticū & hordeū: hoc est, solidorū firmamentū virtutū vt fructus eius aspiciat. Requiescamus inquit, in castellis, ad quæ Adā de paradiso eiectus fuerat relegatus. In his requiescebat, sed terrā operabatur. Qua autem ratione exire eum in agrum velit, intellectus manifestus est: vt quasi bonus pastor pascat gregem suū, lassos alleuet, reuocet errantes. Nam et si anima ista noua ac vetera seruauit, tamen sunt adhuc velut agni, qui lactis succo sunt nutriendi. Ergo quasi perfecta non pro se, sed pro alijs interuenit, vt de sinu patris exeat, vt procedat foras tanquam sponsus de thalamo suo, egrediēs currat viam, vt infirmos lucretur, nō in illo secreto patris solio, & in illa luce commoretur, quo inualidi equi cōscendere non queunt: sed vt assumatur & inducatur in domum sponsæ atque secretum. Sit foris sibi, vt nobis sit intus.

Psal. 118.

Li. de virgin. 3.

**V**eni frater, exeamus in agrum.] Aduertis quomodo Sponsa verbum inuitet: Multos ager fructus habet, sed ille melior est, qui & frugibus redundat & floribus. Est ergo Ecclesiæ ager diuersis fecundus copijs. Hic cernas germina virginитatis flore vernantia, illic tanquam in campis syluæ viduitatem grauitate pollentem, alibi tan-



tanquam vberi fruge coniugij, Ecclesiæ se-  
getem replentem mūdi horrea, ac veluti ma-  
ritatæ vineæ foetibus torcularia Domini  
Iesu redundantia, in quibus fidelis coniugij  
fructus exuberat. Inuitat ergo Spōsa Dei  
verbum vt veniat in terras, & tollat pecca-  
tum mūdi. Ager hic erat ante desertus, sen-  
tibus nostrorum squalidus, delictorū horri-  
dus spintis. Castellum erat in quo relegatus  
Adam perpetuo suæ posteritatis hæredes  
restringebat exilio. Illo ergo ducit Christū  
Ecclesia, vt Adā liberet. Deinde exulibus ab-  
solutis cæpit mundi istius ager idoneos ha-  
bere cultores: & qui erat ante ieiunus, factus  
est æternæ vitis plantatione foecundus. Nec  
sic tamen spiritalibus læta palmitibus eua-  
gatur, sed ad has vineas vocat Christum,  
vbi psallentes sint & orantes, vbi nocti-  
bus ac diebus fructus perseveret innoxius.

In psal. 118  
ser. 19.

**M**Andragoræ dederunt odorem suum. Mādragora  
Pleriq; discernunt quendam inter  
mandragoras sexum: vt & mares putēt esse  
& foeminas: sed foeminas grauis odoris. Si-  
gnificat ergo Gentes, quæ ante foetebant, cū  
essent infirmiores, euiratæ quadam imbeci-  
litate perfidiæ, boni odoris fructus ferre cæ-  
pisse, postquam in aduentum Domini cre-  
diderunt. Legimus etiam quod mandago-

N ras

ras acceperit sancta Rachel à sorore sua Lia,  
 vt concederet ei illa nocte dormire cū san-  
 cto Iacob. Mandragoras Ruben primogeni-  
 tus attulerat matri suæ Liæ, quæ lippientia  
 oculis Synagogæ figuram accepit: quia  
 Christi gratiam videre non potuit, heberata  
 debilis mētis obrutu. Quo declaratur, quòd  
 fructus quos ante Synagoga à primogenito  
 Dei filio susceperat, concessit Ecclesiæ. Sed  
 quia illius noctis potita cōcubitu, concepit  
 Liæ suæ posteritatis hæredē, impletur mys-  
 terium, quoniam credentibus Apostolis res-  
 liquiæ Iudæorum per electionē gratiæ salus  
 factæ sunt. Vnde & ait Ecclesia:

In psal. 118.  
 ser. 17.

**N**oua & vetera frater miseruauit tibi: Hoc est  
 dicere, Teneo mādāta omnia noui & ve-  
 teris instrumēti. Sola hoc dicere potest Eccle-  
 sia. Nō dicit alia cōgregatio, nō dicit Synago-  
 ga, nec secundū literā noua tenēs, nec secun-  
 dū spiritū vetera. Nō dicit hēresis Manichea  
 vetera seruauit tibi, quæ prophetas non sus-  
 scripsit.

Caput octauum.

1. Cor. 3.

**Q**uis det te mi frater sugētem vbera matris  
 meæ? Vbera Sponsæ duo sunt tes-  
 tamenta: Vetus & Nouū. Ex his ex-  
 primitur lac, quo infantes in Christo alim-  
 tur: quēadmodū Paulus dicebat: Lac vobis  
 potū dedi nō escā: nōdū enī poteratis, sed nec  
 adhuc



adhuc qdē potestis: adhuc enī estis carnales.

**I**nueniens te foris, osculabor te, & quidem non  
spernent me. Habens ergo informatio-  
nē nouarū & veterum scripturarū, nec de-  
spicibilē se esse sentēs, nō solū orationibus in  
secreto cordis verbū tenet, verum etiā psal-  
lentis chori vocibus veluti qbusdā eū gratie  
osculis osculatur. Foris verō osculatur Ec-  
clesia Christū, & ab eo in cubiculū introducitur,  
sicut supra ait: Introduxit merex in cu-  
biculū suū. Osculatus est eū foris, quādo tā-  
quā spōsus pcedēs de thalamo suo exultauit  
tanq̃ gigas ad currendā viā. Tāq̃ gigas foris  
est, quia nō rapinā arbitratus est esse se equa-  
lē Deo, formā seruī accipiēs. Foris ergo fa-  
ctus est, qui erat intus. Vide illū intus, quādo  
legis, quod est in sinu patris: cognosce illū  
foris, quando nos quærit, vt redimat. Foris  
sibi factus est, vt mihi intus esset, et fieret  
medicus noster. Igitur Sponsa malorū gra-  
natorum, hoc est, diuersorum & innumera-  
biliū fructuū, & præcipuē fidelū odoribus, gra-  
tiæ, sapiētiae, & gloriæ, vitæq̃ æternæ sub-  
nixā diuinitijs, quæ sunt circa sinistrā & dex-  
terā spōsi, p̃ animas sanctas laudatiū cōgrega-  
tionū plausibus excitat Christū dicēs: Adiu-  
raui vos filiæ Hierusalē, q̃ suscitetis & resus-  
citetis dilectionē vsq̃ quo voluerit. Adhuc  
quærit suscitātē, & suscitari eā sibi poscit, &

Lib. de in-  
stitutione  
virginis.  
Cant. 2.  
Psalm. 18.

Philip. 2.

Ican. 1

sitibus Hierusalem: quarum gratia, hoc est, animarum fidelium, sponsum in amorem sibi yberiozem desiderat prouocari.

In psal. 118.  
ser. 19.

Esa. 63.

Li. de Isaac.

**Q**uæ est hæc, quæ ascendit dealbata, innitens super fratrem suum? Mirantur virtutes cælestes Sponsam albensibus meritis ascendentem ex isto vitæ huius, ut habent plerique, deserto, ad illum florentem semper locum iocunditatis æternæ. Istæ sunt virtutes quæ in Esaïæ libro dicunt: Quis est iste, qui aduenit ex Edom, rubor vestimentorum ex Bosor, sic speciosus in stola? Istæ, inquam, sunt, quæ mirantur ex isto confragoso scopulo quoque deserto, ex loco, inquam, arido & inculto posse aliquem ascendere ad illas florulentas delectationes sine magnorum laborum. Et ideo gratulantur repertâ, quæ vestimenta innocentie naturalis non polluerit atramento sapientie secularis: sed magis sapientie spiritualis & gratie cadoze mûdarit. Quæ est inquit hæc, quæ ascendit, innitens supra fratrem suum? Superius dixerat. Quæ nam est hæc, prospiciens tanquam diluculû, speciosa sicut Luna, electa ut Sol, hic plus quod diceretur, inuentum est, eò quod verbo Det innixa ascenderet. Perfectiores enim supra Christum recumbunt, sicut & Ioânes in Christi pectus recumbebat. Ita ergo & hæc



hæc vel incumbibat in Christum, vel super ipsum sese reclinabat, aut certe quoniam de nuptijs loquitur, iam quasi tradita in dextram, in thalamum ducebatur à sponso. Et quia tam copula charitatis est, blanditur ei sponsus, & dicit:

**S**ub arbore mali eleuavi te: illic parturiuit te mater tua, illic parturiuit te, quæ peperit te:

Bona anima, quæ requiescit sub arbore fructuosa, & maximè boni odoris. Nam si Ioan. I. Nathanael bonus, in quo dolus nullus erat, sub arbore fici visus est, utique bona, quæ sub arbore mali eleuata est à Sponso suo. Plus est eleuari, quàm videri, plus etiam à sponso eleuari. Nam si Nathanael videbatur sub arbore, tamen anima eius Sponsa non erat, qui occultè veniebat ad Christum, quia verebatur Iudæos. Non erat speciosa sicut luna, electa ut sol, quæ erat in umbra, quia sponsa per diem nubit, publicè confitetur. Ideo ista sub arbore mali, illa sub ficu, quia hæc confessionis suæ odorem diffundebat longius, illa habebat puritatis & innocentiae suauitatem, fragrantiam spiritus non habebat. Illic, inquit, parturiuit te mater tua, illic parturiuit te, quæ peperit te. Ibi enim nascimur, ubi renascimur. Parturiuntur autem in quibus imago Christi formatur. Vnde & Cal. 4. ille ait: Filioli quos ego parturio, donec for-

N in metur

metur Christus in vobis. Parturit enī q in  
 vtero accipit spiritū sanctū, & alijs infundit.  
 Vnde qā iā format⁹ in hac erat Christus, ait:  
**P**One me vt signaculū cor tuū, vt sigillum in  
 brachiū tuū. Signaculum Christus in frōte  
 est, signaculum Christus in corde. In fronte  
 vt semper cōfiteamur, in corde, vt semp dis  
 ligamus: sigillum in brachio vt semp opere  
 mur. Luceat imago eius ī cōfessione nostra,  
 luceat in dilectione, luceat in operatione, vt  
 si fieri potest, tota eius species exprimat in  
 nobis. Ipse sit caput nostrū, quia caput virt,  
 Christus: ipse oculus noster, vt per illū vide  
 amus patrē: ipse vox nostra, per quam loqua  
 mur ad patrē: ipse dextera, per quē Deo pa  
 tri nostrū sacrificiū deferamus. Ipse quoq; sig  
 naculum nostrū, quod est charitatis & perfe  
 ctionis insigne, quia diligens pater signauit  
 filium, sicut legimus: Quem pater signauit  
 Deus. Pone me, inquit, vt signaculum in cor  
 tuum, vt sigillum in brachium tuum. Quia  
 vidit sp̄s tantam deuotionem Ecclesiae,  
 idoneos putat esse iam populos, qui in cor  
 de nostro & in brachio signaculum eius  
 portare possimus. Ipsum enim pater signa  
 uit Deus, & qui testimonium eius accepit,  
 signauit, qā Deus verax est. Et ideo operātes  
 cibos permanentes in vitam aeternā, signati  
 sunt ad imaginem & similitudinem Christi  
 qui

Ioan. 6.



qui est imago inuisibilis Dei. Sicut ergo Deus verax est, & tu signa in tuo sensu & opere veritatem, vt os tuū nō loquatur mendaciū, manus tua nō operetur opera hominum, quæ sunt fallacis istius mundi, sed illa quæ Dei sunt, vt pauperibus largiatur, debiles subleuet, mortuos honoret tumulis sepulturæ. His operibus charitas quæritur, vt nemo possit à Christo vel periculo mortis auelli. Vnde de ea dictum sequitur.

**V**Alida sicut mors dilectio, zelus eius, vt inferi: alæ eius, alæ ignis.]

Inde est, quod ille dicebat: Quis nos separabit à Christo? Tribulatio? an angustia: an persequutio? Et infra: Confido enim, quia neque mors, neque vita, neque angeli. Ea specie etiam zelus durus est charitatis, & alæ eius, alæ ignis. Habet alas sicut columba. Sunt enim alæ columbæ deargentatæ, quibus euolat qui dicit: Et ecce elongaui fugiens, & mansi in solitudine: sed alæ charitatis, alæ sunt ignis, quibus dilectionis inflamat ardorem. Hoc vapore feruentes fecit Dominus angelos suos spiritus, & ministros suos ignē vrē, nō exurēt. Valida sicut mors dilectio: quia sicut mors finis est peccatorū, ita & charitas: quoniam qui diligit Dominū, peccare desinit. Charitas enim nō cogitat malū,  
 N. liij neq̃

Rom. 8.

Psal. 54.

1. Cor. 13.

Luc. 7.

Exod. 3.

Hier. 20.

neq; gaudet super iniquitate, sed omnia sustinet. Et est mors valida per lauacrum, per quam omne peccatum sepelitur, & culpa dimittitur. Talis erat charitas, quam deferrebat Evangelica illa mulier, de qua Dominus dicit: Remissa sunt ei peccata multa, quoniam diligens dilexit multum. Est & alia mors sanctorum Martyrum valida, quæ culpā abolet superiorem, & ideo valida. Cuius non impar est charitas, quæ martyrum æquatur passionibus ut auferat meritum delictorum. Zelus quoque ut inferi, quoniam qui zelum Dei habet, pro Christo nec suis parcat. Itaque & mortem habet charitas, & zelum habet charitas, & alas ignis habet charitas. Denique Christus diligens Moysen, in igne ei apparuit. Et Hieremias donum in se habens diuinæ charitatis, dicebat: Et erat ignis inflammans in ossibus meis, & dissolutus sum, & ferre non possum. Bona igitur charitas habet alas ignis ardētis, quæ volitat per pectora & corda sanctorum, & exurit quicquid est materiale & terrenum: quicquid verò sincerum est, probat, & quod contingit, suo igne meliorat. Hunc ignem in terras miser sit dominus Iesus, & refulsit fides, accensa est deuotio, illuminata est charitas, resplenduit iustitia. Hoc igne inflammauit cor discipulorum suorum, sicut testatur Cleophas dicens: Nonne



Nonne cor nostrum ardens erat in nobis, Luc. 24.  
 cum aperiret nobis scripturas! Alæ igitur ignis, flammæ sunt scripturæ diuinæ. Denique aperiebat scripturas, & ignis exhibat, & audientium corda penetrabat. Et verè alæ ignis, quia eloqa Domini, eloqa casta, argētū igne examinatū. Bonæ ergo alæ charitatis. Verè alæ, quæ volitāt p̄ ora apostolorū: et alæ ignis, Acto. 1.  
 quæ purgatum sermonem loquebatur. His alis euolauit Enoch raptus ad cælū: his alis euolauit Helias curru igneo, & equis igneis 4. Reg. 2.  
 ad superiora translatus: his alis Dominus Iesus per columnam deducebat Patrum plebem: has alas habuit Seraphin, quādo sum̄ Exod. 13.  
 p̄sit carbonē de altari, & tetigit os Prophetę & iniquitates eius abstulit, & peccata purga-  
 uit. Harum alarum igne purgati sunt filij Leui, & baptizabantur populi nationum, sicut testatur Ioannes de Domino Iesu: Ipse Matth. 3.  
 vos baptizabit in Spiritu & igne. Merito vri renes suos & cor suū volebat Dauid, q̄ alas igneas charitatis nō metuēdas esse sciebat, merito Hebræi pueri in fornace ardenti non sentiebant incendia, quia charitatis eos ignis refrigerabat.

**A** Quamulta nō poterit extinguere charitatē. Charitas adamante fortior, & vinculum indissolubile. Nulla diluuiā passio-  
 num

num charitatem excludere possunt, nulla  
tam acerbis flumina inundare. Sicut  
enim arca in illo mundi diluuiio totius or-  
bis spatijs innocua ferebatur, ita & tu aduer-  
sus omnium tentationum fluctus immobilis  
perstas. Sūt ergo fastigia pietatis, sunt culmi-  
na charitatis, quæ vaporem gratiæ pectoribus  
humanis adolere cōsueuerūt, ut multa aqua  
extinguere atque excludere nō queat charita-  
tē, & flumina eā seculariū tēpestatū nulla cō-  
cludāt. Ideoque charitate fundatus dicit: Tor-  
rentē pertransiuit aīa nostra. Nūquid aqua  
maris excludere potuit Moyse charitatem?  
Nēpe diligēs Deū tutū credidit iter esse per  
maria, qui autē nō dilexerūt Deū, hi dimer-  
si in fluctibus dignū sacrilegij sui exitū pertu-  
lerunt. Nulla ergo tēpestas, nullū profundū,  
nullus terror mortis aut pœnæ vī imminuit  
charitatis. Audierūt igitur hæc oīa filiæ Hie-  
rusalē, nimirū quod Dominus Iesus Ecce-  
siā sibi copulabat, & quia cōsiderantes mag-  
nitudinem verbi, imparem tantis nuptijs  
æstimabant, ne forte tantæ copulæ pondus  
sustinere non posset, excusant dicentes.

**S**oror nostra parua, & vbera non habet. Sic  
enim qui volūt differre nuptias, excusare  
cōsueuerunt ut prætendāt immaturæ ætatis  
infirmitatē, adstruāt quod vbera nō habet,  
quæ



quę nubillis significāt tēpus etatis. Hoc solet  
symbolū oībus virginibus esse nupturis, vt  
cū vbera cæperint eminere, tūc cōiunctioni  
habiles iudicētur. Turbatę igitur quod stu-  
dio dilectionis vrgeat sponsus, dicunt:

**Q**uid faciemus sorori nostrę, in die quādo lo-  
quetur in ea? Hoc est, sponsaliū celebra-  
tate solet fieri collocutio & cōfirmatio nu-  
ptiarū. Quid ergo faciemus, dicūt turbatę,  
quia vrgetur cōiunctio spiritalis, & tātas nu-  
ptias excusare nō possunt? Nemo est enī qui  
copulā vel animę & Spiritus, vel Christi &  
ecclesię nō beatā putet. Sed quia plenitudo  
verbi & spiritus s̄cti vibrat & fulget, & nihil  
est quod illis possit equari, ideo differre desi-  
derāt, vt illa dilatōne vel anima, vel ecclesia  
possit esse perfectior. Dicunt ergo.

**S**imus est, edificemus super eū receptacula ar-  
gētea: si ostiū est, sculpamus super eum tabulas  
cedrinas. Quę dudū ludebat osculis, iā tur-  
res erigit: vt preciosis sanctorū turrata fasti-  
gijs, nō solū hostiles frustretur incursum, ve-  
rum etiā bonorum propugnacula struat tuta  
meritorum. Murus verò est animi iusti. Ha-  
bet et Ecclesia muros, quę iam perfectior  
dicit: Ego ciuitas munita. Hic est murus, qui  
habet duodecim portas Apostolicas, per  
quas populo nationum patet ingressus in  
ecclesiā. Sed murus quantumuis ambitum  
totius

In apologia  
David.

Ioan. 10.

totius vr̄bis includat, tunc tamen est munis-  
tior cum receptacula habuerit pr̄parata, in  
quibus propugnatores vr̄bis tutū speculādi  
& tuendi possint habere subsidiū. Sed quia  
h̄c rationabilis ciuitas est, & omnis spes  
eius in Dei verbo, nō ferrea, sed argētea ei  
propugnacula regrūtur, eloquijs magis cele-  
stibus, q̄ corporis voluptatibus hostiles im-  
petus repulsare cōsueta. Eo fulta pr̄sidio,  
eo fulgēs splēdore, habilior Christi copulā  
iudicatur. Muri deniq̄ Ecclesię sunt fidei pa-  
pugnacula, disputationū munimēta, ac cul-  
mina virtutū. Muri sunt Ecclesiarū cōuētus  
toto orbe fundati: quoniā quisq̄s bona fide  
atq̄ opere ingreditur Ecclesiā, fit supernę il-  
lius ciuis & incolā ciuitatis, quę descēdit de  
cēlo. Hos muros lapidū edificat structuravi-  
uorū. Et quia ianua est Christus, qui ait, Per  
me si quis introierit, saluabitur, et Ecclesia  
ianua nūcupatur, quia per ipsā patet populis  
aditus ad salutē, ne h̄reticorū tineis aut ver-  
mibus corrūpatur, dicūt filiæ Hierusalem,  
Aedificemus super eā tabulas cedrinās, hoc  
est, fidei sublimis bonū odorē. Est enim sua-  
uis huius materiæ odor, quā nō vermīs, nō  
tinea corrūpat. Ideo huius materiæ vsus eli-  
gitur tectorū fastigijs eleuandis, formā discip-  
ularū elementis, q̄bus ætas puerilis ad stu-  
dium



diū liberalis eruditiois imbuatur. Est ergo materia istis sublimis ad gratiā, leuis ad onus suauis ad odorē, vtilis ad instrumētū sciētię, habilis ad ministeriū cognitionis æternę. Sed quēadmodū Spōsam suā diligēs Christus vrgebat ad copulę solēnitatē, ita ecclesia verbi decore iā capta, festinabat ad nuptias. Ideoq; morarū & dilectionis impatiēs, quas filiæ Hierusalem innectere gestiebant, dicit.

**E** Go murus, & vbera mea turreis. *Psalm.*  
 Hoc est, Nolite dubitare, vtrum murus sim. Illę enim dixerāt: Si murus est, ego inquit, murus sum, & nō parua vbera habeo, sed vbera mea turreis sūt. Quomodo dicitis, quia vbera nō habeo? Sēsus vt turreis habeo, sapiētię in quibus est abūdātia, sicut scriptū est, Et abundantia in turribus tuis. His vberibus, id est, sensibus, habilē se tātis nuptiis æstimabat. Sed filiæ Hierusalē adhuc nō poterāt æstimare, quia sensuū eius abūdātiā nō videbāt. Addidit ergo: Ego erā in oculis eius tāquā inueniēs pacē. Talis, ait, erā i oculis Spōsi, qualis quę habet & inuenerit pacē: illā vtiq; pacē, quę superat omnē mētē. Scriptum est enim: Qui recte quærunt pacem, habebunt eam testimonium.

**V**itis mea in cōspectu meo, mille Salomoni, & ducenti seruantibus fructum eius.

Festis

In psal. 118.  
117.

Festinantibus dilecto atque dilecta celebrata cō-  
mūctio est spiritalis, mutuo expetita cōsensu.  
Ideoque tāq̃ nuptiale canens carmē exultabat  
spiritus in ppheta dicēs, Vineā facta est Sa-  
lomonī, in Beelamō, dedit vineā suā his qui  
seruāt. Glatat ergo spiritus: Plātata est cō-  
gregatio populorū vt vitis eterne radice fun-  
data, & spiritalia sub iugū verbi corde man-  
suetocola subiecit: plātata autē in multitu-  
dine nationum. Hoc enī intelligendum Be-  
lamon sonat. Repudiata est vetus copula,  
quæ fructum adferre non poterat, data est  
vineā nouis fidelibus cultoribus, qui nō so-  
lum facere fructus possent, sed etiam custo-  
dire. Custodita igitur & vallata hæc vinea  
muntmine spiritali, mille fructus dat Chri-  
sto, ducētos autem fructus custodibus. Itaque  
hæc anima spiritalibus iam donis exuber-  
rans, & cælesti sponso perpetuo fœdere co-  
pulata in hortos ingreditur, & inueniens il-  
lic spōsum sedere & cū amicis disputare, ait:  
**Q**uæ sedes in hortis amici intendētes sunt voci  
tuæ: vocē tuā insinua mihi. Sed quia futurum  
erat, vt cū ad plenitudinē puenisset Ecclesia,  
persequutionibus varijs tētaretur, ideo cum  
verbi gratia delectaretur, subito cernit per-  
sequutorum insidias. Et quæ plus Sponso  
q̃ sibi timeret, aut quia a persecutoribus  
Christus magis appetitur in nobis, ideo ait:



**F**Vge frater mi, & similis esto tu capreolæ, aut  
 hinnulo ceruorū, super mōtes aromātū. Pro-  
 pter infirmos fugit Christus, qui tentamēta  
 grauiora ferre nō possent. Ideoq; scriptū est, *Matt. 10.*  
 vt de ciuitatibus ad ciuitates fugiamus: et si  
 nos in hac ciuitate fuerint persecuti, fugia-  
 mus in aliam. Propter infirmos igitur, vt  
 dixi, fugiat, aut fugiat ab infirmis, et trāseat  
 ad mōtes aromatum, qui pro martyrio pos-  
 sint odorem beatæ resurrectionis adferre.  
 Montes aromatum sancti sunt. Ad eos con-  
 fugit Christus, quia fundamēta eius in mō-  
 tibus sanctis. Ad eos igitur cōfugit, qui sunt  
 eius stabilia fundamenta: in nobis fugit, in il-  
 lis fida statione cōsistit. Mons ergo aroma-  
 tum Paulus est, qui potest dicere: Bonus o- *2. Cor. 2.*  
 dor Christi sumus Deo. Mons aromatum  
 David, cuius orationis odor ascendebat ad  
 Dominum. Et ideo dicebat. Dirigatur ora *Psal. 140.*  
 mea sicut incensum in conspectu tuo.

Hæc vobis sanctæ virgines munuscula ego  
 parauī. Si q̄s hic flores cernitis, de vestræ vi-  
 tæ collectos legite sinu. Nō sunt hæc p̄cepta  
 virginibus, sed de virginibus exēpla. Vestræ  
 virtutis effigiē nostra dep̄xit oratio, vestræ  
 grauitatis imaginē quasi in speculo quodā  
 istius

Istius sermoniscernitis refulgere. Vos si  
quā nostro gratiā inhalastis ingenio, vestrū  
est, quicquid iste redolet liber. Et quoniam  
quot homines, tot sententis, si quid defeca-  
tum est in sermone nostro, omnes legant: si  
quid decoctum, maturiores probent: si quid  
modestum, pectoribus inhæreat, genas pin-  
gat: si quid florulentum, ætas florulenta nō  
improbet. Debuimus Sponsæ nosse amo-  
rem, debuimus in nuptiis Sponsæ crines  
calamistris quibusdam saltem orationis or-  
nare, debuimus perpetuos spargere tha-  
lamos rosis: totus enim iste deliciarū  
locus ludū sonat, plausum  
excitat, prouocat  
amorem.

FINIS.



